

Saleem Ullah

PRAYER BOOK

(PERSIAN PUNJABI)

نماز دی کتاب

(پنجابی)

کرپن تالچ سوئیٹ

انارکلی - لاہور



S. P. C. K., LAHORE

سنہ ۱۹۵۲ ع

نماز دی کتاب

ہندوستان - پاکستان - برما تے لنکا
دی کلیسیا دے طریقے دے مطابق

جیہڑی

لاہور دے بشپ صاحب دی منظوری نال

چھاپی گئی

۱۹۵۴ء

مضموناں دی فہرست

نمبر شمار	مضمون	صفحہ
۱	صبح تے شام دی نماز دی ترتیب	۳
۲	لطانیہ	۲۴
۳	خاص دُعاواں تے شکر گزاریاں	۳۴
۴	سارے سال لئی دُعاواں	۴۸
۵	عشائے ربانی یعنی پاک رفاقت دی نماز	۹۱
۶	بچیاں دے بپتسمہ دی ریت	۱۱۹
۷	بالغوں دے بپتسمہ دی ریت	۱۳۰
۸	دینی سوال تے جواب	۱۴۳
۹	استحکام دی نماز دی ترتیب	۱۴۹
۱۰	زکاح دی رسم	۱۵۶
۱۱	نماز جنازہ دی ترتیب	۱۶۸
۱۲	بچیاں دے دفن دی ترتیب	۱۸۳
۱۳	زچہ دا شکرانہ	۱۸۷
۱۴	اقراری بناؤن دی ترتیب	۱۹۱

اغلاط و تصحيح

صفحہ	مطابق	غلط	صحیح
۱۰	۹	قصورواراں نوں بخش	قصورواراں نوں بخش
۳۶	۱۰	بزرگ نال	بزرگ ناں
۴۰	۸	ہتھاں وچ یا ہتھیں	ہتھاں وچ
۴۰	۱۱	لئی دعا	لئی شکرانہ
۸۰	۱۴	لوقا رسول	توما رسول
۸۸	۷	۶۸ اکتوبر	۶۰ اکتوبر
۱۰۲	۴	سنتے	سنئے
۱۵۰	۸	رسولاں	دے رسولاں
۱۶۰	۱۶	نال نال	ناں نال

صبح تے شام دی نماز دی ترتیب

سال دے ہر روز دے لئی

شروع صبح خادم دین پاک کلام دیاں سیٹھاں لکھیاں ہونیاں
آیتاں دچوں اک یا زیادہ اُچی آواز نال پڑھے :-

توبہ :- میں اٹھ کے اپنے باپ کول جانگا تے اوہنوں آکھاں گا۔ پئی
اے باپ میں آسمان دا تے تیرا گناہ کیتا ہے۔ تے مَن میں اس
گل جو گناہیں جو مُرتیرا پُتر اکھواواں۔ (لوقا ۱۵ : ۱۸ و ۱۹)
جے اسیں آکھئے پئی ساڈے وِج گناہ نہیں ہے تاں اسیں اپنے
آپ نوں دھوکا دیندے ہاں۔ تے ساڈے وِج سچیاں نہیں
ہے۔ پر جے اسیں اپنے گناہاں دا اقرار کریئے۔ تاں اوہ سچا
تے نبائیں ہے جو ساڈے گناہاں نوں بخشے تے سانوں ساری
بدی حقوں پاک کرے۔ (۱ یوحنا ۱ : ۸-۹)

خداوند ساڈے خدا دیاں رحمتاں تے بخششاں بہت جین بھلوں
اسیں اوس حقوں باغی ہو گئے ہاں۔ اسان مولوں خداوند اپنے خدا
دی آواز نوں نہ سُنبا جو اُہدیاں شریعتاں اُتے ٹپئے جھڑیاں اوس
ساڈے آگے رکھیاں ہن۔ (دانیل ۹ : ۹-۱۰)

جیہڑا اپنے گناہاں نوں کُکاؤندا ہے۔ اوہرا کدی بھلا نہ ہونیکا۔
تے جیہڑا اوسناں نوں منداتے چھڈ دیندا ہے اوہرے اُتے رحم

کیتا جائے گا۔ (امثال ۲۸ : ۱۳)

عبادت :- خدا روح ہے۔ تے جیڑے اوہدی بندگی کر دے نے
اوہناں نوں چاہیدا ہے۔ پئی روح تے سچائی نال بندگی کرن۔

(یوحنا ۴ : ۲۴)

خداوند نوں پاکیزگی دی خوبی نال سجدہ کر دے ساری دھرتی اوہدی

اگے کہے۔ (زبور ۹۶ : ۹)

آمد :- توبہ کرو کیوں جو آسمان دی بادشاہی نیڑے آگئی ہے۔

(متی ۳ : ۲)

رات بہت بیت گئی ہے تے دن چڑھن والا ہے۔ سوہنیڑے

دے کم چھڈ کے چان دے ہتھیاں پالے۔ (دوسو ۱۳ : ۱۲)

عید ولادت :- دیکھوئیں تہاؤں بڑی خوشی دی خبر سنا ناں ہاں۔

جیڑی ساری قوم لئی ہوئے گی۔ پئی داؤد دے شہر وچ آج

تھاؤ دے لئی اک نجات دین والا پیدا ہو یا ہے۔ اوہ مسیح خداوند

ہے۔ (لوقا ۲ : ۱۱-۱۰)

خدا دی محبت ساڈے اُتے ایس طرح ظاہر ہوئی ہے۔ پئی

خدا نے اپنے اکلوتے بیٹے نوں دنیا وچ گھلایا ہے۔ تاں

جو ایس اوہدی راہیں جیوندے سیئے۔ (یوحنا ۴ : ۹)

خدا نے پہلے زمانے وچ نبیاں دی راہیں۔ پیو دایاں نال

گھڑی مڑی تے طرح طرح کلام کیتا۔ تے ایس آخری زمانے

وچ ساڈے نال بیٹے دی راہیں بولیا۔ (عبرانیوں ۱ : ۱)

عید ظہور :- خداوند نے اپنی نجات ظاہر کیتی ہے۔ اس نے قوماں

دے سامنے اپنی نیکی کھلم کھلے طور نال دکھائی ہے۔ (زبور ۹۸: ۲)
 روزہ :- اپنے کپڑیاں نوں نہیں سگوں اپنے دل نوں پاڑو تے
 خداوند اپنے خدا دل مڑو۔ کیوں جو ادہ مہربان تے رحیم ہے۔
 غصہ کرن وچ دیکھرا تے رحم کرن وچ ودھ کے ہے۔ تے سزا
 دینی نہیں چاہندا :- (یوئیل ۲: ۳)

خدا دیاں قربانیاں مٹی ہوئی جان ہن۔ اے خدا توں ٹٹے تے
 مارے کٹے دل نوں ماڑیاں نہ سمجھیں گا۔ (زبور ۵۱: ۱۷)
 پاک ہفتہ :- اے سارے آدن جان والیو! کیہ ایہ تہاڈے لئی
 کجھ دی نہیں؟ دھیان نال دیکھو۔ پئی میرے دکھ وانگر کوئی ہوا
 دکھ دی ہے؟ (نوحہ ۱: ۱۲)

خدا اپنی محبت دی خوہی ساڈے اُتے ایس طرح ظاہر کردا ہے
 پئی جد ایس آجے گنہگار ہی ساں۔ مسیح ساڈے بدلے مویا۔
 (رومیوں ۵: ۸)

عیدِ قیامت :- ساڈے خداوند یسوع مسیح دا خدا تے باپ
 مبارک ہووے جس نے یسوع مسیح دے مردیاں دیکھو جی
 اُٹھن دے سبب اپنی بڑی رحمت نال سانوں زندہ اُمدے
 لئی نویں سر یوں پیدا کیتا ہے۔ (۱ پطرس ۱: ۳)

عیدِ صعوو :- جد ساڈا اک اجیہا وڈا سردار کاہن ہے۔ جیہڑا
 آسماناں دچوں لنگھ گیا۔ یعنی خدا دا بیٹا یسوع۔ تاں آؤ۔ ایس
 فضل دے تحت کول دلیری نال چلے۔ تاں جو ساڈے اُتے
 رحم ہووے تے اوہ فضل پائیے جیہڑا لوڑ دے ویلے ساڈی

(عبرانیوں ۴: ۱۴-۱۶)

مذکرے۔

عیدِ نزول :- خدا دی محبت پاک رُوح دی راہیں جیڑا سائوں دیتا
 گیا ساڈے دلاں وِچ پائی ہوئی ہے۔ (دوسویں ۵: ۵)
 عیدِ تثلیث :- قدّوس۔ قدّوس۔ خداوند خدا۔ قادر مطلق جیڑا
 ہے سی۔ تے جیڑا ہے تے جیڑا آؤن والا ہے۔ (مکاشفہ ۳: ۸)
 سب مقدّساں دا دین :- جدوں گواہاں دے ایڈے وڈے بدل
 نے سائوں گھیرا ہویا ہے۔ تاں آواہیں سارے بھارتے اوس
 گناہ نوں جیڑا سائوں آسانی تاں پھسالیںدا ہے ہٹا کے اوس
 دَوڑ وِچ صبر نال دَوڑیئے جو ساڈے سامنے ہے۔ تے ایمان
 دے بانی تے کابل کرن والے یسوع دل تکرے رہے۔

(عبرانیوں ۱۲: ۱-۲)

کے مقدّس دا دین :- نیک لوکاں دی یادگیری مَدا تیکر رہو گی۔
 تے سچّیاں دی یاد مبارک ہے۔

(زبور ۱۱۲: ۶ - امثال ۱: ۷)

پھیر خادِم دین جماعت دل منہ کر کے ایہ نصیحت پڑھے

پیارو۔ پاک کتاب بہت تھانواں وِچ سائوں اُبھار دی ہے۔
 پئی اسیں اپنے طرح طرح دے گناہاں تے بدیاں نوں من کے اوہناں
 دا اقرار کریئے۔ تے اوہناں دی بابت قادر مطلق خدا دے حضور جیڑا
 ساڈا آسمانی باپ ہے جیلہ بہانہ نہ کریئے تے نہ اوہناں نوں لکائیے سگوں
 غریب عاجزے تا بعد ازاں نال اوہناں دا اقرار کریئے۔ تاں جو اوہرے
 بے حد رحم تے فضل نال اوہناں دی مُعافی سائوں ملے۔

ایہ تان ساڈا فرض ہے پئی اسیں ہر ویلے خدا دے سامنے عاجزی
نال اپنے گناہاں دا اقرار کریئے پر خاص طور نال اوس ویلے ایہ کرنا ضروری
ہے۔ جدوں اسیں ایس لئی اکٹھے ہوویئے پئی اسیں ایہناں وڈیاں وڈیاں
نعمتاں دے لئی جیڑیاں اُساں اوہدے کولوں پائیاں ہین شکر کریئے
تے لائق طور نال اوہدی وڈیائی کریئے تے اوہدیاں کلام سُنئے تے
جیڑیاں چیزاں جسم تے رُوح واسطے لوڑیدیاں ہین اوس تھوں منگئے
ایں واسطے میں تہاڈی ساریاں دی جیڑے ایہتھے حاضر ہون مت
کرا ہاں پئی میرے نال پاک دل تے عاجزی دی آواز نال آسمانی فضل
دے تخت دے سامنے آ کے مگر آکھو!

(ایا)

ایں عاجزی نال قادر مطلق خدا دے آگے اپنے گناہاں
دا اقرار کریئے

جماعت گوڈے نوا کے خادم دین دے مگر گناہاں دا اقرار کرے

گناہاں دا اقرار

اے قادر کریم باپ اُساں بھلیاں ہوئیاں بھیدیاں وانگوں تیرا رہ
چھڑیا ہے۔ اسیں اپنے من دیاں دیلاں نے پچھتے بہت ہی لگے رے
ہاں۔ اسیں تیرے پاک حکماں دے اُلٹ چلے ہاں۔ جیڑے کم سائوں کرنے
چاہیدے سن اوہ اسان ہینہ کیتے تے جیڑے نہیں سن چاہیدے اوہ اسان
کیتے ہین۔ تے ساڈے دِج کجھ بھلیائی نہیں۔ تدوی اے خداوند! اسان عاجزاں
گنہگاراں اُتے رحم کرتے جیڑے اپنے قصوراں نوں مندے ہین خدا یا اوہناں نوں

دوہیرا تے جہناں تو بکیتی ہے اوہناں نوں اپنے راہ قل پھیر اوہناں دے دیاں
 موجب جیہڑے توں ساڈے خداوند یسوع مسیح دے وسیلے بندیاں نال کیتے
 ہین۔ تے اوہدے واسطے اے مہربان باپ! ایہہ بخش دے جو ایدوں آگے
 ہیماں۔ نیکی تے پرہیزگاری نال ایس اپنے دن پورے کریئے تاں جو تیرے
 پاک ناں دی وڈیائی ہووے۔ آمین (پا)

اے خدا ساڈے باپ۔ اسان خیال تے زبان تے کماں نال تیرا
 گناہ کیتا ہے۔ اسان اپنے سارے دل نال تینوں پیار نہیں کیتا۔ اسان
 اپنے گوناویاں نوں اپنے درگاپیار نہیں کیتا۔ ایس تیری منت کردے ہاں
 پئی ساڈے اتے رحم کر۔ سانوں ساڈے ساریاں گناہاں تھوں پاک
 کرتے ساڈھی مدد کر جو ایس اپنیاں بدیاں اتے فتح پلئے۔ ساڈے خداوند
 یسوع مسیح دے وسیلے نال۔ آمین۔

معافی دا کلمہ جنہوں پر لیٹھی کھلو کھڑھے۔ جماعت گودے نوئی رکھے

معافی دا کلمہ

قادر مطلق خدا! ساڈے خداوند یسوع مسیح دا باپ کسے گنہگار دی
 موت نہیں چاہندا۔ پر ایہہ چاہندا ہے جو اوہ اپنی برائی تھوں باز آوے
 تے جیوندار ہووے تے اوہنے اپنے خادماں نوں ایہہ اختیار تے حکم دتا
 ہے جو اوہدے بندیاں نوں جیہڑے توبہ کردے ہین اوہناں دے گناہاں
 دی معافی تے خلاصی دی خبر دین۔ جیہڑے سچی توبہ کردے ہین تے اوہدی
 پاک انجیل اتے سچا ایمان لیاؤندے ہین اوہناں سمجھناں نوں اوہ معاف
 کرواتے بخشتا ہے۔ سو آؤ! ایس اوہدی منت کریئے، جو اوہ سانوں

پتی تو بہ کر دی تو متیق تے اپنا رُوح القدس دے پی جیہڑے کم امیں
ہن کر دے ہاں اوہنوں پسند آؤن تے اگے نوں ساڈی رہندی عمر
صفائی تے پاکیزگی نال پیتے تاں جو اوڈک نوں اوہدی سدا دی خوشی
درج پہنچے۔ ساڈے خُداوند یسوع مسیح دے ویلے نال۔ آمین

یا

قادر مطلق تے رحیم خُداوند تہا نوں سارے گناہاں دی معافی تے
مخلصی دیوے تے زندگی دی تبدیلی دا موقع۔ رُوح القدس دا فضل
تے اطمینان بخشے۔ آمین۔

جے پریسٹ حاضر دہودے تاں نماز کران والا معافی دے کلھے دے
بدے پاک کلام دیاں اِنہاں آیتاں اُچی آواز نال پڑھے۔
سُنو! کیڈی تسلی دیاں گلاں پاک کلام وِچ اوہناں لوکاں لئی
لکھیاں ہوئیاں ہن جیہڑے سچے دل نال خُدا وِل مڑوے ہن۔
۱۔ اے سارے لوکو جیہڑے محنت کر دے تے بھار ہپیٹھ دے
ہوئے ہو۔ میرے کول آؤ۔ تے میں تہا نوں آرام دیاں گا۔
(متی ۱۱ : ۲۸)

۲۔ خُدا دُنیا نوں ا جیہا پیار کیتا پئی اوس اپنا اکلوتا بیٹا بخشیا۔ تاں جو
جیہڑا اوہدے اُتے ایمان لیاوے۔ اوہ ہلاک نہ ہووے سگول
اوہنوں سدا دی زندگی ملے۔ (یوحنا ۳ : ۱۶)

۳۔ ایہ نکل سچی تے سمجھناں دے متن جوگ ہے جو مسیح یسوع
گنہگاراں نوں بچاؤن لئی دُنیا وِچ آیا۔ (۱ تیموتھیس ۱ : ۱۵)
۴۔ جے کوئی گناہ کرے تاں باپ کول ساڈا اک مددگار ہے۔ یعنی

یسوع مسیح راستباز تے اوہ ہی ساڈے گناہاں دا کفارہ ہے۔

(ایوحنّا ۱:۲)

پھر خادم دین گوڈے نو اے تے اُچی آواز نال ربّانی دُعا پڑھے تے
جماعت وی گوڈے نو اندیاں ہوئیاں اوہدے نال نال ایہہ دُعا منگے

ربّانی دُعا

اے ساڈے باپ! جو آسمان اُتے ہن تیرا ناں پاک منیا جائے۔
تیرا راج آوے۔ تیری مرضی جس طرح آسمان اُتے پوری ہندی ہے زمین
اُتے دی ہووے۔ ساڈی روز دی روٹی آج سانوں دیہہ تے ساڈیاں
قصوراں نوں بخش دیہہ جس طرح اسیں اپنے قصور واراں نوں بخش دیندے
ہاں تے سانوں آزمائش وِچ نہ پیا سگوں بُربانی تھوں بچا کیوں جو راج تے
قدرت تے وڈیائی سدا تیری ہی ہے۔ آمین۔

ایس دے پچھے خادم دین ایہہ وی آکھے

خادم دین۔ اے خداوند! توں ساڈے ہڈھاں نوں کھول دے۔
جماعت۔ جو ساڈے موناں تھوں تیری وڈیائی ہووے۔
خادم دین۔ اے خدا! چھیتی نال سانوں بچا لے۔
جماعت۔ اے خداوند! چھیتی ساڈی مدد کر۔

ہن سارے کھلو جان تے خادم دین آکھے

خادم دین۔ تعریف باپ تے بیٹے تے روح القدس دی ہووے۔
جماعت۔ جیسی مُڈھول سی۔ ہن وی ہے۔ تے سدا رہے گی۔ آمین۔
خادم دین۔ ربّ دی وڈیائی کرو۔

جماعت - رب دے ناں دی وڈیائی ہووے ۛ

پھیر مٹج دی نماز مٹج زبور ۹۵ گایا جادے

زبور ۹۵

- ۱ - آؤ رب دی وڈیائی گائیے دل تے زور دے نال
جیہڑا ساڈا مکتی داتا۔ او سنوں پوچھے آساں نال
اوہو چٹان ہے جس تھوں ساڈی مکتی ہے
- ۲ - کراں گے وڈیائی اہدی جا کے او سے دے حضور
نالے خوشی اسیں کریئے گاؤندے ہوئے پاک زبور
شکر اوہدا ہے جس تھوں ساڈی مکتی ہے
- ۳ - کیوں جو اوہ اسدا رب ہے جیہڑا وڈا ہے بادشاہ
سارے دیوتیاں تھوں اگیترا اوہ اکلا ہے خدا
اوہو مالک ہے جس تھوں ساڈی مکتی ہے
- ۴ - سب ڈونگھیا نیاں زمین دیاں ہین او سے دے اختیار
ربدے قبضے وچ ہین سارے بگے وڈے کل پہاڑ
سب کجھ اوہدا ہے جس تھوں ساڈی مکتی ہے
- ۵ - اوہدی پوجا اسیں کریئے اپنے دل ہی نال سدا
اوہدے آگے متھا ٹیکے جیہڑا ساڈا ہے خدا
خالق اوہو ہے جس تھوں ساڈی مکتی ہے
- ۶ - کیوں جو اوہ اسدا رب ہے اسیں اوہدے بندیاں
اسیں اوہدی جۛہ دے لوکاں اوہدے گتھ دیاں بھیداں ہاں

ادس دی سُنئے جس تھوں ساڈی مکتی ہے

ایس دے پچھوں منقرہ ترتیب دے مطابق زبور پڑھے یا گائے
جاون تے ہر زبور دے گروں ایہہ کلمہ پڑھیا جاسکدا ہے

تعریف باپ تے بیٹے تے رُوح القدس دی ہووے
جیسی مڈھوں سی ہُن وی ہے تے سدا رہے گی۔ آمین

جماعت ہُن بیٹھ جادے تے پُرانے عہد نامے وچوں پہلا ورد جنتری
دے مطابق پڑھیا جادے۔ ورد پڑھن تھوں پہلاں خادم دین آکھے
کلام پاک دی فلانی کتاب دے فلا نے باب دی فلانی آیت ایس
طرح شروع ہوندی ہے۔ تے ورد دے پچھوں ادہ آکھے۔ ایہتھے
پہلا (یا دو جا) ورد ختم ہو یا +

صبح دی نماز وچ پہلے ورد دے پچھوں
الحمد یا ادہ اکوٹی حصہ پڑھیا گایا جادے۔

الحمد

پہلا حصہ

- ۱ کردے ہاں تیری ثنا و حمد رب العالمین
جاندے ہاں توں ہیں واحد دوسرا کوئی نہیں
- ۲ ہے عبادت کل جہاں کردا تیری مالک خدا
توں ہیں ابدی باپ ساڈا توں ہیں خالق کبریا

- ۳ گل فرشتے نام لیندے ہین تیرا اُسے خدا
ہو رہو آسماناں دے ویچ رہن والے ہین سدا
- ۴ ہر گھڑی ہر دم سدا لیندے نے تیرا نام رب
کل کروہیم و سرافیم و ملائک سب دے سب
- ۵ اکھدے قدوس تے قدوس تے قدوس سب
توں خدا وندا خدا ہین لشکراں دا توں ہین رب
- ۶ گل زمین تے آسمان بھر پور ہین مالک خدا
واہ تیری شان کیڈی خالق ارض و سما
- ۷ ہے رسولان دی جماعت جو بزرگی ویچ بڑی
تیرے نام پاک دی وڈیائی کر دی ہر گھڑی
- ۸ گل پیغمبر جو شرافت ویچ ہین سب با صفا
تیرے نام پاک دی تعریف کردے ہین خدا
- ۹ فوج نورانی شہیداں دی ہے گاؤندی جا بجا
تیری تعریف و ستائش رحمتاں دا توں خدا
- ۱۰ گل جہان دی پاک کلیسیا اُسے خدا وندو کریم
کردی ہے اقرار تیرا ہر گھڑی ہر دم رحیم
- ۱۱ باپ توں ہیں دبدر تیرا بڑا تے شان دی
نال اکلوتا حقیقی ابن ہے رحمان دی
- ۱۲ نال ہے روح القدس دی جو تسلی دیندا ہے
ہے خدا دی خاص بخشش تے ہدایت کردا ہے

دُوجا حصّہ

- ۱۳ اے خداوندِ مسیح تُوں ہیں جلالی بادشاہ
باپ دا ازلی تُوں بیٹا نال اُسارے ہیں سدا
- ۱۴ جد تُوں مکتی آدمی دی اپنے ذمّے لئی
کُتیا دے گرجھ تھوں نفرت نہ کچھ تینوں رہی
- ۱۵ موت دا جاں ڈنگ تُوں میرے مسیحا توڑیا
مومنناں خاطر آسمانی راج تُوں کھو لیا
- ۱۶ باپ دی تُوں شان وِج بچے خُدا دے بیٹھیا
ہے یقین سانوں نیاں ساڈے نوں تُوں آئیں گّا
- ۱۷ ہے دُعا ساڈی مدد کر بندیاں دی ہر گھڑی
خون اپنا منگ مُولا دے خلاصی جوتی سی
- ۱۸ کر جلالی تُوں اساں نوں پاک لوکاں وِج رلا
اے ورثہ نوں مبارک کر تے اُمت نوں بچا
- ۱۹ ہو کے اُگو تُوں اہناں دادے بزرگی مانکا
روزِ دہارے تیری کردے ہاں بڑائی اے خُدا
- ۲۰ تیرے نام پاک نوں دُڈیا نواں گے یار ب سدا
آج خُدا دندا تُوں مہر کر گناہاں تھوں بچا
- ۲۱ رحم کر ساڈے تے ربا رحم کر اے ریت رحیم
ہے بھروسا تیرے اُتے کر تُوں رحمت اے کریم

۲۲ ہے خداوند تیرے تے آسرا میرا سدا
توں کدی شرمندہ مینوں ہوں نہ دیویں خدا

شام دی نماز و سچ پہلے ورد دے پچھوں
ایہ گیت پڑھیا یا گایا جاوے :-

مقدسہ مریم داکیت

(مقدس لوقا دی انجیل ۱: ۲۶-۵۵)

- ۱ - کردی ہے وڈیائی تیری - میری جان خدا وندا
میری رُوح دی خوش ہو کے - کھوے گیت سُنّی دا
- ۲ - میرے بھڑے حال دے اُتے - اُمنے کیتی ہے نگاہ
ہُن بھتوں لے کے سائے لوکی مینوں آکھن دھن سدا
- ۳ - قدرت والے میرے کارن - وڈھے اُہنے کیتے کام
اُستت ہووے اُہدی دائم - پوتر رہسی اُہدا نام
- ۴ - اوسدا رحم ہے اُہناں تے جہڑے ڈرفے رہند بن
پڑھیاں بھتیں لے پڑھیاں تیکر اوسد بھونوں کھدے بن
- ۵ - اُہنے اپنے بازو دا ہے دتا خوبئی زور وکھا
جہڑے آپ نوں سمجھن وڈا - دتا اُہناں نوں کھنڈا
- ۶ - زور آوراں نوں اُہنے لے کے تختوں دتا بیٹھ دگا
تے بھڑے حال غریباں نوں لے کیتا اُہنے اچاچا
- ۷ - بھکیاں نوں رجایا اُہنے سب دا ہے اُہ پالن ہار

دو بجے ورد دے پچھوں شام دی نماز ورج
ایہ گیت پڑھیا یا گایا جاوے۔

شمنوں دا گیت

(مقدس لوکا دی انجیل ۲ : ۲۹-۳۲)

توں ہن رخصت ہے مالک مینوں کردا ۱ بخیریت جو یس تیرا ہاں بردا
میری اکھیاں نے تیری مکت ڈٹھی ۲ جو آگے سب دے توں تیار کیتی
اٹھا قومیاں تھوں پردہ نور دیوے ۳ جلال اُمت تیری دا آپ ہووے
ستائش باپ بیٹے پاک روح دی ۴ جیہی پہلاں سی ہن ہے پھیر سووگی

پھیر خاں دین تے جماعت کھلو کے رسواں دا عقیدہ پڑھن

رسواں دا عقیدہ

میں متداہاں خدا باپ توں جہدی قدرت بے انت ہے۔ تے
جس آسمان تے زمین توں بنایا ۴
نالے میں متداہاں اوہدے اکلوتے بیٹے ساڈے خداوند یسوع مسیح
توں جیہڑا روح القدس دی قدرت نال گرجھ ورج پیا۔ کنواری مریم تھوں
جمیا۔ اوس نے پنطئس پلاطوس دی حکومت ورج دکھ سہیا۔ اوہ صلیب
وتا گیا مر گیا تے دفنایا گیا۔ روحاں دے جہان توں چلا گیا۔ تیجے دھاڑے
مردیاں وچوں جی اٹھیا۔ آسمان اُتے چڑھ گیا تے خدا باپ قادر مطلق دے
سجے ہتھ بیٹھا ہوئیا ہے جتھوں اوہ جیوندیاں تے موئیاں دا لیکھا
لین پھیرا دے گا ۵

ہو میں متدایاں روح القدس نوں پاک کیتھلک کلیسیا نوں۔ پاک
لوکاں دی ست سنگت نوں۔ گناہاں دی معافی۔ دیہ دے جی اٹھن تے
سدا دی زندگی نوں۔ آمین۔

عقیدے دے پچھوں خادمِ دین جماعت دے دل منہ کر کے آکھے

خادمِ دین۔ خداوند تھاڈے نال ہووے۔
جماعت۔ تیری روح دے نال دی ہووے۔
خادمِ دین۔ اسیں دُعا منگئے

پھیر خادمِ دین تے ساری جماعت عاجزی نال
گوڈے نوان تے خادمِ دین اُچی آواز نال آکھے۔

خادمِ دین۔ خداوند ساڈے اُتے رحم کر۔
جماعت۔ مسیح ساڈے اُتے رحم کر۔
خادمِ دین۔ خداوند ساڈے اُتے رحم کر۔

رَبَّانِی دُعا

اے ساڈے باپ جو آسمان اُتے ہیں تیرا ناں پاک منیا جاوے۔
تیرا راج آوے۔ تیری مرضی جس طرح آسمان اُتے پوری ہوندی ہے زمین
اُتے دی ہووے۔ ساڈے روزی روٹی آج سانوں دیہ۔ تے ساڈیاں
قصوراں نوں بخش دیہ جس طرح اسیں اپنے قصور واراں نوں بخش دیندے ہاں
تے سانوں آزمائش وِچ نہ پاسگوں بُریائی تھوں بچا۔ آمین۔

پھیر خادمِ دین کھلوکے آکھے

خادمِ دین - اے خداوند اپنی رحمت ساڈے اُتے گھل -
 جماعت - تے اپنی نجات سالوں بخش -
 خادمِ دین - اے خداوند! ملکہ نوں سلامت رکھ -
 جماعت - تے جدوں اسیں تیرے آگے فریاد کریئے رحمِ نال ساڈی سن -
 خادمِ دین - اپنے خادماں نوں راستبازی دا جامہ پوا -
 جماعت - تے اپنے چُھنے ہوئے لوکاں نوں خوشی بخش -
 خادمِ دین - اے خداوند اپنی اُمت نوں سلامت رکھ -
 جماعت - تے اپنے ورثے نوں برکت دے -
 خادمِ دین - اے خداوند ساڈیاں دناں وچ صلح بخش -
 جماعت - کیوں جو اے خدا تیرے بناں ساڈے دُلوں ہوو کوئی لڑن والا
 نہیں -

خادمِ دین - اے خدا ساڈے دلاں نوں پاک کر -
 جماعت - تے اپنا پاک رُوح مساتھوں رکھ نہ ہون دے -

ایہدے گمروں تہن دُعاواں پڑھیاں جان - پہلی - سارے سال
 لئی دُعاواں دے دچوں مادہ دُعا جیہڑی اوس بن دے لئی مقرر کیتی
 گئی ہے - دوجی سے تیجی دُعاواں ہیٹھاں لکھیاں ہوئیاں نے
 جماعت گوڈے نواٹی رکھے -

صبح دی دوجی دُعا

امن امان دے لئی

یارب توں سلوک دا بانی تے اتفاق نوں پیار کرن والا ہیں - تیری

پچھان سدا دی زندگی ہے۔ تیری غلامی پوری آزادی ہے۔ جدوں ساڈے
 دیری سانوں آن پین۔ تُوں آساں اپنے عاجز بندیاں دی راکھی کرتا نجو
 اسیں تیری حمایت اُتے پورا بھروسہ کر کے کسے دشمن دے زور حقوں
 نہ ڈریئے۔ ساڈے خداوند یسوع مسیح دی قدرت دے سبب۔ آمین

صبح دی تہی دُعا

فضل دے لئی

اے خداوند ساڈے آسمانی باپ۔ قادر تے قدیم خدا۔ آج صبح تیکر
 تے تُوں سانوں بھر خیریں رکھیا ہے۔ ہُن اپنی بڑی قدرت نال سانوں
 ایہ توفیق دیہ۔ پئی آج اسیں کوئی گناہ نہ کریئے۔ تے نہ کسے طرح دی
 پیتا وچ پلئے۔ سگوں تیری ہدایت نال اسیں اجیہ راہ چلئے تے اجیہ
 کم کریئے جہناں وچ خداوند تُوں..... راضی ہوویں۔ ساڈے
 خداوند یسوع مسیح دے واسطے۔ آمین ۛ

شام دی دوجی دُعا

امن امان دے لئی

اے خدا۔ سارے نیک ارادے تے چنگیاں صلاحات تے بھلے
 کم تیرے دلوں آؤندے ہیں۔ اپنیاں بندیاں تُوں اوہ سکھ دے۔ جو
 دُنیا نہیں دے سکدی۔ تانجو تیری تابعداری کرن لئی اسیں اپنے آپ

توں تیرے اُتوں قربان کر دیئے۔ تے اپنے دیریاں دے ڈر تھوں تیری
پتاہ لے کے اپنے دن امن امان نال کیٹے۔ ایہہ ساڈے نجات دین
والے یسوع مسیح دے ثواب دے سبب ہورے۔ آمین ۔

شام دی تہی دُعا خطریاں وچ امداد لئی

اے خداوند۔ اسیں تیری منت کر دے ہاں۔ پیئی ساڈے انھیرے
توں جانن کر دے۔ تے اپنی بڑی مہربانی ایس رات دے سارے ڈر
خطریوں ساٹوں بچا۔ اپنے اکلوتے پیٹے ساڈے نجات دین والے
یسوع مسیح دی محبت دی خاطر۔ آمین ۔

ایہدے پچھوں خاص دُعاواں تے شکر گزاریاں دجوں کجھ پڑھیاں
جان۔ یا خدایم دین اپنے لفظاں وچ دُعا منگے۔

مقدس خروستہم دی دُعا

اے قادرِ مطلق خدا۔ توں ساٹوں ایہہ توفیق بخشی ہے۔ جو اساں ایس
ویلے اک دل ہو کے تیرے آگے اپنیاں عام دُعاواں منگیاں ہن۔ تے توں
وعدہ کیتا ہے۔ پیئی جدوں دو باتن میرے ناں آتے اکتھے ہون گے
میں ادھتھاں دیاں درخواستاں توں قبول کراں گا۔ ہن اے خداوند

اپنے بندیاں دیاں عرضاں تے مُراہاں نوں ایس طرح پوریاں کر چھدے
 وِج ادھنالاں دی خاص بھلیائی ہووے۔ ساٹوں ایس جہان وِج اپنی
 سچیاٹی دی پہچان تے اگلے جہان وِج سدا دی زندگی بخش۔ آمین *

فصل دا کلمہ

۲۔ کرنٹھیوں ۱۳ : ۱۴

ساڈے خُداوند یسوع مسیح دا فضل تے خُدا دی محبت تے نُوح
 اقدس دی سنگت اساں سبھناں نال سدا تیکر ہووے۔ آمین

گیت گاؤن دے مگروں نصیحت کیتی جاوے

برکت دا کلمہ

خُداوند کریم دی رحمت تے حفاظت وِج اسیں تہانوں سوچندے
 ہاں۔ خُداوند تہانوں برکت دیوے تے تہاڈی راکھی کرے۔ خُداوند اپنا
 چہرہ تہاڈے اُتے چکائے تے تہاڈے اُتے فضل کرے۔ خُداوند
 تہاڈے دل نگاہ کرے تے تہانوں اطمینان بخشے۔ ہُن تے سدا تیکر۔
 آمین۔

قادر مُطلق خُدا باپ بیٹے تے رُوح اقدس دی برکت تہاڈے
 اُتے ہووے تے تہاڈے نال سدا رہوے۔ آمین *

جے پنڈاں دیاں جماعتاں لئی ایس نماز نوں چھوٹیاں کرنا ہر دے
 تاں اکوئی ورد پڑھیا جائے تے نماز دے خاص گیت تے زبور
 چھڑے جان۔ پر ضروری ہے پئی ورد تھوں پہلاں ہی اک زبور
 یا گیت گایا یا پڑھیا جادے۔ دوجی ربانی دُعائے اوہدے مگر دے
 جوانی جملے وی چھڑے جان

لطائفہ یا عرضاں

ہر اتوار۔ بدھ تے جمعہ نوں صبح دی نماز پچھوں یا کسے ہر ویلے جہدا حکم بشپ
 صاحب دین ایہہ لطائفہ یا عرضاں پڑھیاں یا گائیاں جان۔

اے خدا یا پو جو آسمان اُتے ہیں اساں عاجز گنہگاراں اُتے رحم کر۔
 اے خدا یا پو جو آسمان اُتے ہیں اساں عاجز گنہگاراں اُتے رحم کر۔
 اے خدا بیٹے جہان دے فدیہ دین والے اساں عاجز گنہگاراں اُتے رحم کر۔
 اے خدا بیٹے جہان دے فدیہ دین والے اساں عاجز گنہگاراں اُتے رحم کر۔

اے خُدا رُوح القدس جیڑا باپ تے بیٹے تھوں نکلا ہیں اَساں
عاجز گنہگاراں اُتے رحم کر ۛ

اے خُدا رُوح القدس جیڑا باپ تے بیٹے تھوں نکلا ہیں اَساں
عاجز گنہگاراں اُتے رحم کر ۛ

اے قُدوس مبارک جلالی ثلاثِ تن اقنوم اک خُدا اَساں عاجز
گنہگاراں اُتے رحم کر ۛ

اے قُدوس مبارک جلالی ثلاثِ تن اقنوم اک خُدا اَساں عاجز
گنہگاراں اُتے رحم کر ۛ

خُداوند ساڈیاں تقصیراں چیتے نہ رکھ تے نہ ساڈیاں پیو دا دیاں دیاں
تقصیراں دا چیتا کرتے ساڈیاں گناہواں دا بدلہ نہ لے۔ خُداوند کریم سا تھوں
دھیرج کر اپنی اُمت تھوں جنوں توں اپنا منگ ملا لہو دے کے چھڈایا ہے
دھیرج کرتے ساڈے نال خفا نہ رہو ۛ
خُداوند کریم سا تھوں دھیرج کر ۛ

ساری بُریائی تے بلا تھوں۔ گناہ تھوں۔ شیطان دے دھوکے تے
حملے تھوں۔ اپنے غضب تے سدا دے دُکھ تھوں۔

خُداوند کریم سا توں بچا ۛ

دل دے سب طرح دے انخیراں۔ اکڑ۔ گھمنڈ تے مکاریاں
سُرن۔ ویر۔ کرودھ تے ساریاں بے لحاظیاں تھوں ۛ

خُداوند کریم سا توں بچا ۛ

زنا کاری تے ہوہ سارے ہلاک کرن والے گناہواں تھوں نالے

دُنیا تے نفس تے شیطان دیاں ساریاں فریباں تھوں -

خداوند کریم سانوں بچا -

ہنیری تے گڑیوں دباو تے مری تے کالوں - لڑائی تے خون تے

اچانک دی موتوں -

خداوند کریم سانوں بچا -

سب طرح دے فساد منصوبہ بازی تے غدروں - ساری جھوٹی سیکھیا

بدعت تے پھٹ تھوں - دل دی سختی تے اپنے کلام تے محکم دی بیکدی

کرن تھوں -

خداوند کریم سانوں بچا -

اپنے پاک دیہہ دھارن دے بھید دے واسطے - اپنے مبارک جنم

تے ختنے دے واسطے - اپنے بپتسمہ - روزے تے آزمائش دے واسطے -

خداوند کریم سانوں بچا -

اپنی جان کنڈنی تے لوور گے مڑھکے دے واسطے - اپنے صلیب

اُتے دکھ سہن دے واسطے - اپنی قیمتی موت تے دفن ہون دے واسطے

اپنے فتح مند جی اُٹھن تے آسمان اُتے چڑھ جان دے واسطے تے روح

القدس دے اُتر آؤن دے واسطے -

خداوند کریم سانوں بچا -

ساڈے ہر اک دکھ دے دیلے - ساڈے ہر اک شکھ دے دیلے - مردے

دم تے عدالت دے دن تیک -

خداوند کریم سانوں بچا -

اے خداوند خدا اسپیں گنگا تیری بشت کردے ہاں پئی توں ساڈی

سُن تے نہرِ نال صحیح راہ اُتے اپنی کلیسیا دی ہدایت کر -

خداوند کریم ساڈی سُن تے -

مہرنال ناظمِ اعلیٰ تے صوبیاں دے حاکماں نوں برکت دے تے
اپنی آسمانی حکمت نال اوہناں دا آگو ہو۔

خداوندِ کریم ساڈی سُن لے۔

مہرنال قانونِ بنان والیاں مجلساں دے کماں و سچ جیسی ہدایت
تے کامیابی بخش۔ پیٹی اوہناں دیاں کوششاں نال ساریاں
گلاں دا پکا تے چنگا بندوبست ہو دے۔

خداوندِ کریم ساڈی سُن لے۔

مہرنال سارے مُنصفان دی ہدایت کرتے اوہناں نوں فضل دے
پیٹی اوہ انصاف کرن تے سچائی نوں قائم رکھن۔

خداوندِ کریم ساڈی سُن لے۔

مہرنال اختیار والیاں نوں دانائی سمجھ تے پیار نال بھر دے۔

خداوندِ کریم ساڈی سُن لے

مہرنال ساڈے دیس نوں ساریاں خطریاں تھوں بچائی رکھ ستے۔
ساڈیاں زمین سمندر تے ہوا دیاں فوجاں دی راکھی کر۔

خداوندِ کریم ساڈی سُن لے۔

مہرنال سارے بشتیاں تے پادریاں تے دین دے خادماں نوں
آسمانی علم تے اپنے کلام دی سمجھ دا چان بخش۔ تاں جو اپنی تعلیم تے چال
چلن تھوں اوہنوں ظاہر کرن۔

خداوندِ کریم ساڈی سُن لے۔

مہرنال اپنی اُمت نوں برکت دے تے اوہدی راکھی کر۔

خداوندِ کریم ساڈی سُن لے۔

مہرنال ساریاں قوموں میل ملاپ تے صلح تے ایکابخش۔

خداوند کریم ساڈی سُن لے۔

مہرنال سانوں اجیہا دل دیہہ جیہڑا تیری محبت تے خوف رکھے تے
تیرے محکماں نوں منن وِچ لگا رہے۔

خداوند کریم ساڈی سُن لے۔

مہرنال اپنیاں ساریاں لوکاں نوں زیادہ فضل بخش جو ادہ تیرے کلام
نوں عاجزی نال سُنن تے شوق نال اوہنوں قبولن تے رُوح دے پھل
لیا دن۔

خداوند کریم ساڈی سُن لے۔

مہرنال اوہناں ساریاں نوں جیہڑے گُراہ پئے ہین تے جہناں نے
فریب کھا ہدا ہے سچے راہ اُتے لیا۔

خداوند کریم ساڈی سُن لے۔

مہرنال اوہناں نوں جیہڑے قائم ہین توفیق دیہہ تے کمزور دلاں نوں
نگہریاں کرتے تسلی دیہہ تے ڈگیاں ہو یاں نوں اٹھالے تے اوڑک شیطاں
نوں ساڈے پیراں ہیٹھاں بتاؤ دیہہ۔

خداوند کریم ساڈی سُن لے۔

مہرنال اوہناں ساریاں نوں جیہڑے خطرے وِچ ہین بچالے تے لوڑ
وِنداں دی مدد کرتے اوہناں نوں جیہڑے بپتا وِچ ہین تسلی دیہہ۔

خداوند کریم ساڈی سُن لے۔

مہرنال اوہناں ساریاں دی جیہڑے زمین یا ہوا یا پانی دا سفر کردے
ہین۔ سبھناں حاملہ عورتاں ساریاں بیماراں تے ایانیاں دی راکھی کرتے

ساریاں قیدیاں تے بندیواناں اُتے رحم کر۔
 خداوند کریم ساڈی سُن لے۔
 بہرناں سارے یتیمیاں تے بیوہ عورتاں تے عاجزاں تے متلاؤماں دی
 مدد کرتے اوہناں دی خبر لے۔

خداوند کریم ساڈی سُن لے۔
 بہرناں سارے آدمیاں اُتے رحم کر۔
 خداوند کریم ساڈی سُن لے۔
 بہرناں ساڈے دیریاں۔ دکھ دین والیاں۔ تے تہمت لاؤن والیاں
 نوں معاف کر۔ تے اوہناں دے دلاں نوں بدل دے۔
 خداوند کریم ساڈی سُن لے۔

بہرناں زمین دیاں فصلاں چنگیاں کرتے ساڈے فائدے واسطے
 اوہناں دی راکھی کر جو ویلے سرسارے کم آؤن۔
 خداوند کریم ساڈی سُن لے۔

بہرناں سانوں سچے توبہ دی توفیق بخش۔ ساڈے سارے گناہ تے
 سستی تے نادانیاں معاف کرتے اپنے رُوح القدس دا فضل سانوں
 بخش جو اپنا چال چلن تیرے پاک کلام موجب سدھاریئے۔
 خداوند کریم ساڈی سُن لے۔

اے خدا دے بیٹے ایس تیری منت کرنے ہاں پئی توں ساڈی سُن
 اے خدا دے بیٹے ایس تیری منت کرنے ہاں پئی توں ساڈی سُن
 اے خدا دے برے نوں جو جہان دے گناہ چک لے جاندا ہوں۔
 اپنی تسلی سانوں بخش۔

اے خدا دے برے توں جو جہان دے گناہ چُک لے جاندا ہیں۔

ساڈے اُتے رحم کر۔

یا مسیح ساڈی سُن !

یا مسیح ساڈی سُن !

یا رَب ساڈے اُتے رحم کر۔

یا رَب ساڈے اُتے رحم کر۔

یا مسیح ساڈے اُتے رحم کر۔

یا مسیح ساڈے اُتے رحم کر۔

یا رَب ساڈے اُتے رحم کر۔

یا رَب ساڈے اُتے رحم کر۔

اے ساڈے باپ جو آسمان اُتے ہیں تیرا نام پاک رکھیا جائے۔

تیرا راج آوے۔ تیری مرضی جس طرح آسمان اُتے پوری ہندی ہے زمین

اُتے وی ہووے۔ ساڈی روز دی روٹی آج سانوں دیہ تے ساڈیاں

قصوراں توں بخش دیہ۔ جس طرح اسیں اپنے قصور واراں توں بخش دیندے

ہاں تے سانوں آزمائش ورنج نہ پاسگوں بُریائی تھیوں بچا۔ آمین ۛ

ایہہ فضل دے کلمے نال لکھائیہ ختم ہندی ہے۔ تے خاص ضرورت

دے ویلے ہیٹھلیاں سنا جاتاں وی پڑھیاں جان۔

خ۔ اے خداوند۔ ساڈیاں گناہاں موجب ساڈے نال سلوک نہ کر۔

ج۔ تے ساڈیاں بدیاں موجب سانوں بدلہ نہ دے ۛ

ایس دُعا منیکے

اے خُدا رحیم باپ تُوں جیہڑا نہ ٹٹیاں دلاں دے ہو کیاں تے نہ
 غمگیناں دیاں خواہشاں تُوں حقیر جاندایں جد کدی ایس دُکھاں پیتاں
 وِچ پے کے تیرے اگے دُعا منیکے تُوں مہرباں ساڈی مدد کرتے کرم نال
 ساڈی سُن لے پئی جیہڑیاں بُریاٹیاں شیطان یا انسان اپنے مکر تے قریب
 نال ساڈے اُتے لیا یا چاہندے ہن۔ تیرے سوہنے اِسْطِطام نال سا تھوں
 رد ہو جان۔ خُداوند تُوں جیہڑا اگے بچھے دا دیکھن والا ہن۔ اوہناں تُوں
 ساڈے اگوں دُور کرتاں جو ایس تیرے بندے ہر طرح دے ستائے
 جان تھوں بچے تیری پاک کلیسیا وِچ سدا تیرا شکر کر دے رہے۔ ساڈے
 خُداوند یسوع مسیح دے وسیلے نال۔ آمین۔

خ۔ ج۔ یارب۔ چھیتی ساڈی مدد کر۔ تے اپنے ناں دی خاطر سانوں بچا۔
 خ۔ اے خُدا۔ اساں اپنی کینیں سُنیاں تے ساڈے بیوہ دیاں سانوں
 دُسیا۔ پئی اوہناں دے ویلے تے اوہناں تھوں اگلے دنوں وِچ
 توں کیڈے وڈے وڈے دے کم کیتے۔

خ۔ ج۔ یارب اٹھ تے ساڈی مُکرتے اپنی عزت دی خاطر سانوں بچا۔
 تعریف باپ تے بیٹے تے رُوح القدس دی ہر دے۔

جیہڑی مُدھوں سی ہن دی ہے تے سدا رہے گی۔ آمین۔

خ۔ یا مسیح ساڈے دُبریاں تھوں سانوں بچا۔
 ج۔ ساڈیاں مصیبتاں اُتے ہر دی نظر کر۔

- خ۔ ترس نال ساڈے دلاں دے دگھاں دل دھیان کر ۛ
 ج۔ دیا کر کے اپنے لوکاں دے گناہ بخش ۛ
 خ۔ اپنے رحم تے کرم نال ساڈیاں دُعاواں سُن ۛ
 ج۔ اے داؤد دے بیٹے ساڈے اُتے رحم کر ۛ
 خ۔ یا مسیح ہُن تے سدا کرم نال ساڈی دُعا سُن ۛ
 ج۔ یا مسیح کرم نال ساڈی سُن یا خداوند مسیح کرم نال ساڈی سُن ۛ
 خ۔ خداوند اپنی رحمت سانوں دکھال ۛ
 ج۔ کیونجو سانوں تیرا ہی آسرا ہے ۛ

آسیں دُعا منیئے


اے باپ آسیں عاجزی نال تیری منت کرنے ہاں پئی توں ساڈیاں
 کمزوریاں اُتے ہر دی نظر کرتے اپنے ناں دی وڈیائی دی خاطر ادھناں
 ساریاں بلاواں توں جہناں دے آسیں سچ مچ لائق ہاں سمجھتوں ہٹا دیہ
 تے ایہہ بخش پئی آسیں اپنیاں ساریاں دگھاں وچ اپنا سارا آسرا بھروسہ
 تیری رحمت اُتے رکھتے تے پاک صاف چال چلن نال تیری خدمت کر دے
 رہتے۔ تاں جو تیری عزت تے وڈیائی ظاہر ہووے۔ ساڈے اگلے وچولے
 تے شفیع ساڈے خداوند یسوع مسیح دے وسیلے نال۔ آمین ۛ

مقدس خروشم دی دعا

اے قادر مطلق خدا۔ توں ساٹوں ایہہ توفیق بخشی ہے جو اساں ایس
 ویلے اک دل ہو کے تیرے اگے اپنیاں عام دُعاواں منگیں ہیں۔ تے توں وعدہ
 کیتا ہے۔ پیٹی جدوں دو یا تین میرے نال اُتے کٹھے ہون گے۔ تاں میں
 اوہناں دیاں درخواستاں توں قبول کراں گا۔ ہن اے خداوند اپنے
 بندیاں دیاں عرضاں تے مراد اں توں ایس طرح پوریاں کر۔ جمدے
 وچ اوہناں دی خاص بھلیائی ہووے۔ تے ساٹوں ایس جہان
 وچ اپنی سچائی دی پچھان تے اگلے جہان وچ سدا دی زندگی بخش دے۔
 آمین +

فصل دا کلمہ

ساڈے خداوند یسوع مسیح دا فضل تے خدا دی مجرت تے روح
 القدس دی سنگت۔ اساں سبھناں نال سدا تیکر ہووے۔ آمین +
 (۲ کرنتھی ۱۳ : ۱۴)



خاص دُعاواں تے شکر گزاریاں

ہر درجے دیاں آدمیاں دے لئی دُعا

اے خدا ساریاں لوکاں دے خالق تے پروردگار۔ اسیں عاجزی نال
 ہر حالت تے ہر درجے دیاں آدمیاں دے لئی عرض کر دے ہاں۔ پئی توں
 ہر کر کے اوہناں نوں اپنا راہ دکھال تے اپنی نجات ساریاں قوماں اُتے
 ظاہر کر۔ خاص کر کے اسیں کیکرے کلیسیا دی بھلیائی دے لئی دُعا کر دے
 ہاں۔ پئی تیرا پاک رُوح اوہدی اجہی ہدایت کرے۔ تاں جو چتے لوک
 تیرے پاک نال دا اقرار کر دے ہین۔ اوہ سارے تیرے پیچھے راہ اُتے
 چلن تے رُوح دی یکتائی تے میل ملاپ دے جوڑ تے نیک چلنی نال
 ایمان نوں قائم رکھن۔ ہُن اسیں اوہناں ساریاں نوں جہڑے رُوح یا
 جسم یا مال دا کوئی دکھ یا تکلیف اٹھاؤندے نے۔ تیری پدرا نہ شفقت دے
 سپرد کر دے ہاں (خاص کر اوہناں نوں جنہاں دُعا دی درخواست کیتی ہے)
 پئی توں کرم کر کے ہر اک نوں اوہدی ضرورت دے مطابق تسلی تے آرام
 دے۔ اوہناں دے دکھاں دِیچ اوہناں نوں صبر بخش تاں جو اوڑک نوں
 اوہناں دی بھلیائی ہووے۔ ساڈے خداوند یسوع مسیح دے وسیلے۔

آمین

اپنے دیس دے لئی دُعا

اے ساریاں قوماں دے خدا۔ اسیں تیرے آگے مذمت کر دے ہاں

پئی تُوں ساڈے دیس اُتے رحم دی نظر کر۔ تے ساڈے ناظم اعلیٰ تے
 سارے حاکماں نوں حکمت تے عقلمندی دے۔ تے لوکاں وِچ
 یگانگی تے سلوک پیدا کر۔ تے اپنے زندگی بخش والے رُوح دے
 جان نال اوہناں دیاں صلاحواں وِچ اوہناں دا اگوہو تا بخو ساڈے
 دیس وِچ انصاف تے آزادی۔ خوشحالی تے صلح و دھریاں جان۔ تے
 جَدوں تینوں چنگا لگے۔ اوہ اپنی ساری بزرگی تے وڈیائی نوں تیرے مبارک
 بیٹے ساڈے خُداوند یسوع مسیح دے اگے نذر گزارن۔ آمین ۛ

اختیار والیاں دے لئی دُعا

اے قادر مطلق خُدا۔ تُوں دُنیا دیاں ساریاں بادشاہیاں دے
 اُتے حکومت کرو ایہ تے اپنی نیک صلاح دے مطابق اوہناں دا
 انتظام کرو ایہ۔ ساڈے حاکماں اُتے رحم دی نظر کر تے اوہناں دیاں
 صلاحواں وِچ تُوں اوہناں دی ہدایت اپنی مرضی نال ایس طرح کر پئی
 جیہڑا اختیار تُوں اوہناں نوں سونپیا ہے۔ اوہ ایس نوں لوکاں دی
 بھلیائی تے سلوک تے تیری پاک کلیسیا دے فائدے لئی ورتن۔ ساڈے
 خُداوند یسوع مسیح دے وسیلے نال۔ آمین ۛ

دین دے خادماں تے جماعتاں دے لئی دُعا

اے قادر تے ابدی خُدا۔ تُوں ہی وڈے تے عجائب کم کرد ایہ۔
 ساڈے بپاں تے دین دے خادماں تے ساریاں جماعتاں نوں جہڑیاں
 اوہناں دے سپرد دین۔ اپنے فضل دی بھت بخش والی رُوح عطا کرتے

اپنی برکت دی تریل اوہناں اُتے پایا کر۔ تاں جو اوہ تینوں دِلوں خوش
کرن۔ ساڈے شفیع تے دچولے یسوع مسیح دی دڈیائی دے واسطے۔

آمین
مقدس عہدیاں اُتے مقرر ہون والیاں دلی دعا

اے قادر مطلق خدا۔ ساریاں جنگیاں نعمتاں دے بخش والے۔ تُوں
اپنے الٰہی انتظام نال کلیسیا وچ وکھو وکھ درجے مقرر کیتے ہین۔ اسیں
عاجزی نال تیری منت کر دے ہاں۔ پیٹی اوہناں تُوں جیڑے تیری پاک
کلیسیا وچ کسے درجے یا خدمت اُتے مقرر ہون والے ہین تُوں اپنا فضل
بخش تے اپنی سکھیادی سچیاں نال اوہناں تُوں ایڈا بھر پور کرتے اوہناں
تُوں انج پاک چال چلن نال سجا جو اوہ تیرے بزرگ نال دی دڈیائی کرن۔
تے تیری پاک کلیسیا دے فائدے لئی ایمان داری نال تیری خدمت کرے رہن۔
ساڈے خداوند یسوع مسیح دے واسطے۔ آمین +

غیر مسیحیاں دے دل پھرن دے لئی دعا

اے خدا تُوں ساریاں قوماں تُوں اکو ہی لہو تقوٰں پیدا کر کے زمین اُتے
وسایا ہے تے اپنے مبارک بیٹے تُوں ایس لئی گھلیا۔ پیٹی سبھناں لوکاں
تُوں جیڑے دور یا نیڑے ہین صلح دی خوشخبری دیوے ایہہ بخش پیٹی
ساڈے دیس دے سارے لوکاں تینوں دھونڈن تے لکھن۔ تے اے
آسمانی باپ۔ اپنے اوس وعدے تُوں پیٹی میں اپنا روح سارے آدمیاں
اُتے نازل کرانگا جیہتی پوریاں کر ساڈے خداوند تے سچاؤن والے
یسوع مسیح دے وسیلے نال۔ آمین +

(یا)

اے خدا توں ایس دُنیا دیاں ساریاں قوماں دا پیدا کرن والا اکلّا
 خدائیس۔ تیری درگاہ وِچ اسیں اوہناں سبھناں نوکاں لئی دُعا منگدے
 ہاں۔ جو تیری صورت اُتے پیدا کیتے گئے ہن۔ پر تیری مُجبت توں نہیں
 جاندے۔ ایہہ بخش پئی تیری پاک کلیسیا دیاں دُعاواں تے محنتاں دے
 وسیلے اوہ اپنے وہماں گناہاں تے سب جھوٹی تعلیم تے بے ایمانی تھوں
 رہائی پاوَن۔ تے تیری ہی بندگی اوہ دے دے وسیلے کرن جنہوں توں ساڈی
 نجات تے ساریاں ایمانداراں دی زندگی تے قیامت کر کے گھلیا ہے۔ یعنی
 تیرے بیٹے ساڈے خداوند یسوع مسیح دے وسیلے۔ آمین۔

انجیل دی خدمت کرن والیاں دے لئی دُعا

اے خداوند۔ ساڈے آسمانی باپ۔ توں اپنا اکلوتا بیٹا یسوع مسیح دُنیا
 وِچ گھل کے اپنی مُجبت توں ظاہر کیتا ہے۔ تاجواو ہدی راہیں سارے
 جیوندے رہن۔ اسیں تیری منت کر دے ہاں پئی توں اپنی کلیسیا اُتے
 اپنا رُوح نازل کر۔ تاں جو اوہ تیرے مُکھ دے مطابق سب قوماں توں
 انجیل دی خوشخبری دیوے۔ اپنی فصل وِچ مزدوراں توں گھل۔ ساڈے
 خطریاں تے آزمائشاں دے ویلے اوہناں دی راکھی کر۔ اوہناں توں
 تکلیف تے دکھ سہن دی ہمت دیہ۔ اوہناں دیاں کمر اں سچائی نال
 کس۔ اوہناں دے دلاں وِچ اپنے پاک کلام دا جوش تے پیار پاتا۔ تاجوا
 اوہ تیرے نال دی دُیائی تے جلال دے لئی بہت ساریاں رُوحاں توں

بچاؤن دے وسیلے ہوں۔ ساڈے خُداوند یسوع مسیح دے وسیلے۔

آمین : مسیحی اتفاق تے ایکے لئی دُعا

اے خُدا۔ تُوں ساڈے خُداوند یسوع مسیح دا باپ ہیں۔ جیہڑا ساڈا
بچان والا تے صلح دا شہزادہ ہے۔ ساڈے اُتے فضل کرتا جو اسیں تیری
بندے ہر طرح دی چھٹ تے دھڑے بازی تھوں نیچے رہیئے ساڈیا
دلاں وچوں ہر طرح دا ساڑا۔ ویر تے کیٹ دُور کر۔ تانجو جس طرح اگو
بدن تے اگو رُوح تے ساڈے بلاوے دی اگو اُمید تے اگو خُداوند اگو
ایمان تے اگو بیتسمہ تے اگو خُدا ہے جیہڑا آساں سمجھناں دا باپ ہے۔
اوسے طرح ایدوں اگے اک دل ہو کے سچیاں تے صلح۔ ایمان تے
مُبت دے اک پاک بندھن وچ۔ اک جان تے اک زبان ہو کے
اسیں تیری بزرگی کر دے رہیئے۔ ساڈے خُداوند یسوع مسیح دے وسیلے

آمین : مستقیم ہون والیاں دے لئی دُعا

اے خُدا۔ تُوں اپنے بیٹے یسوع مسیح دی سکھیا دے وسیلے شاگرداں
تُوں پاک رُوح دے حاصل کرن لئی تیار کیتا۔ اسیں تیری مُبت کر دے
ہاں۔ پئی اپنے اوہناں بندیاں دے دلاں تُوں تیار کر جیہڑے ہتھ رکھن
دے وسیلے پاک رُوح تُوں پانا چاہندے ہن۔ تانجو ادھ اپنے گناہاں
تھوں توبہ کر کے سچے ایمان دے نال تیری درگاہ وچ حاضر ہوں تے
تیری ہر نال اوسے رُوح دی طاقت نال بھر جان۔ ساڈے خُداوند
یسوع مسیح دے وسیلے نال۔ آمین۔

کلیسیا دی مجلس دے لئی دُعا

اے خداوند خدا۔ تُوں سب دانائی دا چشمہ ہیں۔ تُوں رسولاں دے
دناں و سچ اپنے رُوح پاک دے وسیلے پر و شلم دی کلیسیا دی پہلی مجلس
دی ہدایت تے رہنمائی کیتی سی۔ ساڈے اُتے وی رحم دی نظر کرتے
ساڈے بچیاں تے دین دیاں خادماں تُوں جھپڑے ایس ویلے مجلس دے
و سچ جمع ہن برکت دے۔ اوہناں دی ہدایت کرتا بخوا اوہناں دے
فیصلیاں نال۔ تیری کلیسیا تیرے سچے دین تے دینداری و سچ قائم رہو۔
ساڈے خداوند تے بچاؤں والے یسوع مسیح دے وسیلے۔ آمین۔

سکولال دے لئی دُعا

اے آسمانی باپ۔ تیرے مبارک بیٹے نے فرمایا۔ پئی نکے بچیاں تُوں
میرے کول اوں دیو۔ سارے پڑھان والیاں تے پڑھن والیاں اُتے
اپنی برکت پا۔ تے ایہ بخش۔ پئی جیوں جیوں تیرے بچیاں دے ذہن
علم نال روشن ہو جاندا ہے۔ تینوں تیروں اوہناں دے دل تیرے
پاک رُوح نال کچھ جان۔ تے تینوں تے تیرے بیٹے ساڈے نجات
دین والے یسوع مسیح تُوں پیار کرن۔ آمین۔

سنڈے سکولال دے لئی دُعا

اے قادر خدا ساڈے آسمانی باپ۔ تُوں اپنی پاک کلیسیا دے
سپر داپنے بچیاں دی تعلیم تے تربیت کیتی ہوئی ہے۔ اپنی حکمت دے

چائن نال سڈے سکولاں دے اُستاداں تے شاگرداں دیاں عقلان تے
 دلاں نوں روشن کر۔ تاں جو اوہ تیری سچائی دے علم و سچ خوش ہو کے اپنی
 ساری عمر تیری عبادت تے تیری خدمت کر دے رہن۔ ساڈے خداوند
 یسوع مسیح دے وسیلے۔ آمین ۛ

دُنیا وِچ صلح تے امن دے لئی دُعا

اے قادر مطلق خدا۔ سچائی تے صلح دا ہر اک خیال تیرے ہی دلوں
 اُوندا ہے۔ اسیں تیری منت کر دے ہاں۔ پئی توں سبھناں لوکاں دے
 دلاں وِچ صلح تے امن دی پئی چاہ تے محبت پا جہناں ہاں ہتھیاں وِچ پائیاں
 دُنیا دیاں قوماں دا انتظام ہے۔ اپنی سچی حکمت نال اوہناں دی صلح
 دل رہنائی کر۔ تاں جو تیری بادشاہی۔ امن و امان تے چین وِچ ودھدی
 جاوے۔ تے ساری دھرتی تیری محبت دی پچپان نال بھر جائے۔
 ساڈے خداوند یسوع مسیح دے وسیلے نال۔ آمین ۛ

زمین دی پیداوار دے لئی دُعا

اے قادر خدا۔ توں زمین نوں برکت دتی۔ تاں جو اوہ پھلدار ہووے
 تے انسان دی زندگی دے لئی جو چیزاں ضروری ہین پیدا کرے۔ اسیں
 تیری منت کر دے ہاں۔ توں کاشتکاراں دیاں محنتاں توں پھلدار کر
 تے اجیہا موسم بخش جو اسیں زمین دا پھل حاصل کر لیئے۔ تاں جو ساڈ
 دل تیریاں نعمتاں دی خوشی نال بھر جان جس تھوں تیرے پاک ناں دی
 وڈائی ہووے۔ ساڈے خداوند یسوع مسیح دے وسیلے۔ آمین ۛ

مینہ دے لئی دُعا

اے خدا اسمانی باپ۔ تُوں اپنے بیٹے یسوع مسیح دے وسیلے
 اوہناں سبھناں نال جیہڑے پہلاں تیری بادشاہی تے تیری سچائی تُوں
 نبھدے نے ساریاں چیزاں دا جو اوہناں دی جسمانی پرورش تے لوری
 دے لئی لوری دیاں بہن وعدہ کیتا ہے۔ ایس تیری منت کر دے ہاں
 ایس تنگی دے ویلے ایسے اندازے دا مینہ دھرا جو ایس اپنے آرام
 تے تیری عزت دے لئی زمین دی پیلاوار حاصل کریئے۔ ساڈے خداوند
 یسوع مسیح دے وسیلے۔ آمین۔

ہنگامی تے کال دے سمے لئی دُعا

اے خدا اسمانی باپ۔ تیرے کرم دے نال مینہ دھرنا ہے تے زمین
 پھلدار ہندی ہے۔ تے جانوراں تے پھیاں دی کثرت ہندی ہے۔
 ایس تیری منت کر دے ہاں تُوں اپنے لوکاں دیاں مصیبتاں اُتے نظر
 کرتے اجیہا کر جو ایہہ تنگی تے ہنگامی جہد ایس اپنے گناہاں دے
 سبب واجبی تکلیف پاندے ہاں تیری مہربانی نال سستائی تے خوش
 حالی نال بدل جاوے۔ ساڈے خداوند یسوع مسیح دی محبت دی
 طفیل جہد تیرے تے روح القدس نال تمام عزت تے ودیائی ہُن
 تے سدا تیکر ہندی رہوے۔ آمین۔

جنگ دے ویلے خدا کو لوں مدد پاؤن لئی دُعا

اے قادر خدا۔ تُوں اوہناں سبھناں دے لئی جو تیرے اُتے بھروسہ

رکھدے ہیں۔ مضبوط قلعہ ہیں۔ توں ہُن تے سدا ساڈی راکھی کر جنگ
 دے قیدیاں تے زخمیاں اُتے مہر دی نظر کر۔ جیہڑے فکر اں وِچ پریشان
 ہِن اوہناں نوں دلا سادے۔ جہناں دے ساک مر گئے ہِن اوہناں
 نوں تسلی دے۔ جو مہر دے ہِن اوہناں دی مدد کرتے اوہناں اُتے رحم
 کر۔ اے خدا اوہ ویلا جیتی لیا جدوں ساری دُنیا وِچ لڑائیاں ختم ہو
 جاوَن۔ ساڈے خداوند یسوع مسیح دے وسیلے۔ آمین *

مُصِیبت دے ویلے دی دُعا

اے قادر مطلق خدا۔ توں جیہڑا مُصِیبت وِچ سدا ساڈے تال
 ہِن ڈرو نے ویلے توں اپنے لوکاں دے دِل اں توں کمزور نہ ہون دے
 سگوں اوہناں نوں سنبھال تے تسلی دے۔ جہڑے تک ایہہ آفتاں اُٹ
 نہ جان تے ایس لئی پئی ایہہ ڈاہڈی مُصِیبت لوکاں اُتے آپئی ہے۔
 توں زخمیاں نوں چنگیاں کر۔ دُکھیاں نوں تسلی دیہ۔ لاچار اں دی راکھی
 کرنے جیہڑے اُجے تیک خطرے وِچ نے اوہناں نوں اپنے وڈے
 رحم دی خاطر چھڈا۔ ساڈے خداوند یسوع مسیح دے وسیلے تال۔ آمین *

بیماراں دے لئی دُعا

اے قادر خدا ساڈے آسمانی باپ۔ زندگی تے تندرستی دین والا
 توں ہی ہِن۔ اسیں تیری منت کر دے ہاں۔ توں سب بیماریاں۔ دُکھاریاں
 تے روگیاں ماڈیاں اُتے رحم دی نظر کر (خاص کر اوہناں اُتے جہناں لئی
 دُعا دی درخواست کیتی ہے) توں اوہناں تے اوہناں دی خدمت کرن

والیاں اُتے اپنی برکت اینج پاپی جے تیرے مرضی ہووے اوہ جسم تے
روح دوہاں وِچ فل ہو کے تیری پاک کلیسیا وِچ تیرا شکر کرن۔ ساڈے
خداوند یسوع مسیح دے وسیلے۔ آمین۔

ہسپتالاں دے لئی دُعا

اے قادر مطلق خدا۔ تیرا مبارک بیٹا یسوع مسیح نیکی کردا پھریاتے
اوہ ایس دُنیا وِچ ہر طرح دیاں بیماریاں تے ہر قسم دے روگاں نوں چنگا
کردا رہیا۔ اسیں تیری منت کر دے ہاں پئی توں اوہ دے ایس فضل والے
کم توں ساڈے وِچ جاری رکھ تے سارے مسیحی ہسپتالاں اُتے اپنا
فضل کر جیڑے بیمارین اوہناں نوں جسمانی تے روحانی شفا بخش۔
سب حکیمان۔ ڈاکٹراں تے نرساں نوں عقل تے دانائی۔ ہمدردی تے
صبر بخش تے اوہناں ساریاں اُتے برکت پا۔ جیڑے دکھاں نوں دُور
کرن لئی تے تیرے محبت والے ارادیاں نوں پُوریاں کرن لئی محنت
کر دے ہن۔ ساڈے خداوند یسوع مسیح دے وسیلے۔ آمین۔

خاندان تے بچیاں دے لئی دُعا

اے خداوند یسوع۔ توں ایس دُنیا وِچ آکے ناصرت دے اک
خاندان دے وِچ زندگی کئی۔ اسیں تیری منت کر دے ہاں توں ساڈے
ملک تے کلیسیا دے خانداناں اُتے کرم دی نظر کرتاں جو ہر خاندان دے
ماں باپ تے بچے تیرے وِچ قائم رہ کے اک دُجے نال محبت کرن
توں اپنی ہر نال بچیاں دی معصومیت نوں قائم رکھ تے اوہناں دی راکھی کر

تاں جواوہ قد تے عقل وچ ددھن تے نال ہی تیرے خوف تے
تیری پچھان وچ دی ددھرے جاون تے تیرے ایمان تے محبت وچ
ترتیت پاندے جاون۔ ایہہ اسیں تیرے تاں دی خاطر منگدے ہاں۔

آمین ۛ

دُشمنّاں دے لئی دُعا

اے خداساڈے آسمانی باپ۔ تُوں اپنے مبارک بیٹے یسوع مسیح
دے وسیلے سانوں ایہہ سکھا لیا ہے پئی اسیں دُشمنّاں تے ویریاں دے
نال محبت رکھئے تے اپنے عداوت رکھن والیاں نوں پیار کریئے تے
ستاون والیاں دے لئی دُعا منگیئے۔ اسیں تیری منت کردے ہاں تُوں
ساڈے سارے دُشمنّاں تے کینہ رکھن والیاں اُتے رحم کر۔ تے اوہنا
نوں تے سانوں دوہاں نوں توبہ دی توفیق دے۔ ایہہ بخش پئی اوہ تے
اسیں ہر طرح دی دُشمنی تے حسد تھوں دور رہ کے سچائی تے سلامتی تے
راہ اُتے ترے۔ ساڈے خداندیسوع مسیح دے وسیلے۔ آمین ۛ

صبح دی خاندانی دُعا

اے آسمانی باپ اسیں رات دی راکھی تے دُنیاں برکتاں لئی
تیرا شکر ہووے۔ ساڈیاں دِلاں نوں تُوں گناہواں تھوں پاک صاف کر۔
تے اپنا پاک نوح سانوں بخش دیہ۔ تاناخواہدی مدد نال اسیں شیطان
دیاں دھوکیاں تے دُنیا دیاں فریباں تے جسم دیاں بُریاں خواہشاں تھوں
بچے رہیئے۔ جو کجھ اساں تیری مرضی دے اُلٹ کیتا ہے اوہ سانوں معاف
کر۔ اپنا پیار ساڈیاں دِلاں وچ پاتا ناخواہ اسیں تیرے حکماں نوں منیئے تے

تینوں راعنی کر بیٹے۔ سائوں ہر بلا تے خطرے تھوں بچالے۔ جے دکھ آدے تے
 اوہدے سہن دی ہمت دیہہ۔ ساڈے ساریاں پیاریاں تے ساک انگاں
 نوں برکت دیہہ تے اوہناں دی راکھی کر۔ اوہناں نوں جیہڑے دکھی ہوں
 تسلی تے مدد دیہہ۔ اپنی کلیسیا نوں ودھاتے پاک کرتے ساریاں آدمیاں
 نوں اپنی پچھان دیہہ۔ ہن تھوں سدایتیک توں ساڈا آگاہو جو جہڑے تک سدا
 دی زندگی وچ نہ ایڑیے ساڈے خداوند یسوع مسیح دے وسیلے نال۔
 آمین *

شام دی خاندانی دعا

اے آسمانی باپ اسیں عاجزی نال اقرار کردے ہاں پئی اساں تیری
 مرضی دے اکٹ گناہ کیتا ہے۔ خداوند توں رحیم تے کریم ہیں۔ رحم کر کے
 ساڈے گناہ معاف کر۔ ایس دن دی راکھی تے پرورش تے روح تے جسم
 دیاں ساریاں نعمتاں دے لئی اسیں تیرا شکر کرنے ہاں خاص کر ایس گلے
 پئی توں سائوں مسیح اُتے ایمان لیاؤن دی توفیق دتی ہے۔ اپنا پاک نوح سائوں
 دیہہ جو اوہ سائوں روزِ دہاڑے مسیح وانگوں بنائے تے ہر طرح دے جھوٹ
 تے گندیاں گلاں تے لالچ تھوں پاک کرے۔ ایس سون دے ویلے سائوں
 تے ساڈیاں ساریاں پیاریاں ساک انگاں نوں اپنی پناہ وچ رکھ۔ جیہڑے
 دکھی ہن اوہناں دی مدد کر۔ اپنی کلیسیا دیاں لوکاں اُتے اپنا رحم کرتے ساریاں
 لوکاں نوں تے خاص کر کے ساڈے ملک تے ساڈے آلے دوالے دے رہن
 والیاں نوں اپنے ایمان دا چاچن دیہہ۔ تے تیرے مبارک بیٹے دا آدنا تھیتی
 ہووے۔ اوہدی طفیل جیہڑا ساڈا اکلا شفیع ہے۔
 آمین

نذرانہ چڑھان دے ویلے دی دُعا

اے رحیم باپ۔ اسیں دِلوں تیریاں ساریاں بخششاں لئی تیرا شکر
کر دے ہاں۔ ساڈے ایس نذرانے نوں جو تیرے ہی دتے ہون توں اسیں
تینوں دیندے ہاں قبول فرما۔ اینہوں اپنے جلال دے لئی استعمال کر
تے دین والیاں نوں برکت دے۔ ساڈے خداوند یسوع مسیح دے
دیلے نال۔ آمین +

شکرانے

شکرانہ عام

اے قادر خدا۔ ساریاں رحمتاں دے بخش والے۔ اسیں تیرے
ملائق بندے تیری محبت تے تیریاں ساریاں مہربانیاں دے لئی جو توں
ساڈے اُتے تے سارے لوکاں اُتے کیتیاں ہین بڑی عاجزی دے نال
دِلوں جانوں تیرا شکر کر دے ہاں۔ اسیں اپنی پیدائش پرورش تیریں زندگی دیاں
ساریاں نعمتاں دے لئی تیرا شکر کر دے ہاں تے خاص کر تیری اُن مَل
مُحبت دے لئی جس کر کے توں ساڈے خداوند یسوع مسیح نوں ایس دُنیا وِچ
گھل کے سائوں چھٹکارا بخشیا۔ تے فضل دے وسیلیاں تے جلال دی اُمید
دے لئی دی تیرا شکر کر دے ہاں۔ اسیں تیری رحمت کر دے ہاں پئی توں
سائوں ایسی سمجھ دے جو ہر ویلے تیریاں ساریاں رحمتاں نوں یاد کر کے اسیں

خالص نیت تال تیرا شکر کر دے رہیے تے تیری ستائش نہ صرف زبان تال
پر اپنے چال چلن تال ایوں ظاہر کریئے جو اپنے آپ توں تیری خدمت دے
لئی نثار کر دیئے۔ تے تیرے آگے پاکیزگی تے نیکی و سچ اپنی عمر نباہیئے۔ ساڈے
خداوند یسوع مسیح دے وسیلے جمدی تیرے تے رُوح القدس دے تال
سب عزت تے بزرگی سدا ہندی رہوے۔ آمین *

کھان بھوں پہلاں شکرانہ

اے مہربان خداوند۔ ایس کھانے دے لئی تیرا شکر ہے۔ توں ایہدے
اُتے اپنی برکت پاتے ایہہ بخش پی جیڑی طاقت ایس بھوں سا توں
ہلے اوہنوں تیری وڈیائی لئی ورتیئے۔ ساڈے خداوند یسوع مسیح دے
واسطے۔ آمین *

فصل دیاں برکتاں دے لئی دعا

اے قادر خدا۔ توں ساریاں دا پیدا کرن والا باپ ہیں۔ ایس دلوں
جانوں تیرا شکر کر دے ہاں جو توں اساں آدمیاں دے لئی بیائی تے فصل
دے دن مقرر کیتے ہیں تے ہُن ایس ویلے سا توں اپنے فرزنداں توں
زمین دی پیداوار موقعے اُتے بخشی ہے۔ ایس تیریاں ساریاں رحمتاں
دے لئی تیرے جلالی ناں دی تعریف تے وڈیائی کر دے ہاں۔ اپنے
خداوند یسوع مسیح دے وسیلے۔ آمین

بیماری بچھوں شکرانہ

اے قادر مطلق خدا تے رحیم باپ۔ تیرا شکر ہو دے۔ پی توں اپنیاں

بندیاں دی دُعا سنی تے ساڈے وچوں بیماری تے دُکھ نوں ہٹایا ہے۔
 اپنی ہرنال ساوَن نوں نروئے رکھ تے ایس تھوون دودھ اسیں ایہہ
 منگدے ہاں جو اسیں دلوں تیرے شکر گزار رہے تے اپنی ساری طاقت
 نال تینوں راضی کرے تے تیرے بیٹے خُداوند یسوع مسیح دے مگر چلے
 جہدی تیرے تے رُوح القدس نال ہر ویلے تعریف تے دُٹائی ہووے۔
 آمین *

سارے سال لئی دُعاواں

آمد دے پہلے اتوار دی دُعا

اے قادر خُدا۔ ساڈے اُتے فضل کر۔ پئی ہُن ایس چار دھاڑے
 دی زندگی وچ جہدے وچ تیرا بیٹا یسوع مسیح بڑی عاجزی نال ساڈے کول
 آیا۔ اسیں ہنیرے دیاں کماں نوں چھڈ دیئے تے چانن دے سہتیاں
 بنھ لے تان جو چھیکڑ دے دن جداوہ اپنی بادشاہی شان نال جیوندا
 تے مویاں دالیکھالین نوں مُراوے۔ اسیں سدا دی زندگی لئی جی اُٹھے
 اوے دی راہیں جیہڑا تیرے تے رُوح القدس نال ہُن تے سدا تیکر جیوندا
 تے راج کردا ہے۔ آمین *

ہدایت :- ایہہ دُعا آمد دیاں دُعاواں دے نال مسیح دے

جنم دے دن توڑی روز روز پڑھی جاوے۔

خط۔ رومیان ۱۳ : ۸ - ۱۴ انجیل متی ۱: ۲۱-۱۳

آمد دے دوجے آوار دی دُعا

مبارک خُداوند۔ تُوں ساریاں مقدس کتاباں ساڈی سکھیا لئی
 لکھوائیاں۔ ایہہ بخشدے پئی اسیں اوہناں تُوں سُنیے۔ پڑھیے
 سوچھے۔ سکھیے تے دل وچ ہضم کریے جو تیرے پاک کلام وچوں سائو
 صبر تے تسلی ملے تے سدا دی زندگی دی اوس مبارک امید تُوں جیڑی
 تُوں ساڈے بچاؤن والے یسوع مسیح وچ سائو بخشی ہے اسیں دِلوں
 قبول کریے تے اوڑک تیک سانجھی رکھے۔ اپنے نام دی خاطر ایہہ
 بخش دیہ۔ آمین۔

خط رومیاں ۱۵: ۴ - ۱۳

انجیل لوقا ۲۱: ۲۵ - ۳۳

آمد دے تیجے آوار دی دُعا

اے خُداوند یسوع مسیح۔ جدوں تُوں پہلی وار دُنیا وچ آئیوں اودوں
 تُوں اپنے نبی تُوں گھلایا پئی تیرے آگے تیرا راہ تیار کرے۔ ایہہ بخش جوہن
 دی تیرے دین دے خادم تے تیریاں بھیدراں دے مختار کارانہ وچ دیاں
 دلاں تُوں ایمان داری دی دانائی سکھال کے ایوں تیرا راہ تیار کرن پئی جدوں
 تُوں دوجی وار دُنیا دی عدالت کرن آویں تودوں اسیں تیرے آگے منظور
 کیتی قوم ٹھہریے۔ جیڑا باپ تے رُوح القدس نال اک خُدا سدا جید نڈالتے
 راج کردا ہن۔ آمین۔

اگر نحضیاں ۱:۴ - ۵
متی ۱۱:۲ - ۱۰

خط
انجیل

آمد دے چوتھے اتوار دی دعا

خداوند اساڈی عرض ہے پئی توں ساڈے ورج اپنی قدرت دکھال
تے ساڈے ورج آکے ساڈی مدد کر۔ بھانویں اسیں اپنے گناہ تے بھیڑے
کماں دے سبب تیریاں حکماں اُتے چلن ورج ڈاہڑے رکے ہوئے ہاں۔
تدوی اپنے بڑے فضل تے رحم نال توں جھیتی ساڈی مدد کرتے ساناو
چھڑالے۔ اپنے پیٹے ساڈے خداوند دے کفارے دی خاطر جنہوں تیرے
تے روح القدس سنے عزت تے جلال سدا ہووے۔ آمین +

فلپیوں ۲:۴ - ۷

یوحنا ۱۹:۱ - ۲۸

خط
انجیل

عید ولادت دے دن دی دعا

اے قادر مطلق خدا توں اپنا اکلوتا بیٹا ساناوں بخشیا پئی اوہ ساڈے
ورگا انسان بنے تے گویا ایس ویلے اک پاک گواہی تھوں جنم لوے۔
بخش دے پئی اسیں نواں جنم لے کے تے فضل نال تیرے لیاکے فرزند بن
کے روح القدس نال دنوں دن نوں بن دے جائیے۔ اوہ ساڈے
خداوند یسوع مسیح دے ویلے جیہڑا تیرے تے اوہ روح نال اک خدا سدا
جیوندا تے راج کردا ہے۔ آمین +

ہدایت :- ایہ دعا سچ دے نختے دے دن توڑی روز روز پڑھی جائے

خط عبرانیاں ۱۲-۱۰:۱

انجیل یوحنا ۱۲-۱۰:۱

مقدس ستفنس دے دن دی دعا (دسمبر ۲۶)

یاربت ایہہ بخش پئی جد کدی تیرے پیچھے کلام دی گواہی دین دے سبب
سانوں ایس دنیا وچ دکھ تکلیف پلے۔ تدا سیس آسمان ول دھیان کریئے
تے ایمان دیاں اکھیاں نال آؤن والے جلال توں تکرے رہتے تے جس
طرح تیرے پہلے شہید مقدس ستفنس نے تیرے آگے اے مبارک یسوع
اپنے قتل کرن والیاں لئی دُعائے خیر کیتی سی۔ او سے طرح ایس دی روح
القدس نال بھر پور ہو کے اپنے دکھ دین والیاں نوں پیار کرنا سکھے۔ تے
اوسناں دا بھلا منگئے۔ ایس کر کے پئی توں اوسناں سمجھناں دی مدد لئی جیہڑے
تیری خاطر دکھ اٹھاؤندے ہن۔ ساڈا پور تے شفیع ہو کے خدا دے بستے
ہستہ کھلتا ہن۔ آمین

خط دے عوض اعمال ۴: ۵۵-۶۰

انجیل متی ۲۳: ۲۲-۳۹

مقدس یوحنا انجیلی دے دن دی دعا (دسمبر ۲۷)

اے رحیم خداوند۔ اسیں تیری منت کرنے ہاں۔ پئی توں اپنی کلیسیا
اُتے اپنے چانن دا تیز شکارا پاء۔ جو تیرے مبارک رسول یوحنا انجیلی دی
سیکھیا تھوں اوہ روشن ہو کے تیری پھیائی دے چانن وچ رائج چلے

جو اوڑک نوں سدا دی زندگی دا چانن پالوے۔ ساڈے خداوند یسوع
مسیح دے وسیلے۔ آمین *

خط ۱۰ یوحنا ۱: ۱ - ۱۰

انجیل یوحنا ۱۹: ۲۱ - ۲۵

معصوماں دے ون دی دُعا (دسمبر ۲۸)

اے قادر مطلق خدا توں ایانیاں تے دودھ پیندے بچیاں دی زبانی
اپنی قدت ثابت کیتی تے معصوماں دی موت نال اپنا جلال ظاہر کروایا۔
ساڈیاں ساڈیاں بڑیاں عاداتاں نوں مارتے سائوں اپنے فضل نال جیہی
ہمت ویہہ جو ساڈی چال معصوماں ورگی بن نال اسیں مردے دم تیکر
ایمان وچ پکیاں رہ کے تیرے پاک نال دی وڈیائی ظاہر کریٹے ساڈے
خداوند یسوع مسیح دے وسیلے۔ آمین *

خط دے عوض مکاشفہ ۱۲: ۱ - ۵

انجیل متی ۲: ۱۳ - ۱۸

عید ولادت دے مکروں دے الوار دی دُعا

اے قادر مطلق خدا۔ توں اپنا اکلوتا بیٹا سائوں بخشیا۔ جو ساڈے درگا
آدمی بنے تے اک پاک کنواری تھوں جنم لے۔ بخشدے پئی اسیں ازاں
جنم لے کے تیری مہر نال تیرے لے پاک فرزند بن جائیے تے رُوح القدس
نال ونوں دن نویں بندے جائیے۔ او سے ساڈے خداوند یسوع مسیح دے
وسیلے جیہڑا تیرے تے او سے رُوح نال اک خدا سدا جیوئدا تے راج کدا

ہے۔ آمین *

خط - گلیتوں ۱:۲ - ۷
انجیل - متی ۱۸:۱ - ۲۵

مسیح دے ختنے دے دین دی دُعا (اجزوی)

اے قادر مطلق خدا توں آدمیاں دی خاطر اپنے مبارک بیٹے دا ختنہ
کروایا تے اوہنوں شریعت دے تابع کیتا۔ ساوَن رُوح دا اصل ختنہ بخش
تاں جو ساڈے من تے ساڈے سارے انگ دُنیا تے نفس دیاں ساریاں
بُریاں خواہشاں و توں مرجان تے اسیں ساریاں گناہاں و سچ تیری مبارک
مرضی دے تابع رہتے او سے تیرے بیٹے ساڈے خداوند یسوع مسیح دے وسیلے
آمین *

نویں سال دے پہلے دِن دی دُعا

اے اُزلی تے ابدی خداوند خدا توں آج اپنے بندیاں نوں اک ہونو
سال دیکھلایا ہے۔ اسیں عاجزی نال تیری منت کرنے ہاں پئی توں ساڈے
پچھلے قصوراں نوں معاف کرتے ہر نال اوڑک دے دم تیک ساڈے
نال رہ۔ ساڈے خداوند یسوع مسیح دے وسیلے نال۔ آمین *

خط - رومیوں ۸:۴ - ۱۵

یا افسیوں ۱۱:۲ - ۱۸

انجیل - لوقا ۱۵:۲ - ۲۲

عید ولادت دے مگروں دوجے آوار دی دُعا

اے قادر مطلق خدا جسنے انسان توں اپنی صورت تے عجیب طرح نال
پیدا کیتا تے ایس تقوں ودھکے عجیب طرح نال اوہنوں مڑا ودا پہلا درجہ
بخشیا۔ اسیں تیری منت کرنے ہاں ایہہ بخش پئی جس طرح تیرا بیٹا ساڈا
خداوند یسوع مسیح ساڈے درگا انسان بنیا۔ اسیں وی الہی خصلتاں دے
جستے دار بن جائیے۔ او سے تیرے بیٹے دے وسیلے جیڑا تیرے تے روح
القدس دے نال اک خدا سدا جیوندا تے راج کردا ہے۔ آمین +

خط ۲ کرنتھیوں ۸: ۹-۱۰

انجیل یوحنا ۱: ۱۲-۱۸

عید ظہور یعنی مسیح دے غیر قوماں اُتے ظاہر

ہون دے دن دی دُعا (۴-جنوری)

اے خدا۔ اک تارے دی راہیں توں غیر قوماں اُتے اپنا اکلوتا بیٹا
ظاہر کیتا۔ رحم کر کے ایہہ بخش پئی اسیں جیڑے مٹن ایمان دی راہیں تینوں
پچھاندے ہاں۔ ایس دُنیا تقوں پار ہو کے تیری الہی شان دا دیدار کریئے۔
ساڈے خداوند یسوع مسیح دے وسیلے نال۔ آمین +

خط افسیاں ۳: ۱۰-۱۲

انجیل متی ۲: ۱۰-۱۲

عید ظہور دے مگروں پہلے آوار دی دُعا

خداوندا اسیں تیری منت کرنے ہاں پئی توں اپنے سوالیاں دیاں

عرضاں رحم کر کے قبول کرتے ایہہ بخش پئی جو کچھ سانوں کرنا چاہیدا ہے اسیں
 ادھنوں پرکھ تے سمجھ لیئے تے نالے سانوں فضل تے حکمت دی دیہہ۔ جو
 اسیں ایمان داری نال ادھنوں پوریاں دی کریئے۔ ساڈے خداوند یسوع
 مسیح دے واسطے۔ آمین۔

خط رومیاں ۱۲ : ۱-۵
 انجیل لوقا ۲ : ۴۱-۵۲

عید ظہور دے مکروں دوجے اتوار دی دعا

اے قادر مطلق تے ازلی خدا جیڑا آسمان تے زمین و پچ ساریاں
 چیزاں اُتے حکومت کردا ہیں اپنیاں بندیاں دیاں دُعاواں رحم کر کے سُن
 تے سانوں ساڈی زندگی دے سارے دنیاں میریچ اپنا اطمینان بخش یساڈ
 خداوند یسوع مسیح دے وسیلے۔ آمین۔

خط رومیاں ۱۲ : ۶-۱۵
 انجیل یوحنا ۲ : ۱-۱۱

عید ظہور دے مکروں تیسرے اتوار دی دعا

اے قادر مطلق تے ازلی خدا ساڈیاں کمزوریاں دے اُتے رحم دی نظر
 کرتے جدوں سارے خطیاں تے حاجتاں دے ویلے سانوں پوراپور تے مدد
 نول اپنا سجا ہتھ ددھا کے ساڈی مدد کرتے سانوں بچالے۔ ساڈے خداوند
 یسوع مسیح دے واسطے۔ آمین۔

خط رومیاں ۱۲ : ۱۶-۲۱

انجیل متی ۸: ۱۰-۱۳

عید ظہور دے مگروں چوتھے آوار دی دُعا

یارب تُوں جانداہیں پئی اسیں سدا خطریاں نال گھیرے ہوئے ہاں
تے ساتھوں اپنی انسانی کمزوری دے سبب سدا قائم نہیں رہیا جاندا۔
تُوں ساڈی راکھی کر۔ تُوں ساناوُلں اجیہا زور تے ہمت دیہ جو ساریاں
خطریاں وچ آسیں سانجھے رکھے سبھناں آزمائشاں وچوں بچ نکلے ساڈ
خداوند یسوع مسیح دے واسطے۔ آمین +

خط رومیان ۱۳: ۱-۷

انجیل متی ۸: ۲۳-۳۴

عید ظہور دے مگروں پنجویں آوار دی دُعا

یارب ساڈی عرض ہے پئی تُوں کلیسیا نوں جیڑی تیرا گھرانہ ہے سدا
اپنے سچے دین وچ قائم رکھ تے جہاں تُوں تیرے ہی آسمانی فضل آسرا
ہے اوہ تیرے بڑی قدرت نال بچائے جان ساڈے خداوند یسوع
مسیح دے واسطے۔ آمین +

خط کلییوں ۱۳: ۱۲-۱۷

انجیل متی ۱۳: ۲۴-۳۰

عید ظہور دے مگروں چھویں آوار دی دُعا

یارب تیرا مبارک بیٹا ایس لئی ظاہر ہوئیا تاں جو شیطان دیاں کتاں نوں

ناس کرے تے ساوَن خُدا دے فرزند تے سدا دی زندگی دے وارث بنا
وے۔ ایہہ بخش دے پئی ایس اُمید دے سببوں ایس اپنے آپ نوں اُجھیا
پاک کرئیے۔ جھیا اوہ پاک ہے۔ تال جداوہ تَدت تے بڑی شان نال مُرط
ظاہر ہووے۔ تدا سیں اوہدی ابدی تے جلال والی بادشاہی وِچ ادے
وَر گے بن جاییے جھنہ اوہ تیرے نال اے باپ تے تیرے نال اے رُوح
القدس اک خُدا سدا جیوندا تے راج کردا ہے۔ آمین +

خط ایوحنّا ۱:۳ - ۸

انجیل متی ۲۳:۲۳ - ۳۱

روزیاں تھوں تِن ہفتے پہلاں دے آواروی دُعا

خُداوند اسیں تیری رشت کرنے ہاں پئی توں اپنیاں بندیاں دیاں دُعاواں
مِر نال سُن۔ اسیں اپنا کیتا پاؤنڈے ہاں۔ ترووی تیری نیکی وے وسیلے رحم نال
اسیں بچ جاییے تاں تیرے نال دی وڈیائی ہووے۔ ساڈے بچاؤن والے
یَسوع مسیح دی خاطر جیڑا تیرے تے رُوح القدس نال اک خُدا سدا جیوندا
تے راج کردا ہے۔ آمین +

خط اگر تھیاں ۲۲:۹ - ۲۷

انجیل متی ۱:۲۰ - ۱۶

روزیاں تھوں دو ہفتے پہلاں دے آواروی دُعا

اے خُداوند خُدا توں جاندا ہاں پئی اسیں اپنے کیتے اُتے اُسرا نہیں
رکھدے۔ مِر کر کے اپنی قُدرت نال ساوَن ساریاں مُصیبتاں تھوں بچا -

ساڈے خداوند یسوع مسیح دے واسطے۔ آمین *

خط ۲ کرنتھیاں ۱۱: ۱۹ - ۳۲

انجیل ۱۵ - ۲: ۸ ٹوفا

روزیاں تھوں اک ہفتہ پہلاں دے اتوار دی دُعا

خداوند اتوں سانوں سکھایا ہے پئی ساڈے سارے کم مُجھت بناں بکے
ہن۔ جیڑی سبھناں تھوں جنگی بخشش ہے تے میل بلاپ تے ساریاں نیکیاں
دا اصل بنے ہے۔ تے اوہ دے بناں بھاویں کوئی جیوئدا دی ہووے تندی
تیرے اگے مویا گنیا جاندے اپنا رُوح القدس گھل تے ساڈیاں دلاں وِچ
ایہ مُجھت پیا۔ ایہہ اپنے اکھوتے بیٹے یسوع مسیح دے واسطے سانوں بخشش آمین *

خط ۱ کرنتھیاں ۱۰: ۱۳ - ۱۳

انجیل ۱۸: ۳۱ - ۲۳ ٹوفا

روزیاں دے پہلے دن دی دُعا

اے قادر مُطلق تے ازی خدا۔ تُوں اپنے کسے بنائے ہوئے نال ویر نہیں
رکھدا۔ تے سارے توبہ کرن والیاں دے گناہواں تُوں بخشدا ہیں۔ ساڈے
اندرواں دل پیدا کرتے سانوں توبہ دی توفیق دیرہ۔ تاجوا سیں لائق طرح
اپنیاں گناہواں تھوں پچھتا کے تے اپنے بھڑے حال دا اقرار کر کے تیغیوں
جیڑا ساری رحمت دا خدا ہیں پوری معافی تے بخشش حاصل کریئے۔ ساڈے
خداوند یسوع مسیح دے وسیلے نال۔ آمین *

خط دے عوض یوایل ۲: ۱۲ - ۱۸

انجیل مٹی ۶ : ۱۶ - ۲۱

ہدایت - ایہ دعا روزیاں دے دتاں دیج ہر روز مقرر
دعا دے مگروں پڑھی جائے۔

روزیاں دے پہلے اتوار دی دعا

اے خداوند توں ساڈی خاطر چالی دن تے چالی رات روزہ رکھیا۔
ساڈے اُتے فضل کر پئی اسیں اجیہا روزہ رکھیئے جو ساڈے بدن تیرے
روح دے تابع رہن تے نیکی تے سچی پاکیزگی نال اسیں سدا تیریاں الٹی ہدایتاں
نوں مندے رہئے۔ تیرے نال دی عزت تے فوڈیائی دے واسطے جیڑا باپ
تے روح القدس نال اک خدا سدا جیوئدا تے بادشاہی کردا ہیں۔ آمین۔

خط ۲ کر تھکیاں ۱:۶ - ۱۰

انجیل مٹی ۴ : ۱ - ۱۱

روزیاں دے دوسرے اتوار دی دعا

اے قادر مطلق خدا توں جاندا ہیں پئی اسیں آپے اپنے آپ نوں سنبھال
نہیں سکدے۔ ساڈے بدن تے ساڈی روح دوہاں دی رکھوالی کر۔ پئی
جیڑیاں مصیبتاں ساڈے بدن نوں دکھ دیندیاں ہیں تے جیڑے بھیرے
خیال ساڈی روح نوں ستاندے تے بگاڑ دے ہن سبھناں تھوں سانوں
بچالے۔ ساڈے خداوند یسوع مسیح دے واسطے۔ آمین۔

خط ۱ تھسلیکیاں ۱:۴ - ۸

انجیل مٹی ۱۵ : ۲۱ - ۲۸

روزیاں دے تیجے آوار دی دُعا

اے قادر مطلق خدا اپنیاں عاجز بندیاں دیاں دلی خواہشاں دل چاہیاں
کرتے اپنی جناب واسجائتہ ودھاکے ساڈیاں ساریاں ویریاں تھوں سائوں
بچالے۔ ساڈے خداوند یسوع مسیح دے واسطے۔ آمین۔

خط افسیاں ۵ : ۱ - ۱۲
انجیل لوقا ۱۱ : ۱۲ - ۲۸

روزیاں دے چوتھے آوار دی دُعا

اے قادر مطلق خدا میں اپنے بیٹے کماں دے صدقے سچے مچ
سزا دے لائق ہاں۔ پھرو دی ہر کر کے اپنے فضل تے رحم نال سائوں
تسلی تے چھکارا بخش۔ ساڈے خداوند یسوع مسیح دے واسطے آمین

خط گلتیاں ۴ : ۲۱ - ۳۱
انجیل یوحنا ۶ : ۱ - ۱۲

روزیاں دے پنجویں آوار دی دُعا

اے قادر مطلق خدا میں تیری منت کرنے ہاں رحم کر کے اپنیاں
بندیاں دل دھیاں کرتے اپنی بڑی مہر نال ساڈے جسم تے رُوح دواں
توں سدا اپنے قابو تے پناہ وِچ رکھ۔ ساڈے خداوند یسوع مسیح دے
واسطے۔ آمین۔

خط - عبرانیاں ۹ : ۱۱ - ۱۵ انجیل - یوحنا ۸ : ۲۶ - ۵۳

عید قیامت تھوں پہلے اوار یعنی کھجور دے اوار دی دُعا

اے قادر مطلق تے ازلی خداؤں آدمیاں نال مہر والا پیار کر کے اپنے
بیٹے ساڈے بچاؤن والے یسوع مسیح نوں گھلیا پیٹی دہ دھاری ہووے
تے صلیب اُتے موت دا دکھ جھٹے۔ تاں جو سارے آدمی اوہدی وڈی عاجزی
دے نمونے اُتے چلن ساڈے اُتے رحم کرتے ایہہ بخش پئی اسیں اوہدے
صبر دے نمونے اُتے چلے تے نالے اوہدے جی اٹھن دے دی شریک ہو
جائیے۔ ساڈے خداوند یسوع مسیح دے واسطے۔ آمین۔
خط فلپیاں ۵: ۲-۱۱ • انجیل متی ۱: ۲۷-۵۴

عید قیامت تھوں پہلے سوموار نوں

خط دے عوض یسعیاہ ۶۳ : ۱-۱۹
انجیل مرقس ۱۴ : ۱-۷۲

عید قیامت تھوں پہلے منگلوار نوں

خط دے عوض یسعیاہ ۵۰ : ۵-۱۱
انجیل مرقس ۱۵ : ۱-۳۹

عید قیامت تھوں پہلے بدھوار نوں

خط عبرانیوں ۹ : ۱۴-۲۸
انجیل لوقا ۲۲ : ۱ تا آخر

عید قیامت تھوں پہلے جمہرات توں

خط انجیل
اگر تھی ۱۱ : ۱۷ - ۳۲
لوقا ۲۳ : ۱ - ۵۰

مبارک جمہری معنی مسیح دے مصلوب بن دے دن دیاں دُعاواں

اے قادر مطلق خدا اسیں عرض کرنے ہاں پئی توں اپنے ایں گھرانے تے
فضل دی نظر کردی خاطر ساڈا خداوند یسوع مسیح پھروائے جان تے
ظاہر دے حوالے ہون تے صلیب دے اُتے موت دے دکھ سہن توں
راخنی ہوئیا۔ جیہڑا تیرے تے رُوح القدس نال اک خدا سدا جیوئدا تے راج
کردا ہے۔ آمین۔

اے قادر مطلق تے ازل جیہڑا تیرے رُوح و توں کل کلیسیا توں ہدایت
تے پاکیزگی بلدی ہے۔ ساڈیاں ایہہ منتاں تے دُعاواں سُن جیہڑیاں اہیں
تیری پاک کلیسیا دے ہر حالت دے لوکاں لئی منگدے ہاں پئی اوہرے
وچوں ہر اک شریک اپنے کم تے خدمت وچ سچائی تے دینداری نال تیری
خدمت کرے ساڈے خداوند یسوع مسیح دے واسطے۔ آمین۔

اے رحیم خدا توں ساریاں آدمیاں توں پیدا کیتا تے اپنے بنائے
توں ماریاں نہیں جانداتے کہ گناہگار دی موت نہیں چاہندا۔ سگوں ایہہ
چاہندا ہیں پئی اوہ اپنے گناہ تھوں مڑے تے جیوئدا ہے۔ ساریاں یہودی
مسلماناں۔ غیر مذہب والیاں تے بدعتیاں اُتے رحم کر۔ تے اوہناں وچوں
ہر طرح دی جہالت۔ دل دی سختی تے اپنے کلام دی بے قدری دُور کرتے

اے مبارک خداوند ہمتاں نوں اپنے اہڑ وچ راج رلاتا بخواد ہمتاں نوں
 سچے اسرائیلیاں دے بقیے سنے نجات بلے تے اگو اہڑ ہودے تے اگو
 ایالی یعنی ساڈا خداوند یسوع مسیح جیڑا تیرے تے روح القدس نال
 اک خدا سدا جیوندا تے راج کردا ہے۔ آمین ۔

خط عبرانیاں ۱: ۱۰ - ۲۵

انجیل یوحنا ۱: ۱۹ - ۳۶

مسیح دے جی اٹھن دے عرفہ دی دعا

خداوند کریم سا نوں ایہ توفیق دیہہ پئی جیہاں اسیں تیرے مبارک بیٹے
 اپنے بچاؤن والے یسوع مسیح دا پتسمہ پا کے اوہدی موت وچ دلائے گئے
 ہاں۔ اوہے طرح اسیں اپنیاں بُریاں خواہشاں نوں ہر دم مار کے ادھر
 وختائے جان وچ دی شریک ہو دیئے۔ نالے قبر تے موت دے بواہیوں
 لنگھ کے خوشی نال قیامت نوں دیکھیئے۔ ایہ تیرے بیٹے ساڈے خداوند
 یسوع مسیح دے ثواب دی خاطر ہودے جیڑا ساڈے واسطے مویا تے
 دفنایا گیا تے مڑ جی اٹھیا۔ آمین ۔

خط اپطرس ۱: ۱۷ - ۲۲

انجیل متی ۲۷: ۵۷ - ۶۱

عید قیامت یعنی ساڈے خداوند مسیح دے مُردیاں
 وچ تول جی اٹھن دے دن دی دعا

صبح دی نماز وچ ۹۵ زبور دے تھاں ایہاں پڑھیاں یا گائیاں جان

ساڈا دی فح یعنی مسیح قربان ہو یا۔ سو آؤ اسیں وی عید کریٹے۔
 نہ پُرانے خمیر نال تے نہ بُریائی تے شرارت دے خمیر نال سگول منہ
 دی تے سچائی دی لے خمیری روٹی نال۔ (اکر نکھیاں ۵: ۸)
 مسیح مُردیاں وچوں جد جوا لیا گیا اوہ مُرنہیں مُردا۔ موت دَا مُردا دے
 اُتے دَس نہیں چلدا۔

کیونجہ مسیح جو مر گیا تاں گناہ دُولوں اک وار ہوئیا۔ پر مَن جو جیوندہ ہے۔
 خُدا واسطے جیوندہ ہے۔

ایسے طرح تسیں وی اپنے آپ نوں گناہ دُولوں مُردے پر مسیح یسوع
 وِچ خُدا واسطے جیوندے سمجھو۔ (رومیوں ۹: ۶ - ۱۱)

سچ مسیح تلیں مُردیاں وچوں جی اُٹھیا ہے تے اوہناں وچوں جیہڑے
 سوں گئے نے پہلا پھل ہوئیا۔ کیوں جو جَد آدمی دے سببوں موت ہتے تاں
 آدمی دے سببوں مُردیاں و اجی اُٹھنا دی ہے۔

تے جس طرح آدم وِچ سارے مُردے نے۔ ایسے طرح مسیح وِچ
 سارے جوائے جان گئے۔ (اکر نکھیاں ۱۵: ۲۰ - ۲۲)

تعریف باپ تے بیٹے تے رُوح القدس دی ہووے جیہڑی مُتھوں سی
 ہُن دی ہے تے سدا رہیگی۔

دُعا:- اے قادر مُطلق خُدا توں اپنے اکلوتے بیٹے یسوع مسیح دی راہیں
 موت نوں جت لیا تے سدا دی زندگی دا بُوساڈے لئی کھول دتا۔ اساں
 عاجزاں دی عرض مَن لے پئی جس طرح توں اپنے خاص فضل نال ساڈا اگُو
 ہوکے ساڈیاں دلاں وِچ چنگیاں خواہشاں پاؤندا ہیں۔ اوہ سے طرح اسیں
 تیری ہرزوم دی مدد نال اوہناں نوں پُوریاں وی کریٹے ساڈے خُداوند یسوع

مسیح دے واسطے جیہڑا تیرے تے رُوح القدس نال اک خُدا سدا جیوئدا
تے راج کُردا ہے۔ آمین ۔

خط کلسیوں ۱: ۳ - ۷

انجیل یوحنا ۱: ۲۰ - ۱۵

عید قیامت دے مگروں دے سوہوار نوں

خط دے عوض اعمال ۱۰: ۳۲ - ۳۳

انجیل لوقا ۲۲: ۱۳ - ۳۵

عید قیامت دے مگروں دے منگوار نوں

خط دے عوض اعمال ۱۴: ۲۶ - ۲۱

انجیل لوقا ۲۲: ۳۶ - ۲۹

عید قیامت دے مگروں پہلے الوار دی دُعا

اے قادرِ مُطلق باپ تُوں اپنا اکلوتا بیٹا بخشیا پئی اوہ ساڈے گناہواں
دے بدلے مرے تے سانوں راستباز ٹھہراؤن لئی پھر جی اُٹھے۔ سانوں
ایہہ بخش پئی کر دھ تے بُریائی دا خمیر اجیہا دُور کریٹے۔ جو پاک چلن تے
سچیا نال سدا تیری خدمت کر دے رہے۔ ایہہ اوہ سے تیرے بیٹے ساڈے
خُداوندِ یسوع مسیح دے ثواب دے سببوں ہووے۔ آمین ۔

خط ۱ یوحنا ۵: ۲ - ۱۲

انجیل یوحنا ۲۰: ۱۹ - ۲۳

عید قیامت دے مگروں دُوبے اتوار دی دُعا

اے قادرِ مطلق خدائو اپنا اکلوتا بیٹا ایس لئی عنایت کیتا پئی ساڈیاں
گناہاں دا کفارہ تے نائے خدا پرستی دے طریقے دا نمونہ ہووے۔ ساڈوں ایہ
توفیق بخش جو ایس بڑی شکر گزاری نال اوہدی اوس مہنگ مٹی نعت نوں
قبول کریئے۔ تے نالے ہر روز کوشش کریئے۔ پئی اوہدے سب تھوں پاک
طریقے دے مبارک کھوج اُتے چلے۔ اوسے ساڈے خداوند یسوع مسیح
دے ویلے نال۔ آمین۔

خط ۱ پطرس ۲ : ۱۹ - ۲۵

انجیل - یوحنا ۱۰ : ۱۱ - ۴۲

عید قیامت دے مگروں تیجے اتوار دی دُعا

اے خدائے قادر توں اپنی پیچائی دا نور بھلیاں ہوئیاں نوں ایس کر کے
وکھالدا ہیں پئی اوہ پھر نیکی دے راہ مڑ پے جان اوہناں ساریاں نوں جیڑے
مسیح دین دی شراکت وِچ رلائے گئے ہیں۔ ایہ فضل بخش پئی جیڑے کم
اوہناں دے قول قرار دے نال نہیں رلدے اوہناں نوں چھڈ دین تے
جیڑے اوہ نوں سجدے ہیں اوہناں دے مگر لگے رہن۔ ساڈے خداوند
یسوع مسیح دے واسطے۔ آمین۔

خط ۱ پطرس ۲ : ۱۱ - ۱۷

انجیل - یوحنا ۱۶ : ۱۶ - ۲۲

عید قیامت دے مگروں چوتھے اتوار دی دُعا

اے خدائے قادر تیرے سوا گنگاراں دیاں اوٹیاں خصلتاں تے
خواہشاں نوں کوئی نہیں موڑ سکدا۔ اپنیاں بندیاں نوں فضل بخش پئی اوہ
تیریاں ساریاں حکماں نوں پیارا جانن تے تیریاں ساریاں وعدیاں نوں
چاہوندے رہن۔ تانا جو ایس چار دھاڑے دے دکھ سکھ ورنج ساڈا دل
سدا اوتھے ہی دگا رہے جتھے اصلی خوشیاں بلدیاں ہن ساڈے خدائے یسوع
مسیح دے واسطے۔ آمین +

خط یعقوب ۱۷ : ۱۷ - ۲۱

انجیل یوحنا ۱۶ : ۵ - ۱۵

عید قیامت دے مگروں پنجویں اتوار دی دُعا

یارب ساریاں چنگیاں چیزاں تیرے ہی ولوں آؤندیاں ہن۔ اپنیاں
عاجز بندیاں اُتے فضل کر پئی رُوح القدس دے الہام نال ساڈا دھیان
چنگیاں گلاں ول لے جاوے تے تیری فہر تے ہدایت نال اسیں اوہناں
اُتے عمل دی کریٹے ساڈے خدائے یسوع مسیح دے واسطے۔ آمین +

خط یعقوب ۱ : ۲۲ - ۲۷

انجیل یوحنا ۱۶ : ۲۳ - ۳۳

عید صومانی مسیح دے آسمان اُتے چڑھ جان دین دی دُعا

اے قادر مطلق خدا اسیں تیری منت کردے ہاں ایہہ بخش دیہہ پئی جس

طرح ساڈا ایمان ہے۔ پی تیرا اکلوتا بیٹا ساڈا خداوند یسوع مسیح آسمان اُتے
چڑھ گیا ہے اوہ سے طرح اسیں دی اپنے دل تے دھیان نال اوہ تھے ہی چڑھے
تے اوہ دے نال بہر دم رہے جیڑا تیرے تے رُوح القدس نال اک خدا
سدا تیکر جیوندا تے راج کردا ہے۔ آمین :-

خط دے عوض اعمال ۱: ۱-۱۱
انجیل مرقس ۱۶: ۱۴-۲۰

بیدار ہو دے مگروں دے اتوار دی دُعا

یارب جلال دے بادشاہ توں اپنے اکلوتے بیٹے یسوع مسیح توں
بڑی فتح تے شان نال اپنی آسمانی بادشاہی توڑی اُچیاں کیتا ساڈی عرض
ہے پی توں سانوں بے دالی نہ چھڈ۔ پراپنا رُوح القدس گھل جواوہ سانوں
تسلی دیوے تے سانوں اوہ سے تھال توڑی چاہرے جتھے ساڈا بچاؤن
والا مسیح اُگے گیا ہے۔ اوہ تیرے تے رُوح القدس دے نال اک خدا سدا
جیوندا تے بادشاہی کردا ہے۔ آمین

خط اپطرس ۲: ۷-۱۱
انجیل یوحنا ۱۵: ۲۶-۱۶: ۵

بیدار ہو دے رُوح القدس دے اُترن دے اتوار دی دُعا

خُرایا توں پینتکوست دے دن اپنیاں ایماندار لوکاں کول رُوح القدس
نوں گھلے تے اوہرے چان دے وسیلے اوہناں دیاں دلاں دی ہدایت
کیتی اوہرے رُوح دے وسیلے ساریاں گلاں وچ سانوں چنگی سمجھ بخش تے

اوہری پاک تسلی نال سدا سائوں خوش رکھ ساڈے خداوند یسوع مسیح جے
 ثواب دے واسطے جیڑا تیری تے اوہی روح دی یگانگی وچ سدا جیوندا
 تے راج کردا ہے۔ آمین *

خط دے عوض اعمال ۱: ۲ - ۱۱
 انجیل یوحنا ۱۲: ۱۵ - ۳۱

عید نزول دے مکروں دے سوموار لئی

خط دے عوض اعمال ۱۰: ۳۴ - ۴۸
 انجیل یوحنا ۱۶: ۱۶ - ۲۱

عید نزول دے مکروں دے منگلوار لئی

خط دے عوض اعمال ۸: ۱۲ - ۱۷
 انجیل یوحنا ۱: ۱ - ۱۰

عید ثالث دی دُعا

اے قادرِ مطلق تے سدا دے خدا توں اساں اپنیاں بندیاں توں ایہہ
 فضل بخشیا جو سچے ایمان دا اقرار کر کے اسیں ازلی ثالث دے جلال توں منئے
 تے جنابِ الہی دی قدرت نال اگوہی خدا دی بندگی کریئے۔ ساڈی عرض ہے
 پیئی ایس ایمان اُتے سائوں قائم رکھ تے ساریاں مصیبتاں تھوں سدا سائوں
 بچا کیوں جو توں واحد خدا سدا جیوندا تے راج کردا ہیں۔ آمین *

خط دے عوض - مکاشفہ ۱: ۱۱ - انجیل - یوحنا ۱: ۳ - ۱۵

عیدِ ثالث دے مگروں پہلے اتوار دی دُعا

اے خدا توں ادھناں سمجھناں دا زور ہیں جیہڑے تیرے اُتے اُسرے
 رکھدے ہیں۔ رحم کر کے ساڈیاں دُعاواں قبول کر۔ اسیں خاکی بندے اپنی
 طبیعت دی کمزوری دا صدقہ تیری مددِ بناں کوئی نیکی نہیں کر سکدے۔ ایس
 لئی توں اپنا فضل ساڈے اُتے کر۔ تانجو تیریاں ٹھکماں نوں مندے رہیئے۔
 تے اپنی بہت تے عملاں نال تینوں خوش کریئے۔ ساڈے خداوند یسوع مسیح
 دے واسطے۔ آمین۔

خط ایوحنّا ۳ : ۷-۲۱
 انجیل لوقا ۱۲ : ۱۶-۲۵

عیدِ ثالث دے مگروں دُوبے اتوار دی دُعا

اے خداوند جہناں نوں توں اپنے خوف تے پیار وچ پالدا تے سانہی
 رکھدایں۔ ادھناں توں کدی اپنی امداد تے ہدایت مقبول بے اُس نہیں
 رکھدا۔ اسیں تیری بہت کرنے ہاں پئی توں ساووں اپنی ہر تے پالتا دی
 حفاظت وچ سدا قائم رکھ تے جیہا کرم کر جو اسیں تیرے پاک نال دا
 سدا خوف تے پیار رکھئے۔ ساڈے خداوند یسوع مسیح دے وسیلے نال۔
 آمین۔

خط ایوحنّا ۳ : ۱۳-۲۲
 انجیل لوقا ۱۲ : ۱۶-۲۲

عیدِ ثالث دے مگروں دُوبے اتوار دی دُعا
 یارب اسیں تیری بہت کرنے ہاں پئی توں رحم کر کے ساڈی سُن

لے۔ توں تے ساڈیاں دلاں وچ دُعا منگن دی بڑی خواہش پائی ہے۔ ایہہ
بخش پئی اسیں ساریاں خطریاں تے مصیبتاں وچ تیری بڑی قدرت نال
مدد تے تسلی پائیے۔ ساڈے خُداوند یسوع مسیح دے واسطے۔ آمین *

خط اپطرس ۵: ۵-۱۱
انجیل لوقا ۱۵: ۱-۱۵

عیدِ ثالوث دے مگروں چوتھے اتوار دی دُعا

اے خُدا توں اوہناں ساریاں وار کھوالا ہیں۔ جیہڑے تیرے اُتے
آسرا رکھدے نے۔ تیرے باہجھ نہ تے مضبوطی ہے تے نہ ہی پاکیزگی ہے
ساڈے دل اپنی رحمت کثرت نال گھل تاںجو تیری حکومت تے ہدایت نال
اسیں فانی چیزاں وچوں رنج لنگھ جائیے۔ پئی اورک نوں اوہناں چیزاں
نوں جیہڑیاں نہ فنا ہوں والیاں نے نہ گوائیے۔ اے آسمانی باپ ساڈے
خُداوند یسوع مسیح دے خاطر سا نوں ایہہ بخش۔ آمین *

خط رومیوں ۸: ۱۸-۲۳
انجیل لوقا ۶: ۳۶-۴۲

عیدِ ثالوث دے مگروں پنجویں اتوار دی دُعا

خُداوند ساڈی عرض ہے پئی تیری حکومت نال ایس دُنیا دا بندوبست
شکھ نال ہووے۔ تاںجو تیری کلیسیا پوری دینداری تے آرام وچ خوشی نال
تیری سیوا کردی رہے۔ ساڈے خُداوند یسوع مسیح دے واسطے۔ آمین *

خط اپطرس ۳: ۸-۱۵
انجیل لوقا ۵: ۱۱-۱۱

عیدِ ثلوث دے مگروں چھویں اتوار دی دعا

اے خُدا توں اوہناں لئی جیہڑے تیرے نال محبت رکھدے ہن۔
 اجیہاں چنگیاں چیزاں تیار کر رکھیاں نے جیہڑیاں انسان دی سمجھ تھوں
 پرے ہن۔ ساڈیاں دلاں وچ اپنی محبت اپنی پا۔ پئی اسیں تینوں سمجھناں
 چیزاں نالوں ودھ کے پیار کریئے تے تیریاں وعدیاں توں جیہڑے ساڈیاں
 ساریاں خواہشاں نالوں دی ودھیک ہن حاصل کریئے۔ ساڈے
 خداوند یسوع مسیح دے واسطے۔ آمین +

خط رومیاں ۶ : ۳ - ۱۱
 انجیل مرقس ۵ : ۲۰ - ۲۶

عیدِ ثلوث دے مگروں ستویں اتوار دی دعا

یارب ساری قدرت تے زور دے مالک۔ ساریاں چنگیاں چیزاں
 دا پیدا کرن والا تے بخش والا توں ہی ہن۔ ساڈیاں دلاں وچ اپنے ناں
 دے پیار دابی پاوے۔ ساڈے وچ سچّی وینداری ودھا۔ ساریاں نیکیاں
 وچ سانوں پال تے اپنی بڑی مہربانی سانوں اوہناں وچ قائم رکھ۔
 ساڈے خداوند یسوع مسیح دے واسطے۔ آمین +

خط رومیاں ۶ : ۱۹ - ۲۳
 انجیل مرقس ۸ : ۱ - ۹

عیدِ ثلوث دے مگروں اکھویں اتوار دی دعا

خُدا یا۔ اپنی کامل تدبیر نال آسمان تے زمین دیاں ساریاں گلاں دا

بند و بست توں ہی کردا ہیں۔ اسیں عاجزی نال تیری منت کردے ہاں۔
 پیئ ساریاں نقصان کرن والیاں چیزاں ساقیوں دفع کرتے جس گل وریج
 ساڈا فائدہ ہووے۔ اوہ توں ساٹوں بخش دیہہ۔ ساڈے خداوند یسوع
 مسیح دے واسطے۔ آمین

خط رومیاں ۸ : ۱۲ - ۱۷

انجیل متی ۷ : ۱۵ - ۲۱

عیدِ ثالث دے مکرولِ ناولوں توار دی دُعا

یارب اسیں تیری منت کرنے ہاں۔ اپنی مہر نال ساٹوں اجیہی رُوح
 دے جہدے نال اسیں ہر ویلے دُست سوچ و چار کر کے اوہدے
 اُتے عمل وی کریئے۔ اسیں تے تیرے بنال کوئی نیکی نہیں کر سکدے۔
 توں ساڈھی مدد کر جو تیری مرضی موجب زندگی گذاریئے۔ ساڈے خداوند
 یسوع مسیح دے واسطے۔ آمین

خط اکرنقیباں ۱۰ : ۱ - ۱۳

انجیل لوقا ۱۶ : ۱ - ۹

عیدِ ثالث دے مکرولِ دسویں توار دی دُعا

یارب رحم کر کے اپنے عاجز بندیاں دیاں دُعاواں کن لاکے سُن تے
 ساٹوں ایہہ توفیق دے پیئ جیہڑیاں دُعاواں تینوں چنگیاں لگدیاں ہین
 اوہ اسیں منگئے۔ تہی توں ساڈیاں مراداں پوریاں کریں گا۔ ساڈے خداوند
 یسوع مسیح دے واسطے۔ آمین

خط ۱۲ : ۱ - ۱۱ اگر تحقیقات

انجیل ۱۹ : ۲۱ - ۲۷ لوقا

عیدِ ثالث دے مگروں بارہویں الواردی دُعا

اے خُدا توں اکثر رحم تے ترس نال اپنی بڑی قُدرت دیکھا لدا ہیں۔ رحم کر کے سانوں اپنا فضل بخش جو اسیں تیریاں حُکماں دے راہ وِچ اِنج دوڑیے پئی جیہڑے وعدے توں مہر کر کے ساڈے نال کیتے ہیں اوہ ساڈے لئی پورے ہو جان تے تیرے اسمانی خزانے تھوں فیض پائیے۔ ساڈے خُداوند یسوع مسیح دے واسطے۔ آمین۔

خط ۱۵ : ۱ - ۱۱ اگر تحقیقات

انجیل ۱۸ : ۹ - ۱۴ لوقا

عیدِ ثالث دے مگروں بارہویں الواردی دُعا

اے قادرِ مطلق تے انلی خُدا توں ساڈے منگن نالوں زیادہ سُنن ٹل سدا تیار ہیں۔ تے ساڈی خواہش تے حق دوہاں نالوں ودھیک دیندا ہیں۔ توں کثرت نال اپنی رحمت ساڈے اُتے نازل کرتے جنہاں تقصیراں دے سببوں ساڈا دل خوف کھاندا ہے۔ اوہ سانوں معاف کرتے اوہ برکتاں سانوں دے جیہڑیاں اپنیاں نالا لُقیات دے سبب اسیں تیتھوں منگ وی نہیں سکدے سوا تیرے بیٹے ساڈے خُداوند یسوع مسیح دے ثواب تے سفارش دی خاطر۔ آمین۔

خط - ۲ اگر تحقیقات ۳ : ۴ - ۱۰ انجیل - مرقس ۴ : ۳۱ - ۳۷

عیدِ ثالوث دے مگروں تیرھویں توار دی دُعا

اے قادرِ مطلق تے رحیمِ خدا تیری ہی ہر نال تیرے ایماندار بندے سچی
تے چنگی خدمت کر سکدے ہین۔ اسیں تیری مہنت کرنے ہاں ایہہ بخش
پئی ایس دُنیا وچ رہ کے ایج ایمانداری نال اسیں تیری خدمت کریئے۔ جو
اوڑک نوں تیریاں آسمانی برکتاں دیاں وعدیاں تھوں رہ نہ جائیے۔ ساڈے
خداوند یسوع مسیح دے واسطے۔ آمین *

خط گلتیاں ۲۲ - ۱۶ : ۳
انجیل لوقا ۲۸ - ۲۳ : ۱۰

عیدِ ثالوث دے مگروں چودھویں توار دی دُعا

اے قادرِ مطلق تے قدیمِ خدا توں ایمان اُمید تے مہنت نوں ساڈے
وچ ودھاتے ایہہ بخش۔ پئی اسیں تیرے حکماں نوں ایج پیار کر بیئے جو
تیرے وعدیاں نوں حاصل کریئے۔ ساڈے خداوند یسوع مسیح دے دیلے
نال۔ آمین *

خط گلتیاں ۲۲ - ۱۶ : ۵
انجیل لوقا ۱۹ - ۱۱ : ۱۷

عیدِ ثالوث دے مگروں پندرہویں توار دی دُعا

اے خداوند اسیں عرض کرنے ہاں پئی توں اپنی کلیسیا نوں اپنی سدا
دی رحمت نال بچائی رکھ۔ کیوں جو انسان اپنی کمزوری دے سببوں تیری

مددیناں ڈگن محقوں بچ نہیں سکدا۔ توں مدد دے کے سائوں ساریاں
نقصان کرن والیاں چیزاں محقوں بچا۔ تے جیڑیاں گلاں ساڈی نجات
دے لئی فائدہ دین اوہناں دے دل ساڈی رہنمائی کر۔ ساڈے خداوند
یسوع مسیح دے وسیلے۔ آمین ۛ

خط گلتیاں ۶ : ۱۱ - ۱۸

انجیل متی ۶ : ۲۴ - ۳۴

عیدِ ثالوث دے مگروں سولہویں تواری دُعا

اے خداوند ساڈی عرض ہے پئی توں ساڈے اُتے ترس کھا کے
اپنی کلیسیا نوں پاک رکھ تے اوہدا حامی ہو۔ اوہ تے تیری مددیناں سلا
نہیں رہ سکدی۔ جبر کر کے ہر ویلے اوہنوں سنبھال تے سدا اوہدی
رکھوالی کر۔ ساڈے خداوند یسوع مسیح دے واسطے۔ آمین ۛ

خط افسیاں ۳ : ۱۳ - ۲۱

انجیل لوقا ۷ : ۱۱ - ۱۷

عیدِ ثالوث دے مگروں ستارہویں تواری دُعا

یارب ساڈی دُعا ہے پئی تیرا فضل سدا ساڈے اگے پچھے رہے
تے ہر ویلے ہر طرح دے نیک کماں وچ سائوں لائی رکھے۔ ساڈے
خداوند یسوع مسیح دے واسطے۔ آمین ۛ

خط افسیاں ۴ : ۱ - ۶

انجیل لوقا ۱۴ : ۱ - ۱۱

عیدِ ثالث دے مگروں اکھار ہویں اتوار دی دُعا

یارب اسیں تیری مِنت کرنے ہاں اپنیاں بندیاں توں ایہہ ہمت
بخش پئی جس ویلے دُنیا یا نفس یا شیطان سانوں آزماؤن لئی زور لاؤن
اسیں اوہناں دا مقابلہ کرے تے صاف دل تے نیک بیٹی نال تیرے
مگر ٹرے کیونجوں ہی اکلا خدا ہیں۔ ساڈے خداوند یسوع مسیح دے
واسطے۔ آمین *

خط اکر ہتھیاں ۱: ۲۷ - ۹

انجیل متی ۲۲: ۳۲ - ۴۶

عیدِ ثالث دے مگروں انیسویں اتوار دی دُعا

خدا یا تیری مدد ہتاں اسیں تاں تینوں خوش کر نہیں سکدے۔ اسیں
کر کے اپنے رحم نال ایہہ بخش پئی تیرا روح القدس ساریاں گلاں وِج
ساڈیاں دلاں دا آگوتے حاکم ہووے۔ ساڈے خداوند یسوع مسیح دے
واسطے۔ آمین *

خط افسیاں ۴: ۱۷ - ۳۲

انجیل متی ۹: ۱ - ۸

عیدِ ثالث دے مگروں ویسویں اتوار دی دُعا

اے قادر مطلق تے کمال رحیم خدا۔ اسیں تیری مِنت کر دے ہاں۔ پئی
اپنی ڈاہڑی مہر نال سمجھناں نقصان کرن والیاں گلاں تھوں سانوں بچا۔ تانجو

اسیں رُوح تے جسم نال تگڑے تے تیار رہے تے خوش ہو کے اوہناں
کماں نوں پُریاں کرے۔ جیڑے توں ساقسوں چاہندا ہیں۔ ساڈے
خداوند یسوع مسیح دے واسطے۔ آمین۔

خط افسیاں ۵ : ۱۵ - ۲۱

انجیل متی ۲۲ : ۱ - ۱۴

عیدِ ثلوت دے مگروں کہویں اتوار دی دعا

رحیم خداوند اساڈی عرض ہے پئی توں اپنے ایماندار لوکاں نوں معافی
تے اطمینان بخش جو اپنے ساریاں گناہواں تھوں پاک صاف کیتے جان
تے پوری تسلی نال تیری بندگی کرن۔ ساڈے خداوند یسوع مسیح دے
واسطے۔ آمین۔

خط افسیاں ۶ : ۱۰ - ۲۰

انجیل یوحنا ۴ : ۲۶ - ۵۴

عیدِ ثلوت دے مگروں بائیویں اتوار دی دعا

خداوند اسیں تیری منت کردے ہاں اپنی کلیسیا نوں جیڑی تیرا گھرانہ
ہے سدا دینداری وچ قائم رکھتا بخو تیری رکھوالی نال ساریاں بلاواں
تھوں پچی رہے تے تیرے اوتوں قربان ہو کے تیرے تاں دی وڈیائی
لئی ساریاں نیک عملاں نال تیری سیوا وچ لگی رہے۔ ساڈے خداوند
یسوع مسیح دے واسطے۔ آمین۔

خط . فلیپیاں ۱ : ۳ - ۱۱ انجیل - متی ۱۸ - ۲۱ - ۳۵

عیدِ ثالوث دے مگروں تیسویں اوار دی دُعا

اے خدا سب نیکی دے بانی ساڈی پناہ تے ساڈا زور توں ہی
ہے۔ اسیں تیری منت کر دے ہاں پئی توں اپنی کلیسیا دیاں دلی دُعاواں
سُنن توں تیار رہ تے ایہہ بخش پئی جیہڑیاں چیزاں اسیں ایمان نال منگدے
ہاں اوہ ساٹوں مل جان۔ ساڈے خداوند یسوع مسیح دے واسطے۔ آمین

خط فلپیاں ۳: ۱۷ - ۲۱

انجیل متی ۲۲: ۱۵ - ۲۲

عیدِ ثالوث دے مگروں چوئیسویں اوار دی دُعا

اے خداوند اسیں تیری منت کر دے ہاں اپنیاں لوکاں دے
قصوراں توں بخش دے جو تیرے بڑے کرم نال اسیں اوہناں گناہاں دی
پچھاہی تھوں جیہڑے اساں اپنی کمزوری دے سبب کیتے ہن چھٹ جائیے۔
اے آسمانی باپ ساڈے مبارک خداوند تے بچاؤن والے یسوع مسیح
دی خاطر ایہہ بخش۔ آمین

خط کلسیاں ۱: ۳ - ۱۲

انجیل متی ۹: ۱۸ - ۲۶

آمد تھوں پہلے اوار دی دُعا

خداوند اسیں تیری منت کر دے ہاں اپنیاں ایماندار بندیاں دیاں
دلاں توں جوش دیہہ جو اوہ نیکی دا بہرہ پھیل لے آؤن تے تیتھوں

اوہناں نوں بہتا اجر ملے۔ ساڈے خداوند یسوع مسیح دے واسطے۔

آمین • خط دے عوض - یرمیاہ ۲۳ : ۵ - ۸

انجیل - یوحنا ۴ : ۵ - ۱۲

مقدسساں دے دیاں لئی

مقدس اندریاس دے دن دی دُعا (۳۰ نومبر)

اے قادرِ مطلق خدا توں اپنے مقدس رسول اندریاس نوں اجیہا فضل بخشیا۔ پئی تیرے بیٹے یسوع مسیح دا بلا واسطہ دیاں ہی خوشی نال اوہناں من لیا تے او سے ویلے ہی اوہدے مگر ہوئیا۔ اساں سچھناں نوں ایہہ فضل بخش پئی تیرے پاک کلام سن کے اوہناں ہی تیریاں پاک حکماں نوں پوریاں کرن لئی اسیں اپنے آپ نوں قربان کر دیئے۔ او سے ساڈے خداوند یسوع مسیح دے واسطے۔ آمین •

خط رومیاں ۱۰ : ۹ - ۲۱

انجیل متی ۴ : ۱۸ - ۲۲

مقدس لوکار رسول دے دن دی دُعا (۲۱ دسمبر)

اے قادرِ مطلق تے سدا زندہ خدا توں ایمان نوں پکیاں کرن لئی اپنے مقدس رسول توہانوں اپنے بیٹے دے جی اٹھن دی بابت شک و دوج پین دتا۔ ساڈے اُتے ایہہ فضل کر پئی اسیں تیرے بیٹے یسوع مسیح تے کسے شک باجھوں اجیہا کامل اعتقاد رکھئے جو ساڈے ایمان اُتے

تینوں کدی جھڑکنا نہ پوے۔ اے خداوند اوسے یسوع مسیح دے وسیلے
نال ساڈی سُن جمدی تیرے تے رُوح القدس دے نال ہُن تے سدا تک
ساری عزت تے وڈیائی ہندی رہے۔ آمین +

خط افسیاں ۲ - ۱۹ - ۲۲
انجیل یوحنا ۲۰: ۲۲ - ۳۱

مقدس پولوس رسول دے دل پھرن دین دی دُعا

(۲۵ جنوری)

خدا یا توں اپنے مبارک رسول پولوس دی مُنادی کرن دے وسیلے انجیل
دا جانن ساری دُنیا وچ چمکایا۔ ایہہ بخش دیہہ پئی اسیں اوہدے دل پھرن
دا ابھرج حال یاد کریئے تے اوہدی پاک سکتیا اُتے چلن نال اوس گل
لئی ماپنی شکر گزاری تیرے اگے ظاہر کریئے۔ ساڈے خداوند یسوع
مسیح دے واسطے۔ آمین +

خط دے عوض اعمال ۱: ۹ - ۲۲
انجیل متی ۱۹: ۲۷ - ۳۰

ہیکل وچ مسیح دے حاضر کیتے جان دے دن دی دُعا

(۲ فروری)

اے قادر مطلق تے سدا زندہ خدا تیری جناب وچ اسیں عاجزی نال
مرض کر دے ہاں پئی جس طرح تیرا اکلوتا بیٹا گویا آج دے دن ہیکل وچ
ساڈے جیسے انسانی جسم وچ حاضر کیتا گیا سی۔ اوسے طرح اسیں دی دل

دی پاکیزگی تے صفائی نال او سے تیرے بیٹے ساڈے خداوند یسوع مسیح دے
وسیے تیری درگاہ وِج حاضر کیتے جائیے۔ آمین ۔

خط دے عوض ملاکی ۳: ۱-۶
انجیل لوقا ۲: ۲۲-۳۰

مقدس متھیا س دے دن دی دُعا (۲۴-فروری)

اے قادرِ مطلق خدا توں اپنے وفادار بندے متھیا س نوں چُنیا تے
اوہنوں بہوداہ بے وفادی تھاں اپنے بارہ رسولاں وِج رلایا۔ اپنی
کلیسیا نوں جھوٹیاں رسولاں تھوں سدا بچائی رکھ۔ نالے ایماندار تے
سچیاں ایالیاں دے وسیے اوہدا انتظام تے ہدایت کردا رہو۔ ساڈے
خداوند یسوع مسیح دے واسطے۔ آمین ۔

خط دے عوض اعمال ۱: ۱۵-۲۶
انجیل متی ۱۱: ۲۵-۳۰

مبارک کنواری مریم نوں خوشخبری ملن دے دن دی دُعا

(۲۵-مارچ)

یارب اسیں تیری مَدّت کردے ہاں پئی توں ساڈیاں دِلاں وِج
اپنا فضل پاتا فوج جس طرح فرشتے دی زبانی تیرے بیٹے یسوع مسیح دے دہ
دھارن دی سانوں خبر ملی۔ او سے طرح اوہدے صلیب تے دکھ سہن
دے وسیے اوہدے جلالی جی اٹھن وِج شریک ہو ویئے۔ او سے ساڈے
خداوند یسوع مسیح دے وسیے۔ آمین ۔

خط دے عوض یسعیاہ ۱۹ - ۱۰: ۷
انجیل لوقا ۳۸ - ۲۶: ۱

مقدس مرقس انجیلی دے دن دی دُعا (۲۵- پیر)

اے قادرِ مطلق خُدا توں اپنے مقدس مرقس انجیلی دی آسمانی سکھیا
نال اپنی پاک کلیسیا نوں تعلیم دتی ساڈے اُتے ایہ فضل کر پئی ایا نیاں
وانگوں جھوٹی سکھیا دے ہر اک بلے نال اسیں ڈانوا ڈول نہ ہو ویئے۔
سگوں تیری پاک انجیل دی سچائی وچ قائم رہیئے۔ ساڈے خُداوند
یسوع مسیح دے وسیلے۔ آمین۔

خط افسیوں ۱۷ - ۷: ۴
انجیل یوحنا ۱۲ - ۱۰: ۱۵

مقدس فلپس تے مقدس یعقوب دے دن دی دُعا (۱- مئی)

اے قادرِ مطلق خُدا تینوں جاننا سدا دی زندگی ہے۔ سا نوں ایہ
فضل بخش پئی تیرے بیٹے یسوع مسیح نوں اسیں پورے طور نال راہ
حق تے زندگی جانے تے تیرے مقدس رسولان فلپس تے یعقوب
دی پیروی کر دے ہوئے تگڑے تے تیار ہو کے سدا دی زندگی دے
راہ اُتے چل دے رہیئے۔ او سے تیرے بیٹے ساڈے خُداوند یسوع
مسیح دے وسیلے۔ آمین۔

خط یعقوب ۱۳ - ۱: ۱
انجیل یوحنا ۱۵ - ۱۰: ۱۴

مقدس بر بناس رسول دے دن وی دُعا (۱۱-جون)

اے خُداوند مطلق خُدا توں اپنے مقدس رسول بر بناس نوں رُوح القدس دیاں عمدہ نعمتاں نال مالا مال کیتا۔ اسیں تیری مہمت کردے ہاں ایہہ بخش پئی سانوں تیریاں بڑیاں بخششاں دی کدی ٹھہر نہ ہووے تے نالے اوہناں نوں تیری عزت تے جلال دے واسطے در تن لئی کدی تیرے فضل و اسیں رہ نہ جاپئے۔ ساڈے خُداوند یسوع مسیح دے واسطے۔ آمین۔

خط دے عوض اعمال ۱۱ : ۲۲ - ۳۰

انجیل یوحنا ۱۵ : ۱۲ - ۱۶

مقدس یوحنا بپتسمہ دین والے دے دن وی دُعا (۲۴ جون)

اے قادر مطلق خُدا اپنی قدرت نال اپنے بندے یوحنا بپتسمہ دین والے نوں توں عجیب طرح نال پیا کیستا تے اوہنوں ایس لئی گھلایا پئی توبہ وھی منادی نال تیرے بیٹے ساڈے بچاؤن والے داراہ تیار کرے سانوں اوہدی سکھیا تے نیک چلنی دے نمونے دے اُتے انج ٹرن دی توفیق دے پئی اوہدی منادی موجب اسیں سچی توبہ کریئے تے اوہے وانگوں سدا سچ بولئے تے دلیری نال شرارت دی ملامت کریئے تے صبر نال سچیاں دی خاطر وکھ وی جھل لیتے ساڈے خُداوند یسوع مسیح دے واسطے۔ آمین۔

خط دے عوض یسعیاہ ۴۰ : ۱ - ۱۱

انجیل لوقا ۱ : ۵۷ - ۸۰

مقدس پطرس رسول دے دن دی دُعا (۲۹-جون)

اے قادرِ مطلق خدا۔ توں اپنے بیٹے یسوع مسیح دے وسیلے اپنے مقدس رسول پطرس نوں بہتیاں عمدہ بخششاں دتیاں تے اوہنوں محکم دتا پئی میریاں بھیدیاں چار۔ ساڈی عرض ہے پئی ساریاں بھیاں تے پادریاں نوں ایہ توفیق دہہ پئی اُدم نال تیرا پاک کلام سنایا کرن تے تیرے بندے تابع رسی نال اوہدے مطابق عمل کرن۔ تانجو سبھناں نوں سدا دے جلال و التاج ملے۔ ساڈے خداوند یسوع مسیح دے واسطے۔ آمین ۔

خط دے عرض اعمال ۱۲: ۱۱-۱۱

انجیل متی ۱۴: ۱۳-۱۹

مقدسہ مریم مگدینی دے دن دی دُعا (۲۲-جولائی)

اے قادرِ مطلق خدا تیرے مبارک بیٹے نے مریم مگدینی نوں پاک کیتا تے اوہنوں ایہ فضل بخشیا جو اوہ اوہدے جی اُٹھن دی گواہی دیوے۔ اپنی رحمت نال ایہ بخش پئی اسیں تیرے فضل نال اپنیاں ساریاں کمزوریاں تھوں تندرست کیتے جائیے تے اوہدی سدا دی زندگی تھوں طاقت لے کے ہر ویلے تیری سیوا کردے رہیے۔ اوہو تیرے تے رُوح القدس نال پاک خدا سدا جیونداتے راج کردا ہے۔

آمین

خط ۲ کرنتھیاں ۵: ۱۲-۲۱

انجیل یوحنا ۲۰: ۱۱-۱۸

مقدس یعقوب رسول دے دین دی دُعا (۲۵- جولائی)

رحیم خدایا ایہہ بخشش ہی جس طرح تیرے پاک رسول یعقوب نے اپنے پیوتے ساریاں چیزاں نوں چھڈ دتاتے تیرے بیٹے یسوع مسیح دے بھلاوے نوں جھٹ من کے اوہدے مگر لگ پیا۔ اوہ سے طرح اسیں وی ساریاں دنیاوی تے جسمانی خواہشاں نوں چھڈ کے سدا تیریاں پاک حکماں اُتے عمل کرن نوں تگرے تے تیار رہیئے۔ ساڈے خداوند یسوع مسیح دے واسطے۔ آمین۔

خط دے عوض اعمال ۱۱ : ۲۷ : ۱۲ : ۳
انجیل متی ۲۰ : ۲۰ - ۲۸

مسیح دی صورت دے نورانی ہون دے دن دی دُعا

(۶- اگست)

اے خدا توں اپنے اکلوتے بیٹے دے مصلوب ہون تھوون پہلاں اوہدے جلال نوں پاک پہاڑ اُتے ظاہر کیتا۔ اپنے بنایاں نوں ایہہ فضل بخش پئی اسیں ایمان دی راہیں اوہدے چہرے دے چائن نوں دیکھ کے اپنی صلیب اکھاڈن دے لئی طاقت حاصل کریئے۔ تے اوہدی جلالی صورت وچ درجہ بدرجہ بدلے جاییئے۔ اوہ سے ساڈے خداوند یسوع مسیح دے وسیلے۔ آمین۔

خط ۱ یوحنا ۳ : ۱ - ۳
انجیل مرقس ۹ : ۲ - ۸

مقدس برتولمائی رسول دے دن دی دُعا (۲۲-اگست)

اے قادر مطلق تے ازلی خُدا توں اپنے رسول برتولمائی نوں ایہہ فضل بخشیا پئی سچے دل نال تیرے پاک کلام نوں مَن کے اوہدی منادی کرے
اسیں تیری منت کردے ہاں اپنی کلیسیا نوں ایہہ فضل بخش - پی جس کلام
نوں اوس نے منیا - اوس نوں پیارا جانے تے نالے آپ اوہنوں قبول
کر کے اوہدی منادی کرے - ساڈے خُداوند یسوع مسیح دے واسطے
آمین

خط دے عوض اعمال ۱۶-۱۲:۵
انجیل یوحنا ۲۲:۲۲-۳۵

مقدس متی رسول دے دن دی دُعا (۲۱-ستمبر)

اے قادر مطلق خُدا توں اپنے مبارک بیٹے دے وسیلے متی نوں
موصول دی جو کی نقووں سدیا تے اوہنوں رسول تے انجیل لکھن والے
دامرتبہ دتا - سا نوں ایہہ فضل بخش - پئی سارا لالچ تے دولت دی بھیڑی محبت
چھڈ کے اوسے تیرے بیٹے یسوع مسیح دے مگر لگے - جیہڑا تیرے تے
رُوح القدس سنے اک خُدا سدا جیوندا تے راج کردا ہے - آمین

خط ۲ کرنتھیاں ۱۰:۴-۶

انجیل متی ۹:۹-۱۳

مقدس میکائیل تے سارے فرشتیاں دے دن دی دُعا (۲۹-ستمبر)

اے سدا جیوندا خُدا - توں فرشتیاں تے آدمیاں دیاں خدمتاں دا تقرر

تے انتظام عجیب طریقے نال کیتا ہے۔ رجم کر کے ایہہ بخش پئی جس طرح تیرے
پاک فرشتے آسمان اُتے ہر ویلے تیری خدمت کر دے ہن۔ او سے طرح
تیرے حکم نال ایس جہان وچ اوہ ساڈی مدد دتے رکھوالی کر پا کرن۔
ساڈے خداوند یسوع مسیح دے واسطے۔ آمین۔

۱۲: ۷-۱۲

مکاشفہ

خط دے عوض

۱۰: ۱-۱۸

متی

انجیل

مقدس تو مار سول ہندے دن دی وعا (۶۸- اکتوبر)

اے خدا توں اپنے پاک رسول تو مانوئل ایس لئی سدیا پئی اوہ تیری
کلیسیا دا وڈا معمار ہووے تے اپنی موت دی راہیں تیرا جلال ظاہر کرے
ساتوں ایہہ بخش پئی اسیں بڑی کوشش نال نجات دی خوشخبری دی
مناوی کر کے اوہدیاں محنتاں تے دکھاں دے لئی اپنی شکر گزاری دکھا
لیے۔ تاناخو ساڈے دیس وچ تیری کلیسیا قائم ہو کے تیرے اگے اجیہیاں
روحانی قربانیاں چاہڑے۔ جیہڑیاں تینوں پسند ہون۔ ساڈے خداوند
یسوع مسیح دے وسیلے نال۔ آمین۔

۱۳: ۱۳-۲۱

عبرانیاں

خط

۱۱: ۷-۱۶

یوحنا

انجیل

مقدس لوقا انجیلی دے دن دی وعا (۱۸- اکتوبر)

اے قادر مطلق خدا۔ توں لوقا طیب نوں جمدی تعریف انجیل وچ
بلدی ہے۔ ایس لئی سدیا پئی انجیل دا لکھن والا ہو کے روحانی طیب بنے۔

مر کر کے ایہہ بخش پئی ابدی سکھیا دے چنگے علاج دی راہیں۔ اسیں
اپنیاں رُوحاں دیاں ساریاں بیماریاں تھوں شفا پائیے۔ تیرے بیٹے
ساڈے خُداوند یسوع مسیح دے ثواب دے سبب۔ آمین *

خط ۲ بیتیسیس ۲: ۵-۱۵

انجیل لوقا ۱۰: ۷-۷

مقدس شمعون تے مقدس یہوداہ رسولان دے دن دی دعا

(۲۸- اکتوبر)

اے قادرِ مطلق خُدا توں اپنے رسولان تے نبیاں دی بلیختا تے اپنی
کلیسیا دی عمارت بنائی۔ جہدے کوئے دا پتھر یسوع مسیح آپ ہے سائوں
ایہہ بخش پئی اوہناں دی سکھیا دے وسیلے رُوح دی یگانگی وچ اسیں
انج اک دوجے نال جوڑے جاییے جو مقدس ہیکل بن کے تیرے اگے
مقبول ٹھہریے۔ ساڈے خُداوند یسوع مسیح دے واسطے۔ آمین *

خط یہوداہ ۸-۱

انجیل یوحنا ۱۵: ۱۷-۲۷

سارے مقدساں دے دن دی دعا (انویس)

اے قادرِ مطلق خُدا توں اپنے چُنیاں ہوئیاں بندیاں توں اپنے
بیٹے ساڈے خُداوند یسوع مسیح دے رُوحانی بدن وچ جوڑ کے اہناں دی
اگوست شگت تے برادری بنائی۔ ساڈے اُتے فضل کر پئی تیریاں مبارک
مقدساں دی نیکی تے دینداری دے نمونے اُتے اسیں انج چلے جو اوہناں


خوشیاں توں جو میان تھوں پرے ہن۔ جیڑیاں توں اپنے سچے مُجّت رکھن
والیاں دے لئی تیار کیتیاں ہن پہنچے۔ ساڈے خُداوند یسوع مسیح دے
واسطے۔ آمین۔

خط دے عوض مکاشفہ ۲: ۷ - ۱۲
انجیل متی ۱: ۵ - ۱۲

فصلی شکر گزاری دے لئی دُعا

قادرِ مطلق تے سدا جیوندے خُدا۔ توں مہر نال زمین دے پھل
اوہناں دے موسماں دے مطابق سانوں بخش دتے نے۔ اسیں عاجزی
دے نال دِلوں جانوں اہناں تیریاں مہربانیاں دے لئی تیرا شکر کر دے
ہاں تے منت کر دے ہاں۔ پئی توں سانوں ایہ فضل بخش جو اسیں ٹھیک
طریقے نال تیرے جلال تے لوڑ ونداں دی مدد لئی اوہناں توں وریتے۔
ساڈے خُداوند یسوع مسیح دے وسیلے۔ آمین۔

خط دے عوض استینا ۸: ۷ - ۱۰
انجیل یوحنا ۶: ۲۶ - ۳۵



عشائے ربّانی

پاک رفاقت دی نماز

یعنی

جیکر جماعت وچوں کوئی مشہور بدچلن ہووے۔ یا کسے اپنی گل یا سلوک
نال اپنے گوانڈھی نال اچھی بُرائی کیتی ہووے چمڑے نال اوس جماعت
دا دل دکھیا ہووے۔ خادم دین نوں اچھی گل دا جدوں پتہ لگ جائے
تد اچھے آدمی نوں بلا کے اُہنوں دس دے۔ پئی جدوں تائیں توں جھٹا
دے ساہمنے ایس گل دا اقرار نہ کریں۔ پئی توں سچی توبہ کر کے اپنے بُرے
چال چلن توں سدھار لیا ہے۔ او دوں تائیں توں خداوند دی میز اُتے
حاضر ہون دی جرأت کدے نہ کریں۔ تاں جو اوہ جماعت جہاں دل دکھیا
ہووے راضی ہو جائے۔ تے ایہ دی ضروری ہے پئی جہناں دا قصور
اوس کیتا ہووے۔ اوہناں دا نقصان پورا کر دے۔ یا ہو نہیں
تے اوہناں نوں ایس گل دی تسلی دے دے پئی جدوں اوہناں
موقع ملیگا اوہ ضرور رنج کر دے گا۔

پھیر اوہ لوک جہناں وچ دیر تے کرو دھ خادم دین نوں نظر آؤن
اوہناں نال دی اوہ رنج ہی ورتے۔ مطلب ایہ ہے پئی جد تک
اوہناں ایہ پتہ نہ لگے پئی اوہناں وچ میل ملاپ ہو گیا ہے۔ اوہناں
نوں او دوں تائیں خداوند دی میز وچ رن نہ دیوے۔ تے جیکر
جھگڑے والیاں وچوں اک آدمی دُوبے دے قصور دل نال

معاف کرن تے نقصان دا بدلہ دین اُتے راضی ہووے۔ پر دُرجا
 سمجھانڈیاں ہوئیاں دی مسیحی میل ملاپ نوں قبول نہ کرے سگوں
 اپنی بہت تے ورودھ اُتے اٹیا ہووے۔ اچھے معاملے درج خادم
 دین نوں چاہیدا ہے پئی توبہ کرن والے نوں عشاءِ ربّانی درج
 رلاوے۔ پر ہندی نوں نہ رلائے پر شرط ایہ ہے پئی جنوں وی
 خادم دین عشاءِ ربّانی درج رلن بھتوں لوکے اوسدی اطلاع
 اوہنوں بشپ صاحب نوں چوداں دن دے اندر دینی چاہیدی
 ہے تے بشپ ایہی قصور وار اُتے شرعی حد لائے ۛ

میر جس دے اُتے عشاءِ ربّانی دے ویلے اک چٹی چادر چھٹی ہووے
 اوہرے اُتر والے پاسے کھلو کے اکلا پر نیٹ ربّانی دُعا تے بیٹھ بکھی
 ہوئی دُعا پڑھے تے جماعت گوڈے نوائی رکھے ۛ

ربّانی دُعا

اے ساڈے باپ جو آسمان اُتے ہیں۔ تیرا نام پاک مَنیا جائے
 تیرا راج آوے۔ تیری مرضی جس طرح آسمان اُتے پوری ہندی ہے تیریں
 اُتے دی ہووے۔ ساڈی روز دی روٹی آج سانوں دیہہ۔ تے ساڈیاں
 قصور اں نوں بخش دیہہ۔ جس طرح اسیں اپنے قصور واراں نوں بخش دیندے
 ہاں۔ تے سانوں آزمائش درج نہ پاسگوں بُریاں بھتوں بچا۔ آمین ۛ

دُعا

اے قادرِ مطلق خدا تیرے آگے ساریاں دلاں دا حال کھلیا ہو یا ہے
 تینوں ساریاں دیاں مراد اں معلوم ہن۔ تے تیتھوں کوئی بھید لکھیا ہو یا
 نہیں رہندا۔ اپنے رُوح القدس دے الوام نال ساڈے دلاں دیاں

وچاراں نوں صاف کر جو اسیں تیرے نال پورا بیمار رکھیے تے تیرے پاک
 ناں دی لائق وڈیائی کر یے ساڈے خداوند مسیح دے وسیلے نال۔
 آمین *

تدپرلیٹ جماعت دل منہ کر کے دس حکم صاف آواز نال سناٹے تے
 جماعت گوڈے نواٹے رکھے تے ہر اک حکم دے مگرزوں اوس حکم
 دی نافرمانی کرن دی معافی منگے تے اگے نوں ادب دے اُتے عمل
 کرن دے لئی خدا تقویٰ فضل منگے۔ دس حکم جینے وچ گھٹ تھو
 گھٹ اک واری پڑھے جان *

دس حکم

پرلیٹ۔ خدا نے ایہ گلاں فرمائیاں تے ایون اکھیا جویں خداوند تیرا
 خدا ہاں۔ توں میرے یا بھجیوں کسے دوجے نوں خدا نہ جان *
 جماعت۔ یارب ساڈے اُتے رحم کرتے ایس حکم نوں منن لئی ساڈے
 دلاں نوں پھیر دیہہ *

پرلیٹ۔ توں بُتاں دی پوجا نہ کریں *
 جماعت۔ یارب ساڈے اُتے رحم کرتے ایس حکم نوں منن لئی ساڈے
 دلاں نوں پھیر دیہہ *

پرلیٹ۔ توں خداوند اپنے خدا داناں بے فائدہ نہ ٹٹیں *
 جماعت۔ یارب ساڈے اُتے رحم کرتے ایس حکم نوں منن لئی ساڈے
 دلاں نوں پھیر دیہہ *

پرلیٹ۔ توں سبت دے دن نوں پاک سمجھ کے یاد رکھیں *

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں اپنے ماں پیو دی عزت کریں ۛ

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں خُون نہ کریں ۛ

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں زنا نہ کریں ۛ

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں چوری نہ کریں ۛ

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں اپنے گوانڈھی اُتے جھوٹی گواہی نہ دیئیں ۛ

جماعت - یارِ ب ساڈے اُتے رحم کرتے ایس حکم نوں منن لئی ساڈے

دلاں نوں پھیر دیہہ ۛ

پریسیٹ - تُوں اپنے گوانڈھی دی کسے شے دا لالچ نہ کریں ۛ

جماعت - یارِ ب ایس تیری منت کردے ہاں ساڈے اُتے رحم کرتے

ایہناں اپنیاں ساریاں حکماں نوں ساڈے دلاں اُتے لکھ دیہہ ۛ

بادس حکماں دے تھاں پریسیٹ نویں عدد دے حکم پڑھ کے ایہہ آکھے

پریسٹ - خُداوند یسوع مسیح نے فرمایا ہے - "اے اسرائیل سُن! یہی خُداوند ساڈا خُدا اِکوی خُداوند ہے تے توں خُداوند اپنے خُداؤں اپنے سارے دل تے اپنی ساری جان تے اپنی ساری عقل تے اپنے سارے زور نال پیار کر۔ پہلا حکم ایہہ ہے تے دوجا ایہدے ورگا ایہہ ہے - یہی توں اپنے گوانڈھی توں اپنے جیہا پیار کر۔ ایہناں حکماں مقول وڈا ہور کوئی حکم نہیں۔ ایہہ دونوں حکم ساری شریعت تے بنیاں دی سکھیا دینچوڑ ہیں ۛ

جماعت - یارب - اسیں تیری مِٹ کر دے ہاں۔ ساڈے اُتے رحم کرتے ایہناں اپنے ساریاں حکماں توں ساڈے دلاں اُتے لکھ دے ۛ

غیر مسیحیاں دے دل پھرن دے لئی دُعا

اے خُدا - توں ساریاں قوماں توں اِکوی لہو مقول پیدا کر کے زمین اُتے وسایا ہے تے اپنے مبارک بیٹے توں ایس لئی گھنیا بیٹی سبھناں لوکاں توں جیہڑے دُور یا نیڑے ہن صلح دی خوشخبری دیوے۔ ایہہ بخش پئی ساڈے دیس دے سارے لوک تینوں ڈھونڈن تے لکھ لین۔ تے اے آسمانی باپ اپنے اوس وعدے توں پئی میں اپنا روح سارے آدمیاں اُتے نازل کرانگا چھیتی پوریاں کر۔ ساڈے خُداوند تے بچاؤن والے یسوع مسیح دے وسیلے نال۔ آمین ۛ

ایس دے مگروں اد سے دن دی مقرر دی دُعا پڑھی جاوے تے دُعا دے پچھول پریسٹ خط پڑھے۔ ایہدے مگروں جماعت کھلوا جاوے۔

تے پریسٹ ایہہ آکھے پئی مقدس انجیل فلالی انجیل دے فلالے باب دی
فلالی آیت تھوں مشرور ہندی ہے۔ پھیر جماعت آکھے:-

اے خُداوند تیری وڈیائی ہووے +

انجیل پڑھن پچھوں جماعت ایہہ آکھے:-

اے خُداوند۔ تیری ایس مقدس انجیل دے لئی تیرا شکر ہووے +

ایہدے پچھوں عقیدہ گایا یا پڑھیا جاوے۔ جماعت کھلوتی ہے

عقیدہ

میں مَنڈا ہاں اک خُدا نوں جیہڑا قادرِ مطلق باپ ہے تے آسمان تے
زمین تے ساریاں دیکھیاں تے اُن دیکھیاں چیزاں دا بناؤن والا ہے۔
تے میں مَنڈا ہاں اک خُداوند یسوع مسیح نوں جیہڑا خدا دا اکوتا بیٹا ہے۔
اوہ ساریاں زمانیاں تھوں پہلے باپ تھوں مولود ہويا۔ خُدا وچوں خُدا
نور وچوں نور۔ سچے خُدا وچوں سچا خُدا۔ مصنوع نہیں پر مولود۔ اوہدی تے
باپ دی اکو ذات ہے۔ اوہدے وسیلے ساریاں چیزاں پیدا ہوئیاں۔ اوہ
اساں آدمیاں دے لئی تے ساڈی نجات دی خاطر آسمانوں اُتر آیا۔ اوہ
رُوح القدس دے وسیلے کنواری مریم تھوں وہ دھاری ہوئیا۔ تے آدمی
بنیا تے پنطیس پلاطوس دی حکومت وچ ساڈے واسطے صلیب دتا گیا۔
ادھنے دُکھ سہیا تے دفنایا گیا۔ تیجے دھاڑے پاک کلام موجب جی اٹھیا تے
آسمان اُتے چڑھ گیا تے باپ دے سجے ہتھ بیٹھا ہوئیا ہے۔ اوہ جلال دے
نال جیوئیاں تے مویاں دالیکھا لین مڑا دیگا۔ اوہدی بادشاہی دا انت
نہ ہو دیگا۔

ہوئیں متدالیاں روح القدس نوں۔ اوہ رب ہے تے جیون داتا
 اوہ باپ تے بیٹے تھوں نکلا ہے۔ اوہ دی باپ تے بیٹے نال بندگی تے
 وڈیائی ہندی ہے۔ اوہ بنیاں دی زبانی بولیا۔ نالے میں اک پاک گیشک
 سولی کلیسیا نوں متدالیاں۔ گناہواں دی معافی واسطے میں اک بیٹہ
 متدالیاں۔ تے مویاں دی قیامت تے آؤن واسطے جہان دی زندگی دا
 اُمیدوار ہاں۔ آمین ۛ

ہن جماعت بیٹھ جائے تے پرستیس نکاح دی پکار کرے تے جہات
 نوں خبر دیوے پئی اوس ہفتے وچ کٹری عید یاروزے دے دن
 نوں متناچا پیرا ہے۔ تے جے عشاءے بُانی ہونی ہووے تال اوہی
 خبر وی ایس ویلے دیوے تے نالے نذرانے دا اشتہار دیوے۔ اشتہار
 دین دے گروں اک گیت گایا جاوے تے نصیحت کیتی جاوے ۛ

نصیحت

نصیحت دے گروں اک گیت گایا جاوے پرگیت تھوں پہلوں پرست
 نذرانے دی بابت ہیٹھلیاں آیتاں وچوں اک یاد و آیتاں پڑھے
 گیت گاؤن دے ویلے نذرانہ لیا جائے تے جد گیت ختم ہو جاوے
 تال پرست لوکاں دا نذرانہ ادب نال پاک میز اُتے نذر کرے۔

نذرانے دی آیتاں

۱۔ تہاڈا چانن آدمیاں دے سامنے چکے تانجو اوہ تہاڈے بھلے
 کتاں نوں دیکھن تے تہاڈے باپ دی جیڑا آسمان وچ ہے۔ وڈیائی
 کرن۔ متی ۵: ۱۶۔

۲۔ زمین اُتے اپنے لئی خزانہ اکٹھا نہ کرو۔ جتھے کپڑا تے جنگال خراب
 کردانے جتھے چور وی سٹھ مار دے تے پُرا لے جاندے نے پر آسمان
 اُتے اپنے لئی خزانہ اکٹھا کرو جتھے نہ کپڑا نہ جنگال خراب کر دے تے جتھے
 نہ چور سٹھ مار دے تے نہ پُرا لے جاندے نے۔ متی ۶ : ۱۹ - ۲۰
 ۳۔ جو کجھ تئیں چاہندے ہو پئی لوک تھاپے نال کرن اوہ ہی
 تئیں دی اوہناں نال کرو۔ کیوں جو توریت تے نبیاں دی تعلیم ایہہ ہی
 ہے۔ متی ۷ : ۱۲۔

۴۔ نہ ہر کوئی جیہڑا مینوں خُداوند خُداوند اکھدا ہے۔ آسمان دی بادشاہی
 دے اندر جائے گا۔ پر اوہ جیہڑا میرے باپ دی جو آسمان اُتے ہے۔
 مرضی پوری کردا ہے۔ متی ۷ : ۲۱۔

۵۔ جیہڑا عقوڑا بیجا ہے اوہ عقوڑا وڈھیکا۔ تے جیہڑا بہتا بیجا ہے
 اوہ بہتا وڈھیکا۔ جنال کسے نے اپنے دل وچ ٹھہرایا ہے اوہناں ہی دیوے
 نہ اوکھا ہو کے تے نہ لاچاری نال۔ کیوں جو خُدا خوشی نال دین والے نوں
 پیار کردا ہے۔ ۲ کرنتھیاں ۶ : ۷۔ ۷۔

۶۔ خُداوند یسوع دی گل یاد کرنی چاہیدی ہے۔ جیہڑی اوس آپے آکھی
 پئی دینا لئیں نالوں مُبارک ہے۔ اعمال ۲ : ۳۵۔

۷۔ دینداری صبر دے نال تاں بڑے نفع دا وسیلہ ہے۔ کیوں جو نہ
 اسیں دُنيا وچ کجھ لے آئے تے نہ کجھ ایدے وچوں لے جاسکدے ہاں۔
 ۱ تمثیل ۶ : ۷۔ ۷۔

۸۔ خُدا بے نبیاں نہیں۔ پئی تھاپے کم تے اوس پیار نوں بھل جائے
 جیہڑا تساں اوہدے نال لئی ایس طرح ظاہر کیتا پئی پاک نوکاں دی ٹہل

کیتی تے اِجے وی کر دے ہو۔ عبرانیاں ۶ : ۱۰
 ۹۔ بھلا کرنا تے خیرات دینا نہ بھُلو ایس لئی پئی خُدا اِجہیاں قُربانیاں
 تھویں خوش ہوندا ہے۔ : عبرانیاں ۱۳ : ۱۶
 ۱۰۔ جہدے کول دُنیا دا مال ہے تے اوہ اپنے بھراؤں کنگال ویکھے
 کے اوہدے اُتے ترس نہیں کر دے۔ تاں اوہدے وِچ خُدا وی مَحَبّت رکھتے
 رہندی ہے۔ (ایوحتا ۳ : ۱۷)

جَدوں عَشائے ربّانی ہونی ہووے تاں پریسٹ اوس ویلے روٹی تے
 نئے چنّا اُدھ مناسب سمجھے پاک میز اُتے رکھے تے ایہہ آکھے :-

ایس اوہناں ساریاں لئی جیہڑے اختیار رکھدے نے دُعا منگئے۔
 خاص کر اپنے ناظم اعلیٰ قلاں تے اپنے صوبے دے ناظم قلاں
 دے لئی

پریسٹ سائے خُدا - ساڈی دُعا سُن ۔
 جماعت - تے ساڈی فریادوں اپنے کول پہنچ دے ۔
 ایس مسیح دی ساری کلیسیا دے لئی جیہڑی دُنیا وِچ رُوحانی جنگ
 کر دی ہے۔ دُعا منگئے ۔

اے قادرِ مطلق تے سدا جیوؤ دے خُداؤں اپنے مقدس رُسُل دی
 راہیں سناؤں ایہہ سیکھا لیا ہے۔ پئی ساریاں آدمیاں لئی دُعا تے مِشت تے
 مُشکر کریئے۔ اساں عاجزاں وی عرض ایہہ ہے پئی تیری مہرِ نال (ساڈی خیرا
 تے نذرانے تے ساڈیاں ایہہ دُعاواں تیری الہی درگاہ وِچ منظور ہون۔ مہرِ نال اپنی
 کلیہ کلیسیاؤں سچیاں تے میل ملاپ نے اک دلی دی رُوح سدا عنایت کر
 تے ایہہ بخش پئی چنے تیرے پاک نال دا اقرار کرن والے ہین۔ تیرے پاک

کلام دی سچائی بابت اگو بھی سمجھ رکھن تے میل ملاپ تے مسیحی محبت نال
 زندگی کٹن۔ ایسے عرض کر دے ہاں۔ پئی توں ساریاں قوماں دی سچائی
 تے صلح دل ہدایت کر۔ توں سارے بادشاہاں تے حاکماں دی ابھی راہنمائی
 کر جو اوہناں دے راج و رچ تیرے لوکاں دی حکومت دینداری تے
 امن نال ہووے۔

آے آسمانی باپ ساریاں بشتیاں تے پادریاں اُتے فضل کر جو اوہ
 اپنے چال چلن تے سکھیا نال تیرا سچا تے زندگی دین والا کلام پیش کرن تے
 تیریاں پاک ساکرا منڈیاں نوں واجب طور نال ادا کرن تے۔ اپنیاں ساریاں
 بندیاں اُتے آسمانی فضل بھیج خاص کر کے ایسے جماعت اُتے جیڑی حاضر
 ہے۔ پئی اوہ غریب ولی تے ادب نال تیرا پاک کلام سُننے تے مَن لے
 تے پاکیزگی تے راستی نال ساری عمر تیری پیچی خدمت کر دی رہے آے خداوند
 ایسے بڑی عاجزی نال عرض کرنے ہاں پئی توں مہر کر کے سبھناں لوکاں
 دی تسلی تے مدد کر۔ جیڑے ایسے چارو ہارے دی زندگی دی تکلیف۔ غم
 تنگی۔ بیماری یا ہور کسے مُصِیبت و رِج پھسے ہین۔

تے جتھے تیرے بندے ایسے جہانوں تیرے ایمان تے خوف نال کوچ
 کر گئے ہین اوہناں سبھناں لئی ایسے تیرے پاک ناں دا شکر کر دے ہاں۔
 ہُن ساوَن اپنا فضل بخش پئی ایسے وی اوہناں وانگوں ایوَن نیکی دے
 راہ پئیے۔ جو اوہناں دے سنگ تیری آسمانی بادشاہی و رِج شامل ہوئیے
 آے باپ ایہہ بخش دے۔ ساڈے اکلے شفیع تے وچو لے یسوع مسیح دی
 خاطر۔ آمین۔

یا ایہہ دعاواں پڑھیاں جان

اسیں دُعا منگیئے

اے باپ! اسیں عاجزی نال تیری منت کردے ہاں پئی توں اپنے
کمال رحم نال (ساڈے نذرانے تے خیریتاں تے) ساڈیاں ایہہ دُعاواں
جو اسیں تیرے حضور پیش کردے ہاں قبول کر۔ ساڈے خُدا وند یسوع مسیح
دے وسیلے نال۔ آمین۔

اے قادرِ مطلق خُدا توں ساڈوں ایہہ سکھا لیا ہے۔ پئی کل بنی آدم دے
لئی دُعاواں تے عرصاں گزاریئے۔ توں ساڈیاں منتاں سُن۔
ہر نال ایہہ بخش۔ پئی جتنے تیرے پاک ناں دا اقرار کردے ہن اوہ
تیرے تے مقدس کلام دی اصل تعلیم دے اُتے اتفاق کرن تے میں لاپیتے
پاک محبت و رچ زندگی کٹن۔

خُدا وند کریم ساڈی سُن لے۔

ہر نال سارے بشتیاں پریشاں تے ڈیکناں توں تے خاص کر
اپنے بندیاں ساڈے میٹر و پالیٹن تے ساڈے بشتپ
توں اجیہی توفیق دیہ جو اوہ تیرے زندہ تے سچے کلام توں اپنے چال
چلن تے تعلیم نال ظاہر کرن تے تیرے پاک سکرا منٹاں توں ٹھیک
طور نال ادا کرن۔

خُدا وند کریم ساڈی سُن لے

ہر نال اپنے ہو ر سارے بندیاں توں جیہڑے تیری کلیسیا دے
بناؤن تے تیری خوشخبری دے پھیلاؤن لئی محنت کردے نے اوہناں
دے دکھ و کھ کماں و رچ برکت دے تاجو ساری دُنیا تیری مہیائی دی
پچھان نال بھر جائے۔

خداوند کریم ساڈی سُن لے

ہرنال توں اپنے سارے لوکاں توں اپنا آسمانی فضل بخش خاصکر
ایس جماعت توں جیڑی ایہتھے حاضر ہے۔ تانجو اوہ غریب دلی تے ادب
نال تیرا مقدس کلام سُننے تے قبول کرے۔ تے عمر بھر تیری پتھی خدمت
پاکیزگی تے راستی نال کرے۔

خداوند کریم ساڈی سُن لے

ہرنال ساریاں قوماں دی سچائی تے صلح و ہدایت کر۔ تے سارے
حاکماں خاصکر ساڈے ایس دیس دے ناظم اعلیٰ۔ وزیر اعظم تے ایس
صوبے دے ناظم دی اجیہی رہنمائی کر۔ جو اوہناں دے راج وچ تیرے
لوکاں دی حکومت دینداری تے امن نال ہووے۔

خداوند کریم ساڈی سُن لے۔

ہرنال اپنے آسمانی فضل نال سانوں منگائی تے کال تھیوں بچا لے
تانجو ایس دلی شکرگزاری نال وکھو وکھو سماں وچ زمین دیاں پھلاں
توں حاصل کریئے۔

خداوند کریم ساڈی سُن لے۔

ہرنال جتنے ایس چار دھاڑے دی زندگی وچ تکلیف۔ غم۔ محتاجی
بیماری یا کسے ہو مصیبت وچ پھسے ہوئے ہین۔ توں اوہناں سبھناں
توں اپنے فضل نال تسلی تے مدد دے۔

خداوند کریم ساڈی سُن لے

ہرنال جتنے تیرے بندے ایس جہان تھیوں تیرے ایمان تے خوف
دے وچ کوچ کر گئے ہین۔ اوہناں توں رحمت۔ جان تے اطمینان بخش

خداوند کریم ساڈی سُن لے۔

ہر نال ساٹوں ایہہ توفیق بخش۔ پئی اسیں تیرے مقدساں دے
نیک نمونے دے اُتے چلے۔ تانخواوہناں دے نال تیری آسمانی بادشاہی
وِج شامل ہوئیے۔

خداوند کریم ساڈی سُن لے۔

اسیں دُعا منگیئے:-

اے قادر خدا۔ تُوں سب دانائی دا چہنم ہیں۔ تُوں ساڈیاں لوڑاں نوں ساڈے
منگن تقویں پہلاں ہی جاندا ہیں۔ تے ساڈے سوال کرن دے ویلے ساڈی
نادانی تقویں وی واقف ہیں۔ اسیں تیری منت کروے ہاں۔ تُوں ساڈیاں
کمزوریاں اُتے ترس کھا۔ تے جہناں چیزاں نوں اسیں اپنی نالایقی دے
سبب منگن دا حوصلہ نہیں رکھدے تے اُتے ہون دی وجہ نال منگ
نہیں سکدے۔ تُوں اپنے کرم نال اپنے بیٹے ساڈے خداوند یسوع مسیح
دی لیاقت دے واسطے ساٹوں بخش دے۔ آمین

عشائے ربانی لین واسطے جد لکھانے سر بیٹھ جان تدریسیٹ ایہہ نصیحت

سال وِج کئی واری پڑھے

اے پیارے مسیحی بھائیو تسیں جیڑے ساڈے بچاؤن واسطے خداوند
یسوع مسیح دے بدن تے لہو دی پاک رفاقت وِج شریک ہونا چاہندے
ہو۔ تہاؤں خیال رکھنا چاہیدا ہے جو مقدس پولوس سبھناں نوں کیکر تاکید
کردا ہے۔ پئی جد تیکر تسیں اپنے آپ نوں چنگی طرح پرکھ تے جارچ نہ لئو۔
ایس روٹی کھان تے ایس پیالے تقویں پین دا حوصلہ نہ کرو۔ ایہہ چنگی طرح

جان لئو۔ پئی جے اسیں توبہ کر کے سچے دل تے جیوندے ایمان نال اسیں
 پاک رفاقت ورج شریک ہو ویئے تاں تے بڑا فائدہ ہوندا ہے۔ کیونجو
 ایس طرح ساڈیاں روحاں مسیح دا بدن کھانڈیاں تے اوہا لئو پینڈیاں
 پین تے اسیں تے مسیح اک ہو جاندے ہاں۔ پر جے اسیں انج نہ کریئے۔
 تاں بڑا ڈر ہے۔ کیونجو ایس طرح اسیں اپنے بچاؤن والے مسیح دے بدن
 تے لئو دے گناہی ہوندے ہاں۔ اسیں بے ادبی نال خداوند دے بدن
 تے لئو نوں کھا پیکے اپنے سر عذاب لیندے ہاں تے خداوند نوں رنج کر دے
 ہاں تے اوہا غصہ بھکھانے ہاں پئی اوہ ساڈے اُتے طرح طرح دے
 روگاں تے قسم قسم دیاں موتاں دا عذاب لیاوے۔ سو بھراؤ تئیں اپنے
 آپ نوں پرکھو تا جو خُدا نوں لیکھانہ دینا پوے۔ تئیں اپنیاں پچھلیاں
 گناہواں تھوں سچی توبہ کرو تے اپنے بچاؤن والے مسیح اُتے جیوندے تے
 پکا ایمان رکھو۔ اپنا چال چلن سدھہ کرو تے سبھناں نال پریت رکھو۔ تہ
 تئیں ایس پاک رسم دیاں بھیداں ورج شریک ہون جو گاہو دو گے۔ پر
 ساریاں گلاں نالوں ودھیک بڑی عاجزی نال ایس گل لئی خدا باپ تے
 بیٹے تے پاک روح دا شکر کرنا چاہیدا ہے جو ساڈے بچاؤن والے مسیح نے
 جیہڑا خدا دی تے آدمی دی ہے۔ اپنی موت دے دکھاں دے وسیلے دُنیا
 نوں مُکتی دتی۔ اوہنے آپ نوں ایناں نیویاں کیتا پئی صلیب دی مُہبت
 جعلنی قبول کیتی تا جو اساں لاچار گناہیاں نوں جیہڑے انھیرے تے موت
 دے وس ورج ساں بچاؤے تے ساؤں خدا دے پتر بناوے تے سدا
 دی زندگی بخشے تے ساڈے مالک تے اکھے بچاؤن والے یسوع مسیح نے
 اپنی موت دی گواہی تے اپنی موت دی یاد گیری تے ساڈی سدا دی تسلی

لئی ایہہ پاک رسم مقرر کیتی۔ تاجوا سیس اوہدی ایس بلے حد محبت نوں یاد
 رکھیئے پئی اوہ انج ساڈے لئی مویا تے اپنا جنگ ملا لہو و ہا کے ساتوں
 ونسوںیاں نعمتاں بخشیاں۔ سوہن آؤ تے جیویں ساتوں چاہیدا ہے۔
 ایس باپ تے پاک روح سنے اوسدا شکر کریئے تے اپنے آپ نوں
 اصلوں اوہدے اُتے پھٹ دیئے تے ساری عمر دل دی صفائی تے سچائی
 نال اوہدی سیوا کردے رہیئے۔ آمین ۛ

پھر سارے دے سارے گوڈے نواؤں تے پرلیٹ اوہناں نوں
 جیڑے پاک رفاقت وچ شریک ہون لئی آئے ہوں۔ ایہہ آکھے۔

تیس جیڑے دلوں جانوں اپنے گناہواں تھوں سچی توبہ کر دے تے
 اپنے گوانڈھیاں نال پریم پیار رکھ دے ہوتے خدا دے حکماں موجب آگے
 نوں اوسدے پاک طریقیاں اُتے نویں زندگی دی چال چلنا چاہندے ہو
 ایمان دے نال نیڑے آئے تے اپنی تسلی لئی ایہہ پاک شراکت لہو تے عاجزی
 نال گوڈے نوا کے خدا قادر مطلق دے آگے ایہہ اقرار کرو ۛ

پھر خادمانِ دین وچوں اک پاک رفاقت وچ شریک ہون والیاں تیں
 ایہہ قرار پڑھے تے ساری جماعت عاجزی نال گوڈے نوا کے مگر ایہہ آکھے

گناہواں دا اقرار

اے قادر مطلق خدا ساڈے خداوند یسوع مسیح دے باپ توں ساریاں
 چیزاں بنائیاں تے ساریاں آدمیاں دا انصاف کردا ہیں۔ ایس اپنے اُن
 گنت گناہواں تے خرابیاں نوں من کے تیرے آگے روندے ہاں۔ اساں
 ویلے کویلے اپنے خیال تے زبان تے کتاں نال تیری شان دے خلاف ات

برائی کیتی ہے۔ اساں ٹھیک تیرا غصہ تے غضب بھر کایا ہے۔ جی جان
نال اسیں توبہ کر دے ہاں۔ اسیں دلوں پھپھتاؤندے ہاں پئی ایڈے گناہ اس
کاہنوں کہیتے۔ اوہناں دے چیتے داوی سانوں بڑا دکھ ہے۔ تے نہ اوہناں
دا بھار سا تھوں چکيا جاندا ہے۔ اے کمال رحیم باپ ساڈے اُتے رحم کر۔
ساڈے اُتے رحم کر۔ جو کجھ سا تھوں ہوئیا ہے۔ اپنے بیٹے ساڈے خداوند
یسوع مسیح دے وسیلے معاف کرتے ایہہ بخش پئی آگے نوں نویں زندگی دی
چال وچ اسیں تیری جیہی سیوا کریئے جو تینوں منظور ہووے تے تیرے
نام دی عزت تے وڈیائی کیتی جاوے۔ ساڈے خداوند یسوع مسیح دے
وسیلے۔ آمین۔

پریسٹ کھو کے تے جماعت ول منہ کر کے معافی دا کلمہ سنائے

معافی دا کلمہ

قادر مطلق خدا ساڈا اسمانی باپ جینے اپنی بڑی رحمت نال اوہناں
سبھناں نوں معافی دا وعدہ فرمایا ہے جیہڑے دلی توبہ تے سچے ایمان نال
اوہدے دل مڑدے ہین اوہ تہاڈے اُتے رحم کرے۔ تہا نوں بخشے تے
ساریاں گناہواں تھوں چھٹکارا دیوے۔ ساریاں نیک کماں وچ تہا نوں
نگھڑیاں تے تیار کرے تے سدا دی زندگی توڑی اپڑاوے۔ ساڈے خداوند
یسوع مسیح دے وسیلے۔ آمین۔

پریسٹ آکھے گا

سنو کیڈی تسلی دے کلمے ساڈا نجات دین والا مسیح اوہناں سبھناں
لوکاں نوں فرماؤندا ہے جیہڑے سچے دل نال اوہدے دل آؤندے ہین۔

اے سارے لوگو جیڑے محنت کر دے تے بھاری میڈے دبے پٹے ہو میرے
کول آؤ تے میں تہاؤں آرام دیاں گا۔ متی ۱۱ : ۲۸

خدا دُنیاؤں اچھا پیار کیتا پئی اوس اپنا اکلوتا بیٹا بخشیتا تاں جو جیڑا
اوہدے اُتے ایمان لے آوے اوہ ہلاک نہ ہووے سگن اوسنوں سداوی
زندگی ملے۔ یوحنا ۳ : ۱۶

جو مقدس پوٹوس کہندا ہے۔ اوہ وی سُنو۔ ایہہ گل سچ تے سبھناں
دے مَنّ جوگ ہے جو مسیح یسوع گنہگاراں نوں بچاؤن لئی دُنیا وِج آیا۔
اتمتھیس ۱۵۱۱

جو مقدس یوحنا کہندا ہے اوہ وی سُنو۔
جے کوئی گنہہ کرے۔ تاں باپ کول ساڈا اک مددگار ہے۔ یعنی
یسوع مسیح راستباز تے اوہو ساڈے گنہہواں دا کفارہ ہے۔
یوحنا ۱ : ۲

تند پرلیٹ ہو رہ آکھے :-

پرلیٹ - اپنیاں دلاں نوں اُتاں چکو۔
جماعت - اسیں اپنے دلاں نوں خداوند ول چکدے ہاں۔
پرلیٹ - اسیں اپنے خداوند خدا دا شکر کریئے۔
جماعت - ایہو کرنا واجب تے مناسب ہے۔

پھیر پرلیٹ پاک میندے دل منہ کر کے آکھے

ایہہ گل بہت واجب تے مناسب تے ساڈے اُتے فرض وی ہے۔
جو ہر تھاں تے ہر ویلے تیرا شکر کر دے رہیئے۔ اے خداوند مقدس
باپ قادرِ مطلق تے سدا دے خدا۔

ایہ لفظ (یعنی مقدس باپ) عید تثلیث کے اقوار نوں چھڈے جان

جے اوس دن دے لئی تعریف دا خاص کلمہ مقرر ہووے۔ تاں ایہ

اوہ بڑھیا جادے۔ نہیں تاں صرف ایہ پڑھیا جادے :-

ایس واسطے فرشتیاں تے اعلیٰ فرشتیاں تے ساری آسمانی جمات
دے سنگ اسیں تیرے جلالی نام دی تعریف تے وڈیائی کردے ہاں تے
ہمیشہ تیری اُستت کر کے ایہ کہندے ہاں قدوس قدوس قدوس خداوند
قوجاں دے رب آسمان تے زمین تیری شان نال بھرے ہوئے ہین۔
اے خداوند تعالیٰ تیرا ہی جلال ہووے۔ آمین +

آمد دے موسم دے واسطے

ایس لئی پئی توں اپنے پیارے بیٹے دی بڑی جیسی وچ آؤن نال
سارے بنی آدم نوں نجات بخشی ہے۔ تے اوہ دے وسیلے سارباں چیزاں
توہیاں بناوین گا۔ جدا وہ اپنی بادشاہی شان نال ساری دُنیا دا سچھائی
نال لیکھا لیں مڑاؤے گا۔ ایس واسطے فرشتیاں تے اعلیٰ فرشتیاں ...
..... وغیرہ

عید ولادت تے اگلے ست دن دے واسطے

ایس لئی جو توں اپنے اکلوتے بیٹے یسوع مسیح نوں بخشیا جو اینیں دین
ساڈے واسطے جنم لوے۔ اوہ رُوح القدس دی قدرت نال اپنی ماں کٹواری
مریم دی ذات وچوں سچے مچ آدمی بنیا سوہی گناہ دے داغ تھوں پاک ہے۔
تاں جو سانوں سارے گناہ تھوں پاک کرے۔ ایس واسطے فرشتیاں .. وغیرہ

عید ظہور تے اگلے ست دناں دے واسطے

ساڈے خداوند یسوع مسیح دے وسیلے نال جہنے ساڈے فانی جسم
وچ آکے اپنا جلال ظاہر کیتا۔ تانجو ساریاں آدمیاں نوں ہنیرے وچوں کدھ
کے اپنے عجیب چان وچ لے آوے۔

ایس واسطے فرشتیاں تے اعلیٰ فرشتیاں۔ وغیرہ

روزے دے دناں وچ

ساڈے خداوند یسوع مسیح دے وسیلے۔ جس نے گویا ایسویں ساڈلی
خلہ چالی دن تے چالی رات روزہ رکھیا۔ تے ساریاں گلاں وچ ساڈے
وانگوں آزمایا گیا۔ تہ دی بے گناہ رہیا۔ تانجو اسیں جیڑے آزمائے جان دے
ہاں۔ فصل دے تخت دے کول دلیری نال چلے۔ تانجو ساڈے اُتے رحم
ہووے۔ تے اوہ فصل پائے جیڑا لوڑ دے ویلے ساڈی مدد کرے۔
ایس واسطے فرشتیاں۔ وغیرہ۔

عید قیامت نوں عید صعود تیکر

پر خاص کر کے تیرے بیٹے ساڈے خداوند یسوع مسیح دی جلالی قیامت
واسطے تیری تعریف کرنی ساڈے اُتے فرض ہے۔ کیونجو فسخ دا اصل بر اوہ
ہی ہے جیڑا ساڈے بدلے قربان ہو کے دُنیا دا گناہ چک لے گیا ہے۔
اوہنے اپنی موت نال موت دا ناس کیتا تے اپنے جی اُٹھن نال سدا دی
زندگی سانوں دوجی وار بخشی۔ ایس واسطے فرشتیاں۔ وغیرہ۔

عیدِ صُور تے اگلے ست دناں دے واسطے

تیرے بہت پیارے بیٹے ساڈے خُداوند یسوع مسیح دے وسیلے جتنے
اپنی جلالی قیامتوں تہچھے اپنیاں ساریاں رسولاں نوں ویدار بخشیا۔ تے
اوہناں دے ویکھدیاں ویکھدیاں آسمان تے چڑھ گیا۔ تانجو ساڈے واسطے
تھاں بناوے پئی جتھے اوہ ہے اوتھے اسیں دی ہڑھٹے تے جلال وچ اوہ
نال راج کریئے۔ ایس واسطے فرشتیاں..... وغیرہ۔

عیدِ تِروں تے اگلے چھ دناں دے واسطے

ساڈے خُداوند یسوع مسیح دے وسیلے نال جہدے پتے وعدے
موجب جوہیں ایس ویلے رُوح القدس آسمان تھوں وڈی ہنیری دی شکر
وانگوں تے اگ وانگوں زبانوں دی صورت بن کے آنازل ہوئی تے رسولاں
اُتے اکھڑیا۔ تانجو اوہناں نوں سکھیا دیوے تے پوری سچائی لئی اوہناں
دا اکو ہووے۔ تے اوس اوہناں نوں عنایت کیتا۔ پئی اوہناں نے ساریاں
قوماں وچ اتھڑ ہو کے انجیل دی مُنادی کیتی تے ایس وسیلے نال اسیں
ہنیرے تے گراہی وچوں نکل کے تیرے تے تیرے بیٹے یسوع مسیح دے
صاف چاہن تے اوہی سچی پچھان ول ایڑائے گئے ہاں۔ ایس واسطے
فرشتیاں..... وغیرہ۔

صرف عیدِ تثلیث دے واسطے

توں اکو خُدا تے اکو خُداوند ہین۔ اک اقنوم نہیں سگوں اکی جوہر وچ

تن اقنوم۔ کیونچو باپ دے جلال دے بارے وچ جیہڑا ساڈا ایمان ہے۔
بیٹے تے رُوح القدس دے بارے وچ نہ گھٹ نہ دودھ تے نہ ہٹانہ تھوڑا
ساڈا اوہوئی ایمان ہے۔ ایس واسطے فرشتیاں وغیرہ ۔

کسے مقدس دے دن دے واسطے

ساڈے خُداوند یسوع مسیح دے وسیلے نال جس نے اپنے بندے
مقدس (فلاں) نوں جہر نال چُنیا۔ پئی اوہ رسولاں دی جماعت وچ
شریک ہووے۔ (ایا انجیل داکھن والاہو دے) جہدی خدمت نال
تیرے چُنے ہوئے لوک ساریاں قوماں وچوں اکٹھے کیتے جان تے کلیسیا
اوس راہ دی تربیت پائے۔ جیہڑا سدا دی زندگی نوں لے جاتا ہے۔
ایس واسطے فرشتیاں وغیرہ

کسے ہور الوار دے واسطے

ساڈے خُداوند یسوع مسیح دے وسیلے نال جیہڑا ہفتے دے پہلے
دن مُردیاں وچوں جی اٹھیا تاں جو اسیں پاک رُوح دی قُدرت نال اوہدے
وچ جیوندے رہیے۔ ایس واسطے فرشتیاں وغیرہ۔

ایہناں تعریف دیاں کلیاں دے وچوں ہر اک دے پچھوں ایہہ گایا یا پڑھیا جاوے

ایس واسطے فرشتیاں تے اعلیٰ فرشتیاں تے ساری آسمانی جماعت
دے سنگ اسیں تیرے جلالی ناں دی تعریف تے وڈیائی کر دے ہاں تے
سدا تیری اُستت کر کے ایہہ کہندے ہاں قُدوس۔ قُدوس۔ قُدوس۔
فوجاں دے رَب آسمان تے۔ تین تیری شان نال بھرے ہوئے ہیں۔

اے خداوند تعالیٰ تیرا ہی جلال ہو دے۔ آمین +

ایہدے مگروں پر لیٹ خداوند دی میز کول گوڈے نوا کے سارے
شامل ہون والیاں دے دلوں ایہہ دعا پڑھے :-

اے رحیم خداوند۔ اسیں اپنی راستبازی تے نہیں سگوں تیریاں نوبتیاں
تے وڈیاں نعمتاں اُتے آسرا رکھ کے تیری ایس میز دے کول آؤن دی
جرات کرنے ہاں۔ اسیں تے ایسے جو گئے دی نہیں پئی جیہڑے بھورے
تیری میز حقوں ڈگن اوہناں نوں چھنئے۔ پرتوؤں اوہ خداوند ہیں۔ جہدا کم
سدا رحم کرنا ہے۔ ایس لئی اے کریم خداوند ایہہ عنایت کر پئی اسیں تیرے
پیارے بیٹے یسوع مسیح دا گوشت ایس طرح کھائیے تے اوہدا لہو ایس
طرح پیئے پئی ساڈے گناہ وچ بلیت بدن اوہدے بدن نال پاک صاف
کیتے جان۔ تے ساڈیاں روجاں اوہدے منگ لے ہوئیاں دھوئیاں
جان۔ تے اسیں اوہدے وچ تے اوہ ساڈے وچ سداؤتے۔ آمین +

جدوں پر لیٹ میز دے ساہنئے کھلو کے روٹی تے مے نوں اجیہی
ترتیب نال رکھ چکے پئی چھیتی تے وچ نال دھٹی نوں جماعت دے
ساہنئے توڑ سکے تے پیا لے نوں اپنیاں ہتھیاں وچ لے سکے۔ تہ
ہیٹھاں لکھی ہوئی تقدیس دی دعا پڑھے :-

اے قادر مطلق خدا ساڈے آسمانی باپ توں اپنی بڑی ہرناں اپنے
اکھوتے بیٹے یسوع مسیح نوں بخشیا پئی اوہ ساڈا فدیہ دین لئی صلیب اُتے
جان دیوے۔ اوس نے اوہدے اُتے اپنے آپ نوں اکو وار ہی نذر چڑھا
کے کل جہان دیاں گناہاں لئی اک پوری کامل تے کافی قربانی۔ نذر تے بدر
وتا۔ تے اپنی ایس منگ ملی موت دی اک سدا دی یاد گیری مقرر کیتی۔ تے

اپنی مقدس انجیل وچ سائوں ایہ محکم دتا پئی جدوں تائیں میں پھیر نہ آواں -
 تسیں ایہوں کردے رہو۔ اے رحیم باپ اسیں بڑی عاجزی نال تیری منت
 کردے ہاں پئی ساڈی سُن۔ تے ایہ عنایت کر جو اسیں تیرے بیٹے اپنے
 خُداوند یسوع مسیح دی مقرر کیتی ہوئی پاک رسم دے موجب اوہدی موت
 تے دُکھاں دی یاد گیری وچ تیری پیدا کیتی ہوئی ایس روٹی تے مے نوں
 کھاں پین نال اوہدے کمال مبارک بدن تے ہو وچ شریک ہوئیے پئی
 جس رات اوہ پھڑوایا گیا سی اوہنے روٹی لئی ہُن پرلیٹ رکابی نوں اپنے

ہتھال وچ لوے تے شکر کر کے توڑی ہُن روٹی نوں توڑے تے اپنیاں
 شاگرداں نوں دے کے اکھیاں ہُن ساری روٹی اُتے ہتھ رکھے لٹو کھاؤ۔ ایہ
 میرا بدن ہے جیڑا تہاڈے واسطے دتا جاندا ہے۔ میری یاد گیری لئی ایسے طرح

کریا کرو۔ ایسے طرح کھانیوں پیچھے اوہنے پیالہ لیا ہُن پیالے نوں اپنے ہتھال
 وچ لوے تے شکر کر کے اوہناں نوں دے کے اکھیاں ہُن اوہ ہر برتن اُتے

جہدے وچ تقدیس دے لئی مے ہووے ہتھ رکھے۔ تسیں سارے ایہدے وچ
 پیو۔ کیونجہ نوں عہد دا ایہ میرا لہو ہے۔ جیڑا تہاڈے تے بہتیاں دے
 گناہاں دی معافی بدلے دیا جاندا ہے۔ جد تسیں ایہوں پیو۔ میری یاد گیری
 وچ ایخ کریا کرو۔ آمین

ایس دُعا دے گروں پرلیٹ روٹی تے مے نوں آپ لوے
 تے پھر ترتیب وارجاعت دیاں لوکاں دے ہتھال وچ دیوے۔ تے لہن
 والے عاجزی نال گوڈے ٹیکے رکھن۔ جدوں اوہ کیسے نوں روٹی دیوے۔
 تاں ایہ اکھے :-

ساڈے خُداوند یسوع مسیح دا بدن جیڑا تیرے واسطے دتا گیا۔ تیرے بدن

تے رُوح نوں سدا دی زندگی لئی بچائی رکھے۔ اہنوں لے تے کھا۔ ایس گل
دی یاد گیری وِچ جو مسیح تیرے بدلے موٹیا تے شکر کر دیاں اپنے دل وِچ
ایمان نال مسیح نوں کھایا کرے۔

[جدا پرلیٹ کیسے نوں پیالہ دیوے تاں ایہہ آکھے۔]

ساڈے خداوند یسوع مسیح دا لہو جیڑا تیرے واسطے دہایا لیا۔ تیرے
بدن تے رُوح نوں سدا دی زندگی لئی بچائی رکھے۔ اہنوں پنی۔ ایس گل
دی یاد گیری وِچ جو مسیح دا لہو تیرے واسطے دہایا گیا تے شکر کرے۔

جے تقدیس کیتی ہوئی روٹی یا فے ساریاں دے عشاءِ لین حقوں پہلاں ختم
ہو جاوے۔ تاں پرلیٹ اتلا کلمہ پڑھ کے ہور تقدیس کرے۔ تے روٹی
تقدیس کرن لئی ایس طرح آکھے۔ ”جس رات ساڈا بچاؤن والا مسیح پھڑایا
گیا سی۔ اوہنے روٹی لئی تے شکر کر کے توڑی تے اپنیاں شاگرداں نوں
دے کے آکھیا۔ لہو کھاؤ۔ ایہہ میرا بدن ہے۔ جیڑا تھادے واسطے دتا
جاندا ہے۔ میری یاد گیری وِچ ایس طرح کریا کرو۔“ تے پیالہ ایہہ کہہ کے
تقدیس کرے۔ ”ایس طرح کھانویں پچھتے اوہنے پیالہ لیا تے شکر کر کے
اوہناں نوں دے کے آکھیا۔ تیس سارے اہدے وِچوں پیو۔ کیونجو
نویں عہدا ایہہ میرا لہو ہے۔ جیڑا تھادے تے بھتیاں دے کناں
دی معافی بدلے دہایا جاندا ہے۔ جد تیس اہنوں پیو۔ میری یاد گیری
وِچ ایج کریا کرو۔“

جد سارے عشاءِ ربانی لے چکن تہ پرلیٹ پاک میز دے کول جا کے تقدیس
کیتی ہوئی روٹی تے وِچوں جو کچھ بچیا ہووے ادب نال منیرا تے رکھ کے فنا
جی پاد نال ڈھکے یوے پیر پرلیٹ ربانی دھاپڑھے تے جماعت ادھر مگر آکھے۔

اے اساڈے باپ جو آسمان اُتے ہیں تیراں پاک مٹیا جائے۔
 تیرا راج آدے تیری مرضی جس طرح آسمان اُتے پوری ہندی ہے زمین
 اتے دی ہووے ساڈی روڈی روٹی آج سائوں دیہہ۔ تے ساڈیاں
 قصورال نوں بندھے۔ کیونجواں اسیں اپنے قصورداراں نوں بخش دیندے
 ہاں تے سائوں آزمائش وچ نہ پاء۔ سگوں بُریائی تھوں بچا۔ کیونجوراج تے
 قدرت تے دُڈیائی سدا تیری ہی ہے۔ آمین :-

پھیرا یہ دُعا پڑھی جائے :-

اے خداوند۔ آسمانی باپ اسیں تیرے عاجز بندے دل تے جان
 نال ایہہ عرض کردے ہاں پئی توں اپنی پدرانہ مہر نال ساڈی ایس تعریف تے
 شکرگزاری دی قربانی نوں قبول کرنا لے اسیں بڑی حلیمی نال ایہہ منت
 کرنے ہاں جو تیرے بیٹے یسوع مسیح دے ثواب تے موت دے سببوں
 تے اوہدے لہو اُتے ایمان رکھن دے وسیلے سائوں تیری کُل کلیسیا سنے
 اپنے گناہواں دی معافی تے مسیح دے دُکھ دے ہو روی سائے فائدے
 ملن۔ خداوند۔ ایس ویلے جان تے تِن نوں نذر کر کے اپنے آپ نوں تیرے
 حضور چڑھاؤندے ہاں جو تیرے لئی عقل والی تے پاک نے جیون دی قربانی
 ہوویئے تے عاجزی نال ایہہ عرض کردے ہاں۔ پئی اسیں جتنے ایس پاک رفا
 وچ شریک ہوئے ہاں تیرے فضل تے آسمانی برکت نال بھر جائیے۔ سو
 بھادویں اسیں اپنے اَن گنت اوگناں سبب ایس گل جو گے نہیں رہے جو
 تیرے آگے کوئی قربانی چڑھائیے۔ تہووی اسیں تیری منت کرنے ہاں پئی
 ایہہ ساڈا لازمی فرض تے خدمت تیری درگاہ وچ منظور ہووے تے توں سادھی
 قدر نہ جانچ پر ساڈیاں قصورال نوں بخش دیہہ۔ ساڈے خداوند یسوع مسیح

دے وسیلے نال جہدی لاپیں تے جہدے نال رُوح القدس دی یگانگی وچ
 قادرِ مطلق باپ تیری عزت تے وڈیائی سدا کیتی جاوے۔ آمین۔

یا اہیہ دُعا

اے قادرِ مطلق تے سدا جیوندے خُدا اسیں جی جان نال تیرا شکر کرنے
 ہاں جو توں آسماں لوکاں نوں جیڑے ایہناں پاک بھیداں وچ جیہا چاہیدا
 سی شریک ہوئے ہاں۔ مہر کر کے اپنے بیٹے ساڈے بچاؤن والے یسوع
 مسیح دے ائمٹل بدن تے لہو دار روحانی بھوجن کھوا کے اپنی مہرتے رحمت و
 یقین دواندا ہیں۔ تے ایس گل لئی دی پئی اسیں تیرے بیٹے دے روحانی
 بدن وچ۔ جیہڑا سب ایمانداراں دی مُبارک جماعت ہے۔ سچّ چُک گھٹے ہوئے
 انگ ہاں۔ تے تیرے عزیز بیٹے دی ائمٹل موت تے دکھاں دے ثواب دے
 وسیلے تیری سدا دی بادشاہی دے اُمید دی راہیں وارث ہوئے ہاں تے
 اے آسمانی باپ اسیں بڑی عاجزی نال عرض کرنے ہاں۔ جو توں اپنے فضل نال
 ساڈی اجیہی مدد کر پئی اسیں ایس پاک رفاقت وچ قائم رہیے۔ تے اوہ سارے
 نیک عمل کریا کر یے جیڑے توں ساڈے کرن لئی مقرر کیتے ہن۔ ساڈے
 خُداوند یسوع مسیح دے وسیلے جہدی تیرے تے رُوح القدس سنے ساری
 عزت تے وڈیائی سدا تیکر مُندی رہے۔ آمین۔

شکریہ کلمہ

عرش معلّے دے اُتے خُدا دی وڈیائی ہووے تے زمین اُتے صلح تے
 آدمیاں نال رضا مندی اسیں تیری تعریف کر دے تے تینوں مُبارک جان دے
 ہاں۔ اسیں تیری بندگی کر دے تے تیری اُستت گواہی دے ہاں۔ اسیں تیرے

وڈے جلال دے لئی تیرا شکر کر دے ہاں۔ اے خُداوند خُدا آسمانی بادشاہ خُدا
قادرِ مطلق باپ۔

اے خُداوند یسوع مسیح اکلوتے بیٹے! اے خُداوند خُدا! خُدا دے برے!
باپ دے بیٹے! جیہڑا دُنیا دے گناہواں نوں چُک لے جاندا ہے ساڈے
اُتے رحم کرا توں جیہڑا دُنیا دے گناہواں نوں چُک لے جاندا ہے ساڈے اُتے
رحم کر۔ توں جیہڑا دُنیا دے گناہواں نوں چُک لے جاندا ہے ساڈی دُعا قبول
کرا۔ توں جیہڑا خُدا باپ دے سچے ہتھ بیٹھا ہوئیا ہے ساڈے اُتے رحم کرا!
کیونجہ توں ہی قدوس ہیں۔ توں ہی خُداوند ہیں۔ اے مسیح! توں ہی رُوح
القدس نال خُدا باپ دے جلال وِچ اعلیٰ ہیں۔ آمین۔

برکت دا کلمہ

خُدا دا اطمینان جیہڑا ساری عقل تھوں باہر ہے۔ خُدا تے اوہدے بیٹے
ساڈے خُداوند یسوع مسیح دی پہچان تے محبت وِچ۔ تہاڈے دِلاں تے
خیالاں دی راہی کرے۔ تے خُدا قادرِ مطلق۔ باپ۔ بیٹے تے رُوح القدس
دی برکت تہاڈے وِچ ہووے تے تہاڈے اُتے سدا رہے۔ آمین۔

اِسناں دعاواں وِچوں اک یا زیادہ اُپر
دیاں دعاواں دے پچھوں پڑھیاں
جاسکدیاں ہین۔

اے قادرِ خداوند تے قدیمِ خدا۔ اسیں تیری مِنت کر دے ہاں تُوں اپنے
کرم نال ساڈے دل تے بدن دوہاں دی ہدایت کر۔ اوہناں نوں پاک کر۔
تے اوہناں اُتے حکومت کرتاں جو اسیں تیری شرع تے حکماں دے راہ اُتے
چلے۔ تے تیری کامل قُدرت دی مدد نال ساڈے جسم تے رُوح ایس جہان
وِچ تے ہمیشہ تیکر سلامت رہن۔ ساڈے خداوند تے بچاؤن والے یسوع
مسیح دے وسیلے۔ آمین ۛ

اے قادرِ خدا۔ اسیں تیری مِنت کر دے ہاں ایہہ بخش پئی جو کلامِ آساں
اپنے کتاں نال سُنیا ہے اوہ تیرے فضل نال ساڈے دلاں وِچ ایسی جڑ
پھڑے جو ساڈے اندر نیک چلنی دا پھل پیدا ہو جاوے تاں جو تیرے نام دی
حمد تے عزت ہووے۔ ساڈے خداوند یسوع مسیح دے وسیلے۔ آمین ۛ

اے خداوند اپنے کرم تے فضل نال سب کماں وِچ ساڈا اُگو ہوتے
سدا ساڈی مدد کر کے ساڈوں اگے ودھا۔ تاں جو ساڈے کماں دا مدد تے
اوڑک تیرے وِچ ہووے تے ساڈے سب کم تیرے وِچ قائم رہن۔ تانجو
اسیں تیرے بندے ایس طرح تیرے پاک نام دا جلال ظاہر کر کے تیرے
رحم نال اوڑک نوں سدا زندگی پائیے۔ ساڈے خداوند یسوع مسیح دے
وسیلے۔ آمین ۛ

اے قادر خدا۔ توں سب دانائی دا چشمہ ہیں۔ توں ساڈیاں لوڑاں نوں
 ساڈے منگن تھوں پہلاں ہی جانتا ہیں تے ساڈے سوال کرن دے ویلے
 ساڈی نادانی تھوں دی واقف ہیں۔ اسیں تیری مہرت کردے ہاں توں
 ساڈیاں کمزوریاں اُتے ترس کھاتے جہناں چیزاں نوں اسیں اپنی نالائقی
 دے سبب منگن دا حوصلہ نہیں رکھدے تے اتھے ہون دی وجہ نال
 منگ نہیں سکدے۔ توں اپنے کرم نال اپنے بیٹے ساڈے خداوند
 یسوع مسیح دی لیاقت دے واسطے سانوں بخش دے۔ آمین +

جیکر روٹی تے مے وچوں کجھ حصہ تقدیس تھوں بناں رہ جائے تدرپرلیٹ
 اوہنوں اپنے ورتن وچ لے آوے۔ پر جیکر تقدیس کیتی روٹی تے مے
 وچوں کجھ بچ جائے اوہ گرجیوں باہر نہیں کڈھی جاسکدی۔ اوہنوں پرلیٹ
 اوہناں عشاءے ربانی لین ذالیاں سنے جہناں نوں اوہ اوس ویلے بلائیکا
 برکت دے کھلے مگر دن کھانی جائے۔

بچیاں دے بپتسمہ دی ترتیب

جماعت نوں سمجھاؤ ناچا ہیدا ہے۔ پئی بپتسمہ اتوار نوں یا کسے دوجے
 تیوار دے دن دوا یا جائے جد بہت لوگ اکٹھے ہندے ہن۔ اک
 تاں ایس لئی پئی جو جماعت حاضر ہے اوہ گواہ ہووے۔ پئی بچہ مسیح دی کلیسیا
 وچ قبول کیتا گیا ہے۔ دوجے ایس لئی پئی جیڑے بپتسمہ پا چکے ہن۔
 اوہناں نوں اوہ اقرار یاد آجائے جیڑا اوہناں اپنے بپتسمہ دے ویلے
 کیتا سی۔ کسے ہور دن نوں وی بپتسمہ نوں دینا روا ہے +

ایہ وی یاد رہوے جو ایہ مناسب ہے۔ پئی ہر لڑکے دے واسطے
دو دھرم باپ تے اک دھرم ماں تے ہر لڑکی دے واسطے اک دھرم
باپ تے دو دھرم ماں ہون۔

جے لوڑ ہووے ماں باپ وی اپنے بچیاں دے دھرم ماں باپ ہو
سکدے نے۔

چاہیدا ہے پئی جے ہو سکے نرے اوہ جیڑے مستقیم ہوئے نے دھرم
ماں باپ بنن۔

جہن بچیاں دا بپتسمہ ہون والا ہووے تاں ماں باپ گھٹ تھوں گھٹ
اک دن پہلاں پرلیٹ لڑن خبر دین۔

بپتسمہ دے ویلے دھرم باپ تے دھرم ماں تے باقی لوک بپتسمہ دے
خوف دے پاس اکٹھے ہون تے پرلیٹ خوف دے کول آکے (جو ادس
ویلے صاف پانی نال بھریا ہووے) کھڑا ہوکے ایہ آکھے :-
ایس بچے نے آجے تیکر بپتسمہ پایا ہے یا نہیں ؟

جے اوہ جواب دین

نہیں۔

تاں پرلیٹ ایوں آکھے

مسیح درج پیار لو۔ سارے آدمی پیا لٹش تھوں ہی گناہ دل رغبت
رکھدے ہن پر خدا محبت ہے تے چاہندا ہے پئی سب لوک نجات پان
تے ساڈا نجات دین والا مسیح فرماؤندا ہے پئی جو آدمی پانی تے رُوح القدس
دے وسیلے توں جہنم نہ پاوے اوہ خدا دی بادشاہی دے اندر نہیں جاسکدا۔
ایس لئی میں تہاڈے آگے عرض کرداں۔ پئی ساڈے خداوند یسوع مسیح

دے وسیلے خدا باپ دے کولوں ایہہ دُعا کرو۔ جو اوہ اپنے فضل تے کرم
نال ایس بچے نوں اوہ نعمت بخشے جو اوس نوں سُبھاؤ کھنوں کسے طرح
نہیں سی بل سکدی۔ تاں جو اوہ پانی تے رُوح القدس دا بپتسمہ پا کے
سبح دی پاک کلیسیا وِچ شامل ہووے تے اوہ دازندہ انگ بن جائے۔

جماعت کھڑی رہوے تے پریسٹ اُکھے۔ ایس دُعا منگے

اے قادرِ مطلق تے اُزلی خدا۔ تُوں سارے عاجزاں تے محتاجاں تے
ڈُگے ڈھمٹھیاں دا مددگار تے ایمانداراں دی زندگی تے مُردیاں دی قیامت
ہیں۔ اسیں ایس بچے نوں تیرے سامنے حاضر کروے ہاں تے دُعا منگے
ہاں۔ پئی اوہ جو ہُن تیرے پاک بپتسمہ لئی آیا ہے۔ نوں جہنم دے
وسیلے اپنے گناہاں دی مُعافی پاوے۔ اے خداوند تُوں ایس
نوں قبول کرتے اپنا اوہ وعدہ پورا کر جو تُوں اپنے پیارے بیٹے دے
وسیلے کیتا ہے۔ پئی منگوتاں تہانوں ملے گا۔ ڈھونڈوتاں پاؤ گے کھڑکاؤ
تاں تہاڈے لئی کھولیا جائے گا۔ اسیں جو ہُن منگدے ہاں۔ سانوں
دے۔ اسیں جو ڈھونڈدے ہاں سانوں لُجھ پوے۔ تے اسیں جو ہُن
کھڑکاؤندے ہاں ساڈے لئی دروازہ کھول دے۔ تاں جو ایہہ بچہ تیرے
آسمانی غسل دی سدا دی برکت پا کے اوس سدا دی بادشاہی وِچ
اُپرے جہاد وعدہ تُوں ساڈے خداوند یسوع مسیح دے وسیلے کیتا ہے
آمین ۞

پریسٹ ایہہ اُکھے

انجیل دیاں آیتاں سُنو۔ جو مقدس مرقس دی انجیل دے دسویں باب
دی تیرہویں آیت کھنوں شروع ہندیاں ہین ۞

لوک۔ اے خداوند تیری دُڈیاٹی ہووے ۛ

تے لوک نیکے بچیاں نوں مسیح دے کول لیاے۔ پئی اوہ اوہناں نوں
چھوئے۔ پر شاگرداں اوہناں نوں چھڑ کیا۔ یسوع ایہہ دیکھ کے ناراض
ہوئیا۔ تے اوہناں نوں آکھیا۔ نیکے بچیاں نوں میرے کول آؤن دیو۔
اوہناں نوں نہ روکو۔ کیونجو خدا دی بادشاہی ایہو جیہاں دی ہے پس
تہاں سچ آکھدا ہاں پئی جو کوئی خدا دی بادشاہی نوں نیکے بچے وانکوں
نہ مئے اوہ اوہدے اندر کدی نہیں جائے گا۔ تے اوس اوہناں نوں کچھڑ
چکھیا تے اوہناں اُتے ہتھ رکھ کے اوہناں نوں برکت دتی ۛ

لوک اے خداوند تیری ایس مقدس انجیل دے لئی تیرا شکر ہووے ۛ

ہن پرلیٹ ایہہ نصیحت سناوے

پیارے۔ تساں سنیا ہے۔ جو ساڈے بچاؤن والے مسیح نے حکم دتا ہے۔
جو بچیاں نوں میرے کول لیاؤ۔ تے اوس نے اوہناں نوں اپنے کچھڑ چکھیا تے
برکت دتی۔ یسوع مسیح کل تے آج تے سدا تیکر اکو جیہا ہی ہے۔ سوہن تسیں
شک نہ کرو سگوں یقین کرو پئی اوہ ایس بچے نوں پیار کردا ہے تے اوس
نوں ایہہ گل پسند آئی ہے۔ پئی ایس ایس بچے نوں پاک بپتسمہ دوان لئی
لیاے ہاں۔ اوہ ایس بچے نوں مہربانی نال قبول کر کے تے اپنی رحمت دی
گودی وچ لے کے اوہنوں سدا دی زندگی دی برکت دے گا۔ سو جد
سانوں ایس گل دا یقین ہے پئی ساڈا آسمانی باپ اپنے بیٹے یسوع مسیح
دے کلام موجب ایس بچے دا بھلا چاہندا ہے تاں آؤ ایس ایمان داری تے
عاجزی نال اوہدا ایس طرح شکر کریئے ۛ

پرلیٹ تے جماعت اکٹھے آکھن۔

اے قادر مطلق تے ازلی خدا آسمانی باپ اسیس عاجزی نال تیرا شکر
 کر دے ہاں پئی۔ توں اپنے کرم نال سانوں ایس واسطے بلایا ہے۔ پئی
 اسیس تیرے فضل توں پچھائیئے تے تیرے اتے ایمان لے آئیے۔ سادی
 ایس پچھان توں ودھا۔ تے سانوں ایس ایمان اتے سدا قائم رکھ ایس
 نیچے توں اپنا روح القدس بخش تاں جو اوہ توں جنم پا کے سدا دی نجات
 دا وارث بن جائے۔ ساڈے خداوند یسوع مسیح دے وسیلے جو تیرے
 تے روح القدس دے نال ہن تے سدا تیکر جیوندا تے راج کر دا ہے۔
 آمین ۔

ہن پریسٹ دھرم ہاں پوئوئوں ابھراکھے

پیارے یو۔ تیس ایس نیچے توں بپتسمہ دواؤن واسطے ایستھے بیائے ہو
 تے تساں دعا منگی ہے پئی ساڈا خداوند یسوع مسیح مہر نال اوس توں قبول
 کرے تے اوہنوں پاک کرے تے جو چیزاں تساں منگیاں ہن۔ اہناں
 سبھناں دے دین دا ساڈے خداوند یسوع مسیح نے اپنی انجیل وچ وعدہ
 دی کیتا ہے۔ اوہ تاں اپنے ایس وعدے توں ضرور یاد رکھے گا۔ تے پورا
 کرے گا۔ پر تہاڈا دی ایہہ فرض ہے پئی ایس نیچے وٹوں تیناں گلاں دا
 سچا وعدہ کرو۔ پہلی۔ ایہہ پئی اوہ شیطان تے اوس دے ساریاں کماں
 نوں چھڑے گا۔ دوجی۔ ایہہ پئی اوہ خدا دے پاک کلام اتے پکا ایمان
 رکھے گا۔ تے تہی۔ ایہہ پئی اوہ خدا دے حکماں اتے فرماں برداری نال
 عمل کرے گا۔

سوہن میں چھرا ہاں

کیہ توں ایس نیچے وٹوں شیطان تے اوس دیاں ساریاں کماں نوں

چھڑ دیندا ہیں ؟

جواب - میں چھڑ دیندا ہاں ۔

سوال - کیہ توں دُنیا دی نکستی دُصوم دُصام تے اوہرا سارا لالچ چھڑ دیندا ہیں ؟

جواب - میں چھڑ دیندا ہاں ۔

سوال - کیہ توں جسم دیاں بُریاں خواہشیاں توں چھڑ دیندا ہیں - جو نہ توں

اوہناں دا پچھا کریں گاتے نہ اوہناں دے قابو وِچ رہیں گا ؟

جواب - میں چھڑ دیندا ہاں ۔

سوال - کیہ توں ایس پتھے وِٹوں مسیحی ایمان دا اقرار کردا ہیں ؟

جواب - ہاں - میں اقرار کردا ہاں ۔

تدپریسٹ تے دھرم ماں باپ رسولاں دا عقیدہ پڑھن -

میں مندا ہاں خدا باپ توں چھدی قدرت بے انت ہے - جس آسمان

تے زمین توں بنایا ۔

نالے میں مندا ہاں ادس دے اکلوتے بیٹے ساڈے خدا وند یسوع

مسیح توں جیڑا روح القدس دی قدرت نال گربھ وِچ پیا - کنواری مریم تھول

جما - اوہنے پنطیس پلاطوس دی حکومت وِچ دُکھ سہیا - اوہ صلیب تے تار گیا -

مر گیا - تے دفنایا گیا - رُوحاں دے جہان توں چلیا گیا - تیجے دہارے

مُردیاں وِچوں جی اُٹھیا - آسمان اُتے چڑھ گیا تے خدا باپ قادرِ مطلق دے

پتھے پہنچا ہویا ہے - تے اوہنوں اوہ جیوندیاں تے مویاں دا لیکھائیں پھیراویگا ۔

ہو رہیں مندا ہاں روح القدس توں پاک کُتھلک کلیسیا نوں - پاک لوکاں دی ست

سنگت - گناہاں دی معافی - دیہہ دے جی اٹھن - تے سدا دی زندگی نوں - آمین ۔

سوال - کیہ توں ایس پتھے وِٹوں وعدہ کردا ہیں پئی توں خدا دی پاک مرضی تے حکماں

توں تابعداری نال مٹیں گا؟ جواب - ہاں خدا دی مدد نال میں اجیہا ہی کرانگا۔

سوال - کیہ توں ایس بچے دتوں بپتسمہ چاہندا ہیں؟

جواب - ہاں میری ایہو خواہش ہے۔

سوال - تساں ایہ وعدے ایس بچے دتوں تاں کیتے نے کیہ تئیں اپنے

دتوں ایہ چیتا رکھو گے۔ پی ایہ بچہ عقیدہ - دُعائے ربانی - دس
حکم تے ہو ر ساریاں نکلاں سکھیاں گا۔ جیہڑیاں اک مسیحی توں اپنی رُوح
دی صحت لئی جانیاں چاہیدیاں نے؟

جواب - ہاں خدا دی مدد نال میں اجیہا ہی کراں گا۔

سوال - کیہ تئیں دیکھو گے۔ پی ایہ بچہ جدا دہنوں کافی سکھیاں مل جائے۔

تدستقیم ہون لئی بپتسمہ صاحب دے آگے حاضر کیتا جائے؟

جواب - خدا میری مدد کرے تاں میں اجیہا ہی کراں گا۔

تدپرلیٹ ایہ آکھے

اے رجم خدا ایہ بخش دے پی پُرانا آدم ایس بچے وچ اجیہا دتیا جائے

جواہر دے کھال نواں آدمی جی اٹھے۔ آمین۔

ایہ بخش دے۔ پی جسم دیاں ساریاں بُریاں خواہشاں ایہدے وچ

مرجان تے جتیاں چیزاں رُوح نال واسطہ رکھدیاں ہین اوہ سب ایہدے

وچ جیون تے دودھ دیاں جان - آمین۔

ایہ بخش دے پی ایہنوں اجیہا زور تے طاقت ملے۔ جو شیطان تے

دنیا تے جسم دیاں بُریاں خواہشاں اُتے فتح پاوے۔ آمین۔

ایہ بخش دے پی جس کسے توں اسیں اپنے عہدے تے خدمت دی

حیثیت نال تیری نذر کر دے ہاں۔ اوہ آسمانی نیکیاں نال رنج جائے۔ تے سدا

دا ابرہہ پاوے۔ اے مبارک خداوند خدا جو سدا چوند اے تے ساریاں چیزاں اُتے
حکومت کردا ہیں۔ ایہ تیرے ہی رحم نال ہووے۔ آمین ۛ

پانی نوں پاک کرنا

پیر لیسٹ آکھے

پیر لیسٹ۔ خداوند تہاڈے نال ہووے ۛ
جواب۔ تیری رُوح دے نال وی ہووے ۛ
پیر لیسٹ۔ اپنے دِلاں نوں اتّاں چُکو ۛ
جواب۔ اسیں اپنے دِلاں نوں خداوند ول چُکدے ہاں ۛ
پیر لیسٹ۔ اسیں اپنے خداوند خدا دا شکر کریئے ۛ
جواب۔ ایہ کرنا واجب تے مناسب ہے ۛ

پیر لیسٹ۔ ایہ نہایت واجب تے مناسب تے ساڈے اُتے فرض وی
ہے۔ پئی اسیں تیرا شکر کریئے۔ اے خداوند مقدس باپ قادرِ مطلق تے
سدا دے خدا۔ کیوں جو تیرے پیارے بیٹے یسوع مسیح نے ساڈے
گناہاں دی مُعافی دے لئی اپنی مبارک پسلی وچوں پانی تے لہو دوہیں
وہائے تے اپنے شاگرداں نوں حکم دِتا۔ پئی جا کے ساریاں قومانٹاں
شاگرد بناڈ تے اوہناں نوں باپ تے بیٹے تے رُوح القدس دے
نال اُتے بپتسمہ دیو۔ اسیں منت کردے ہاں پئی تُوں اپنی ایس جماعت
دیاں عرصاں ول دھیان کر۔ تے رُوحانی طرح نال گناہاں دے دھو
لئی ایس پانی نوں پاک کر۔ تے بخش پئی ایہ بچہ جو ہُن ایس وچ بپتسمہ
پاؤن والا ہے۔ تیرے فضل نال بھر جائے تے سدا تیرے ایماندار تے

پُچھے ہوئے فرزندِ انِ وِچ گُنیا جائے۔ ساڈے خداوندِ یسوع مسیح دے وسیلے
جھدی تیرے تے رُوح القدس دے نال تمامِ عزت تے وڈیائی ہُن تے سدا
تیکر ہندی رہوے۔ آمین ۞

پیرسٹ

ہُن پیرسٹ پچھے نوں اپنے ہتھاں وِچ لے کے دھرم ماں باپ
کولوں اوس داناں پچھے۔ تے پیرسٹ پچھے داناں لے کے اوس
نون غوطہ دیوے یا اوہے سر اُتے پانی پائے تے ایہہ آکھے :-

فلانیا۔ میں تینوں باپ تے بیٹے تے رُوح القدس دے ناں اُتے پتسمہ
دیندا ہاں۔ آمین ۞

پھیر پیرسٹ ایہہ آکھے

اسیں ایس پچھے نوں مسیح دے گتے وِچ شامل کر دے ہاں۔ تے اوس
دے متھے اُتے صلیب دا نشان بناؤ دے ایس جگہ پیرسٹ پچھے دے
ہاں۔ تاں جو اگے نوں ایہہ مسیح مصلوب دے متھے اُتے صلیب دی شکل بناوے
اُتے ایمان رکھن دے اقرار حقوں نہ شراوے تے اوس دے جھنڈے
ہلیٹھاں گناہ تے دُنیا تے شیطان نال بہادر ہو کے لڑے۔ تے مُردے دم
توڑی مسیح دا وفادار سپاہی تے ٹہلایا بنیاد رہوے۔ آمین ۞

شکر گزاری

پھیر پیرسٹ آکھے

پیارے بھراؤ۔ ایس لی جو ایس پچھے نے نوں جنم پایا ہے تے مسیح

دی کلیسیا وچ رلایا گیا ہے۔ اسیں اِسناں نعمتاں دے لئی خُدا قادر مُطلق دا
شُکر کریئے تے اک دل ہو کے اوس سقوں دُعا منگیئے۔ پئی ایہہ بچہ اپنی ساری
عمر ایں طرح کٹے جس طرح ہُن ایں دا شروع ہوئیا ہے ۔

سارے لوک کھلو کے ایہہ اکھن :-

اے ساڈے باپ جو آسمان اُتے ہیں۔ تیرا ناں پاک منیا جاوے۔
تیرا راج آوے۔ تیری مرضی جس طرح آسمان اُتے پوری ہُندی ہے تہیں
اُتے وی ہووے۔ ساڈی روز دی روٹی آج سانوں دے تے ساڈیاں قصوراں نوں
بخشدے۔ جس طرح اسیں اپنے قصور داراں نوں بخش دیندے ہاں۔ تے سانوں
آزمائش وچ نہ پائسگوں بریاتی تھوں بچا۔ کیونجو راج تے قُدرت تے وڈیائی سدا تیری
ہی ہے۔ آمین ۔

پھیر پریسٹ آکھے

اے رحیم باپ اسیں تیرا دلوں شُکر کردے ہاں جو تُوں ہر کر کے ایں
بچے نوں اپنے رُوح القدس نال نواں جنم دے کے اپنالے پاک بیٹا ۔
تے اپنی کلیسیا دے بدن دا انگ بنایا ہے۔ آمین ۔
اے خُدا ایہہ بخش دے جو ایہہ بچہ جو بیتسمہ دے وسیلے تیرے بیٹے
دی موت وچ شریک ہو یا ہے۔ اوہ دے جی اٹھن وچ دی شریک ہو جاوے
تاں جو ایں جہان وچ نویں زندگی نال تیری سیوا کرے تے اوڑک نوں تیری
پاک کلیسیا دے باقی لوکاں دے نال تیری سدا دی بادشاہی دا وارث ہو
جائے۔ ساڈے خُداوند یسوع مسیح دے وسیلے۔ آمین ۔

پھیر خاندان دے لئی ایہہ دُعا کیتی جائے

اے قادر مُطلق خُدا ساڈے آسمانی باپ۔ تیرے مُبارک بیٹے نے
ناصرت دے اک گھرانے وچ پرورش پائی سی۔ اسیں تیری مِنت کردے ہاں

پئی ایس پتھے دے گھرانے اُتے اپنی برکت پاتے اوہناں سبھناں نوں جنہاں
دے ہتھناں وچ ایس دی پرورش ہے عقل تے دانائی بخش تاں جو ایہہ
پتھر تیرے خوف تے محبت وچ ودھدا جائے۔ اوہ تیرے بیٹے ساڈے
خداوند یسوع مسیح دے وسیلے۔ آمین۔

دھرم ماں باپ دے فرض

پھیر ریٹ ماں باپ تے دھرم ماں باپ نوں ایہہ نصیحت کرے۔

تسیں جو ایس پتھے نوں مسیح دی کلیسیا وچ رلاں لئی بیہوشہ دو ان نوں
ایہتھے لیاے ہو۔ ایس گل دا خیال رکھو۔ پئی ایہہ عقیدہ۔ تے دُعائے ربانی
تے دس محکم زبانی یاد کرے تے ایہہ ساریاں گلاں جو اک مسیحی نوں اپنی
روحانی صحت دے لئی جانتیاں تے منیاں چاہیدیاں ہن اپنی بولی وچ
زبانی یاد کرے تے تسیں ایس گل دا وی خیال رکھو۔ پئی ایہہ جیسی تربیت
پاتے جو خدا پرستی دے راہ اُتے چلتے تے مسیحی چال چلن رکھے۔ یاد رکھو پئی
ایہہ مستقیم ہون لئی بشپ صاحب دے آگے حاضر کیتا جائے تاں جو روح
القدس دی بخشش تھوں طاقت حاصل کرے۔ تے تیاری دے بعد
مسیح دے بدن تے لہو وچ شریک ہون لئی آیا کرے تے ایس دُنیا وچ
کلیسیا دی شراکت وچ قائم رہ کے خدا دی خدمت و فاداری نال کرے۔
تسیں ایہہ گل سدا یاد رکھو پئی بیہوشہ ساڈے مسیحی اقرار د نشان ہے
تے اوہ اقرار ایہہ ہے۔ پئی اسیں اپنے نجات دین والے مسیح دے نمونے
اُتے چلاں گے تے اوس دے ورگے بناں گے۔ جس طرح اوہ ساڈے
لئی مر گیا تے پھیر جی اٹھیا اوہ سے طرح چاہیدا ہے۔ پئی اسیں وی جنہاں نوں

بیتسمہ ملیا ہے۔ گناہ و تلوں مر جانیئے تے نیکی لئی جی اُٹھئے تے اپنی سب فی
 خراب خواہشاں ہر ویلے مار دے رہیئے تے روز دیاڑے ہر طرح دی صفائی
 تے نیک چلنی تے خدا پرستی ورج ترقی کر دے جانیئے +

جے بیتسمہ دی رسم صبح یا شام دی نماز ورج ادا نہ کیتی گئی ہووے
 تاں پریسٹ جماعت نوں ایہہ برکت دے کے رخصت کرے۔

خداوند تہا نوں برکت دے تے تہاڈی رکھوالی کرے خداوند اپنا
 چہرہ تہاڈے اُتے چمکائے تے تہاڈے اُتے فضل کرے۔ خداوند تہاڈے
 دل نگاہ کرے تے تہاڈوں اطمینان بخشے۔ ہن تے سدا تیکر۔ آمین +

بالغاں دے بیتسمہ دی ترتیب

جد بالغاں نوں بیتسمہ دینا ہووے۔ تہ چاہیدا ہے پئی ماں باپ یا کوئی
 ہور معتبر شخص گھٹ گھٹ اک ہفتہ پہلاں پشپ صاحب نوں یا
 کیسے ہور شخص نوں جیڑا اوہدے دلوں ایس کم اُتے مقرر ہو یا ہووے۔
 خبر دے۔ تاں جو اوہناں دا امتحان کیتا جاسکے۔ پئی اوہناں نوں جنگی طرح
 مسیحی دین دے مسئلے سکھائے گئے ہین یا نہیں۔ نالے اوہناں نوں نصیحت
 کیتی جادے۔ پئی دُعا تے روزے نال ایس پاک ساکرا منٹ نوں لین لئی
 اپنے آپ نوں تیار کرن +

جے اوہ بیتسمہ پاؤن دے لائق نکلن تاں اوہناں وچوں ہر شخص تن یا
 گھٹ گھٹ دو گواہ چُنے جو اوہنوں بیتسمہ دے لئی پیش کرن۔ ایہہ
 رسم کیسے مقررہ آوار یا کیسے ہو یا پاک دین نوں جد جماعت اکٹھی ہووے

پریسٹ دی صلاح موجب بھاؤں مسیح بھاؤں شام دی نماز دے دوجے
 ورد دے مگروں عمل دوج آدے +
 حوض دے کول کھلو کے پریسٹ پیچھے۔ پئی اینہاں دچوں کے نوں پتسمہ
 ملیا ہے یا نہیں؟ جے اوہ جواب دین پئی نہیں۔

تاں پریسٹ آکھے

پیارے۔ سب آدمی پیدائش تھوں ہی گناہ کرن ول رغبت رکھدے ہین
 تے ساڈا نجات دین والا مسیح فرماتا ہے۔ پئی جو آدمی پانی تے رُوح القدس
 دے دیلے نوں جنم نہ پاوے۔ اوہ خدا دی بادشاہی دے اندر نہیں جاسکدا
 ایس لئی میں تہاڈے آگے عرض کردا ہاں پئی ساڈے خداوند یسوع مسیح دے
 وسیلے خدا باپ دے کولوں ایہ دعا کرو۔ جو اوہ اپنے فضل تے کرم نال اینہا
 شخصیاں نوں اوہ دولت بخشے۔ جو اوہناں نوں سبھاؤ تھوں کسے طرح نہیں
 مل سکدی۔ تاں جو اوہ پانی تے رُوح القدس دا بپتسمہ پاک کے مسیح دی پاک کلیسیا
 دوج شامل ہوؤن۔ تے اوہ بے جہنم دے انگ بن جاؤن۔

جماعت کھلوتی رہوے تے پریسٹ آکھے

اسیں دُعا منگئے

اے قادر مطلق تے ازلی خدا تیرے پیارے بیٹے یسوع مسیح نے دریائے
 یردن دوج بپتسمہ پایا تے ایس طرح توں پانی نوں روحانی طرح نال گناہاں
 دے دھو ن لئی پاک ٹھہرایا ہے۔ اسیں تیری منت کردے ہاں۔ پئی اپنی
 بے حد رحمت نال اپنے اینہاں بندیاں اُتے ہر دی نظر کر۔ اینہاں نوں رُوح
 القدس نال دھو۔ تے پاک کر۔ تاں جو اوہ تیرے غضب تھوں چھٹ کے مسیح دی
 کلیسیا دی بیڑی دوج داخل ہو جاؤن۔ تے ایمان دوج قائم تے امید دوج خوش

ہو کے تے فُجَت وِج جُڑ پھڑ کے ایس وکھ بھری دُنیا دے سَہ پُوفان دیاں پٹھاٹھاں
 تھوں آئیوں بار لنگھ جافن ہوا دُرک تُوں سدا دی زندگی دے ویس وِج
 اُپر کے تیرے نال ابد تیکر راج کر دے کہیں۔ ساڈے خُداوند یسوع مسیح دے
 وسیلے نال۔ آمین ۔

یا ایہہ

اے قادر مطلق تے اُڑی خُدا تُوں ساریاں عاجزاں تے مُتھا جاناں تے
 ڈُگیاں ڈھٹھیاں داندگار۔ تے ایمانداراں دی زندگی تے مُردیاں
 دی قیامت یں۔ اسیں ایہناں شخصیاں تُوں تیرے حضور حاضر کر دے
 تے دُعا منگدے ہاں۔ پئی اوہ جو ہُن تیرے پاک بپتسمہ لئی آئے ہین۔ تُوں
 جہنم دے وسیلے اپنے گناہاں دی معافی پاوَن۔ اے خُداوند تُوں ایہناں تُوں
 قبول کر۔ تے اپنا اوہ وعدہ پورا کر جو تُوں اپنے پیارے بیٹے دے وسیلے
 کیتا ہے۔ پئی منگو۔ تاں تہا تُوں بلے گا۔ ڈھونڈو تاں پاؤ گے۔ کھڑکاؤ۔
 تاں تہا ڈے لئی کھولیا جاوے گا۔ ہُن اسیں منگدے ہاں۔ سانوں دے
 اسیں ڈھونڈ دے ہاں۔ سانوں لیمہ پوے۔ تے اسیں کھڑکاؤ دے ہاں۔
 ساڈے لئی دروازہ کھول دے۔ تاں جو ایہہ شخص گناہ تھوں صاف ہوئے
 تے تیری آسمانی برکت پاکے اوس سدا دی بادشاہی وِچ پہنچن چہدا وعدہ
 تُوں ساڈے خُداوند یسوع مسیح دے وسیلے کیتا ہے۔ آمین ۔

تے پریسٹ ایہہ آکھے

انجیل شریف دیاں آیتاں سُنو۔ جو مقدس یوحنا دی انجیل دے تہے
 باب دی پہلی آیت تھوں شروع ہندیاں ہین ۔
 لوک۔ اے خُداوند تیری وڈیائی ہووے ۔

فریساں وچوں اک آدمی نیکد مئیں کر کے یہودیوں دا اک سردار سی۔
 اوہ رات دے ویلے یسوع کول آیا تے اوہنوں آکھیا۔ اے ربی اسیں
 جاندے ہاں پئی توں خُدا دُلوں اُستاد ہو کے آیا ہیں۔ کیونجواہیہ معجزے
 جیہڑے توں کرتا ہیں۔ کوئی نہیں کر سکا جے خُدا اوہدے نال نہ ہووے
 یسوع اوہنوں جواب دتا۔ میں تینوں سچ سچ آکھنا ہاں۔ کوئی آدمی جے
 نوں سرلیوں نہ تجھے۔ اوہ خُدا دی بادشاہی توں ویکھ نہیں سکدا۔ نیکد مئیں
 اوہنوں آکھیا۔ آدمی جب بڈھا ہو گیا۔ تاں اوہ کیکر جم سکدا ہے، کوئی اپنی
 ماں دے پیٹ وچ دُوجی وار جاسکدا تے جم سکدا ہے، یسوع جواب
 دتا۔ میں تینوں سچ سچ آکھنا ہاں۔ جے کوئی پانی تے رُوح حقوں نہ تجھے
 اوہ خُدا دی بادشاہی دے اندر نہیں جاسکدا۔ جیہڑا جسم حقوں جیہا ہے
 اوہ جسم ہے تے جیہڑا رُوح حقوں جیہا ہے اوہ رُوح ہے۔ تعجب نہ کر
 پئی میں تینوں آکھیا۔ پئی تہاں نوں نوں سرلیوں جمن ضرور ہے۔ ہوا چدھر
 نوں چاہندی ہے وگدی ہے۔ تے توں اوہدی آواز سُندا ہس پر نہیں
 جاندا۔ پئی اوہ کتھوں آؤندی تے کدھر نوں جاندی ہے۔ جیہڑا کوئی رُوح
 حقوں جیہا ہے اوہ ایہ جیہا ئی ہے۔

جواب۔ اے خُداوند۔ تیری ایس مقدس انجیل دے نئی تیرا شکر ہووے۔

[اہدے گروں ایہ نصیحت سُنائی جاوے]

پیارے لو۔ تہاں انجیل شریف دیاں اینہاں گلاں وچ ساڈے نجات
 دین والے مسیح دا کلام سُنیا ہے۔ پئی جدتیکر آدمی پانی تے رُوح حقوں پیدا
 نہ ہووے اوہ خُدا دی بادشاہی دے اندر جہا نہیں سکدا۔ ایس حقوں تئیں سمجھ
 سکدے ہو۔ پئی جیویں ہو سکے ایس ساکرا منٹ توں لینا کیڈا ضروری ہے۔

ایسے طرح مقدس مرقس دی انجیل دے آخری باب وچ لکھیا ہے۔
 پئی آسمان اُتے چڑھ جان دے ویلے مسیح نے اپنے شاگرداں نوں ایہ حکم
 دتا۔ پئی تئیں ساری دُنیا وچ جا کے ساری خلقت دے آگے انجیل دی
 مُنادی کرو۔ جیہڑا ایمان لیاؤندا تے بپتسمہ پاؤندا ہے سوئی نجات پائے گا۔
 جیہڑا ایمان نہیں لیاؤندا اوہ مجرم ٹھیرایا جاوے گا۔ ایس تھوں ظاہر ہے۔ پئی
 بپتسمہ تھوں سانوں کیڈا دُٹا فائدہ ہندا ہے۔

تے ایس نئی جد مقدس پطرس رسول نے پہلی واری انجیل دی مُنادی
 کیتی جس نال بہتیاں دے دل چھد گئے۔ تے اوہ پطرس تھوں تے باقی
 شاگرداں تھوں پچھن لگے۔ پئی بھراؤ آسیں کیہ کریئے۔ تداوس نے جواب دے
 کے اوہناں نوں آکھیا۔ پئی توبہ کرو تے تہاڈے وچوں ہر اک اپنے گناہاں
 دی معافی پاؤن لئی بپتسمہ لے۔ ناں تہاںوں رُوح القدس انعام وِج ملیگا۔
 کیونجہ ایہ وعدہ تہاڈے نال تے تہاڈی اولاد نال ہے۔ تے اوہناں سمجھناں
 نال دی جیہڑے دُور نے جہناں نوں خداوند ساڈا خدا اپنے کول سُدیگا۔
 سو تئیں شک نہ کرو۔ سگوں سچے دل نال یقین کرو۔ پئی خدا اینہاں
 بندیاں نوں جیہڑے حاضر ہن تے سچی توبہ کر دے ہن تے پکے ایمان نال
 اوہدے کول آؤندے ہن۔ خوشی نال قبول کرے گا تے اوہناں دے گناہ
 بخشے گا۔ اوہناں نوں رُوح القدس تے سدا دی زندگی دی برکت دیوے گا۔
 تے اپنی سدا دی بادشاہی وِج شریک کریگا۔

جد ساؤں ایس گل دا یقین ہے۔ پئی ساڈا آسمانی باپ اپنے بیٹے
 یسوع مسیح دے کلام موجب اینہاں شخصیاں دا بھلا چاہندا ہے۔ ایس
 ایمان داری تے عاجزی نال اوہدا شکر کریئے تے آکھئے۔

پرلیٹ تے جماعت دونوں اکھن :-

اے قادرِ مطلق تے ازلی خدا اُسمانی باپ اسیں عاجزی نال تیرا شکر کر دے
ہاں کیوں جو تُوں اپنے کرم نال سانوں ایس واسطے بلایا ہے پئی اسیں تیرے
فضل نوں سچھانے تے تیرے اُتے ایمان لے آئیے۔ ساڈی ایس پچھان نوں
دوہا تے سانوں ایس ایمان اُتے سدا قائم رکھ۔ ایہناں شخصیاں نوں اپنا
رُوح القدس بخش۔ تاں جو ادھ نوں جنم پاک کے سدا دی نجات دے وارث بن
جان۔ ساڈے خداوند یسوع مسیح دے وسیلے جو تیرے تے رُوح القدس دے
نال ہن تے سدا تیکر جیوندا تے راج کر دا ہے۔ آمین :-

وعدے

پرلیٹ ہن بتیسرے لیٹن والیاں نوں آؤں اکھتے

پیارے۔ تیسرے جو پاک بتیسرے لیٹن لئی ای تھے آئے ہو۔ تساں سُنیا ہے جو
ایس جماعت نے تہاڈے حق وچ دُعا کیتی ہے۔ پئی ساڈا خداوند یسوع مسیح
کرم نال تہاڈوں قبول کرے۔ تے برکت دے تے تہاڈے گناہاں تھو
تہاڈوں چھڈا کے آسمان دی بادشاہی تے ابدی زندگی بخشے۔ تساں ایہ دی
سُنیا ہے۔ جو ساڈا خداوند یسوع مسیح اپنے کلام وچ ایہناں ساریاں چیزاں دے
دین دا جیڑیاں آساں منگیاں ہن وعدہ کر دا ہے۔ ادھ تاں اپنے وعدے نوں
پوری کرے گا پر مسیح دے اچھے وعدے دے بعد تہاڈے واسطے ضروری
ہے پئی تیسویں اپنے ایہناں گواہاں دے سامنے تے ایس ساری جماعت
دے سامنے سچا وعدہ کر دے۔ پئی اسیں شیطان تے اوہدیاں ساریاں کٹاف
چھڈاں گے۔ خدا دے پاک کلام اُتے پکا ایمان رکھناں گے تے اوہدے
ٹھکاناں اُتے فرمانبرداری نال عمل کراں گے :-

پھر پریسٹ بتسمہ پان والیاں دچوں ہر اک مقول ایہ سوال پچھتے

سوال - کہیہ توں شیطان تے اوہدے سارے کماں نوں چھڈ دیندا ہیں؟

جواب - میں چھڈ دیندا ہاں۔

سوال - کہیہ توں دنیا دی نکیتی دمعوم دھام تے اوہدے سارے لاپچ نوں چھڈ

دیندا ہیں؟

جواب - میں چھڈ دیندا ہاں۔

سوال - کہیہ توں جسم دیاں بُریاں خواہشاں نوں چھڈ دیندا ہیں۔ جو توں نہ

اوہناں دا پچھا کریں گاتے نہ اوہناں دے قابو وچ رہیں گاہ؟

جواب - میں چھڈ دیندا ہاں۔

سوال - کہیہ توں مسیحی ایمان دا اقرار کردا ہیں؟

جواب - ہاں میں ایس ایمان دا اقرار کردا ہاں۔

پریسٹ تے بتسمہ پان والے تے گواہ سب رسواں دا عقیدہ پڑھن

میں متدا ہاں۔ خدا باب نوں جہدی قدرت بے انت ہے۔ چنے آسمان

تے زمین نوں بنایا۔

نلے میں متدا ہاں۔ اوس دے اکلوتے بیٹے ساڈے خداوند یسوع مسیح

نوں جیہڑا روح القدس دی قدرت نال گریہ وچ پیا۔ کنواری مریم توں جمیا۔

ادہنے پنطیس پلاطوس دی حکومت وچ دکھ سیما اوہ صلیب دتا گیا۔ مرگیا تے

دفنایا گیا۔ روحاں دے جہان نوں چلیا گیا۔ تہجے دھاڑے مردیاں وچوں جی اٹھیا

آسمان اُتے چڑھ گیا۔ تے خدا باب قادر مطلق دے سچے ہتھ دل بیٹھا ہوئیا ہے۔

تے اوہ مقول اوہ جیوندیاں تے مویاں دالیکھالین نوں پھر آوے گا۔

میں متدا ہاں۔ روح القدس نوں پاک کتھہڑا کلیسیا نوں پاک لوکاں دی ست

سُگتِ نوں گُناہاں دی معافی - دیہہ دے جی اُٹھن تے سدا دی زندگی نوں - آمین
سوال - کہہ توں ایس ایمان اُتے بپتسمہ چاہندا ہین؟

جواب - ہاں میری ایہو خواہش ہے۔

سوال - کہہ توں خُدا دی مرضی تے حکماں نوں تابعداری نال متین گاتے ساری
عمر اوہناں اُتے چلیں گکا؟

جواب - ہاں خُدا دی مدد نال میں اجیہا ہی کراں گا۔

پیرلیٹ آکھ

اے رحیم خُدا ایہہ بخش دے - پئی پُرانا آدم اینہاں شخصیاں وچ اجیہا دُکھا
جائے جو اوہدے تھان توں آدمی جی اُٹھے - آمین۔

ایہہ بخش دے پئی جسم دیاں ساریاں بُریاں خواہشاں اینہاں دے وچ
مرجان - تے جڈیاں چیزاں رُوح نال واسطہ دکھدیاں ہین اوہ سب اینہاں دے
وچ جیون تے دودھ دیاں جان - آمین۔

ایہہ بخش دے پئی اینہاں نوں اجیہا زور تے طاقت ملے جو اوہ شیطان
تے دُنیا تے جسم دیاں بُریاں خواہشاں اُتے فتح پاؤن - آمین۔

ایہہ بخش دے پئی اوہ جیہڑے ساڈے عمدے تے خدمت دی وجہ نال
ایتھے تیرے حضور تندرکتے جاندے ہین - آسمانی نیکیاں نال سچ جادون تے سدا
دا اجر پادون - اے مُبارک خُداوند خُدا جو سدا جیوندا تے ساریاں چیزاں اُتے
حکومت کراہیں ایہہ تیرے ہی رحم نال ہووے - آمین۔

پانی نوں پاک کرنا

پیرلیٹ - خُداوند تہاڈے نال ہووے۔

جواب - تیری رُوح دے نال دی ہووے ۔
 پرلیٹ - اپنے دلاں نوں اتناں چکو ۔
 جواب - اسیں اپنے دلاں نوں خداوند دل چکدے ہاں ۔
 پرلیٹ - اسیں اپنے خداوند خدا دا شکر کریئے ۔
 جواب - ایہ کرنا واجب تے مناسب ہے ۔

ایہ نہایت واجب تے مناسب تے ساڈے اُتے فرض دی ہے ۔ پی
 اسیں تیرا شکر کریئے ۔ اے خداوند - مقدس باپ قادر مطلق تے ازلی خدا کیونج
 تیرے بڑے پیارے بیٹے یسوع مسیح نے ساڈے گناہاں دی معافی دے لئی
 اپنی مبارک پسلی وچوں پانی تے لہو دیش دیا ۔ تے اپنے شاگرداں نوں
 حکم دیا پئی جاوے تے ساریاں توہاں نوں شاگرد بناؤ ۔ تے اوہناں نوں باپ
 تے بیٹے تے رُوح القدس دے نام اُتے بپتسمہ دیو ۔ اسیں مذت کر دے ہاں
 پئی توں اپنی ایس جماعت دیاں عرضاں دل دھیان کرتے رُوحانی طرح نال
 گناہاں دے دھوون لئی ایس پانی نوں پاک کرتے بخش ۔ پئی ایہ شخص جیڑے
 ہن ایس وچ بپتسمہ پاؤن والے ہن ۔ تیرے فضل نال بھر جاوے ۔ تے ہمیشہ
 تیرے ایماندار تے چنے ہوئے فرزنداں وچ گنے جان ۔ ساڈے خداوند یسوع
 مسیح دے وسیلے جمدی تیرے تے رُوح القدس دے نال ساری عزت تے
 وڈیائی ہن تے ہمیشہ ہندی رہے ۔ آمین ۔

بپتسمہ

تدپرلیٹ ہر اک بپتسمہ پاؤن والے دا سچا ہتھ پھر کے حوض دے کول جس طرح مناسب سمجھے موقع بسر تے
 آوے تا وہنگو اہاں فتوال مہد نام پچھتے تے ایہ کہہ کے اُہنوں پانی وچ غوطہ دیوے یا اوہدے سر تے پانی پاوے ۔

فلانیا۔ میں تینوں باپ تے بیٹے تے رُوح القدس دے ناں اُتے پتہ
دیندا ہاں۔ آمین۔

پھیر پریٹ ایہہ آکھے

اے ایس ایس شخص نوں مسیح دی کلیسیا وچ شامل کر دے ہاں تے اوس دے
ایس جگہ پریٹ اوہ دے متھے اُتے صلیب دا نشان بناؤندے ہاں۔
اُتے صلیب دی شکل بناوے تاں خواہہ اگے نوں مسیح مصلوب دے اُتے
ایمان رکھن دے اقرار مقبول نہ شرم اوے۔ تے اوہ دے جھنڈے پیٹھاں
گناہ تے دُنیا تے شیطان نال بہادر ہو کے لڑے۔ تے مردے دم توڑی
مسیح دا وفادار سپاہی بنے ٹھلایا بنیا نہ ہوے۔ آمین۔

شکر گزاری

پھیر پریٹ آکھے

پیارے بھائیو! ایس لئی جو ایہناں شخصیاں نے نواں جنم پایا ہے تے
مسیح دی کلیسیا دے بدن وچ رُل گئے ہین۔ ہُن ایس ایہناں نعمتاں لئی
قادر مطلق خدا دا شکر کریئے۔ تے اک دل ہو کے اوس تھوں دُعا مانگئے
پئی ایہہ شخص اپنی ساری زندگی ایس طرح کٹن۔ جس طرح ہُن اوہ دا شروع
ہویا ہے۔

پھیر سب کھلو کے دُعا تے ربانی پڑھن

اے ساڈے باپ جو آسمان اُتے ہیں تیرا ناں پاک مَنیا جاوے۔ تیرا
راج آوے۔ تیری مرضی جس طرح آسمان اُتے پوری ہندی ہے زمین اُتے
وی ہووے۔ ساڈی روز دی روٹی آج سانوں دے تے ساڈیاں قصوراں

توں بخش دے جس طرح اسیں اپنے قصور واراں توں بخش دیندے ہاں۔
تے ساووں آزمائش درج نہ پا سگوں بُریائی تھوں بچا۔ کیونجو راج تے
قدرت تے وڈیائی سدا تیری ہی ہے۔ آمین۔

پھیر پریسٹ آکھے

اے قادرِ مطلق تے ازلی خدا آسمانی باپ۔ اسیں عاجزی نال تیرا شکر
کردے ہاں۔ کیونجو توں کرم نال ساووں ایس واسطے بلایا ہے پئی اسیں تیرے
فضل توں پچھانے۔ تے تیرے اُتے ایمان لے آئے۔ ساڈی ایس پچھان
توں ودھاتے ساووں ایس ایمان اُتے سدا قائم رکھ۔ اہناں شخصیاں توں
اپنا روح القدس بخش۔ تاں جو اوہ جیڑے ہُن نوں میرے تھوں جتے ہُن تے
ساڈے خداوند یسوع مسیح دے وسیلے نال سدا دی نجات دے وارث
بن گئے ہُن۔ تیرے بندے بنے رہن تے تیرے وعدیاں توں حاصل کرن
اپنے بیٹے ساڈے خداوند یسوع مسیح دے وسیلے نال جیڑا تیری تے
روح القدس دی یکتائی وچ سدا تیکر جیوندا تے راج کردا ہے۔ آمین۔

یا ایہہ دعا منگی جائے

اے رحیم باپ۔ اسیں تیرا دلوں شکر کردے ہاں۔ جو توں مہر کر کے
ایس شخص توں روح القدس نال نواں جنم دے کے اپنالے پالک فرزند بنایا
تے اپنی پاک کلیسیا وچ دلایا ہے۔ اسیں عاجزی نال تیری منت کردے
ہاں ایہہ بخش دے پئی ایہہ شخص جو گناہ دے وٹوں مُردہ تے نیکی دے لئی
زندہ تے مسیح دی موت وچ شریک ہو کے اوس دے نال دفن ہو یا ہے۔
پُرانی انسانیت توں صلیب دیدے تے گناہ دے بدن توں بالکل نیست
کردے تے جس طرح اوہ تیرے بیٹے دی موت وچ شریک ہو یا ہے اوس

دے جی اٹھن داوی شریک ہو جادے تاں جو اوڑک نوں تیری پاک کلیسیا
دے باقی لوکاں دے نال تیری سدا دی بادشاہی وچ شریک ہو جائے۔
ساڈے خداوند مسیح دے وسیلے آمین ۛ

گواہاں دے تے اوہناں دے فرض جنہاں نوں بپتسمہ ملیا ہے

پریسٹ ایہ نصیحت پڑھے۔ پہلے گواہاں ول منہ کر کے ایہ آکھے

ایہناں شخصناں نے تہاڈے سامنے ایہ وعدہ کیتا ہے۔ پئی آسیں شیطان
تے اوہدے سارے کماں نوں چھڑاں گے تے خدا اُتے ایمان رکھاں گے
تے اوہدی سیوا کراں گے۔ سو تہا نوں وی یاد رکھنا چاہیدا ہے۔ پئی تہاڈا
ایہ ذمہ تے فرض ہے۔ پئی ایہناں نوں چیتا دوا یا کرو۔ پئی ایہناں نے ہُن
ایس جماعت دے سامنے تے خواہکر تہاڈے سامنے جیڑے ایہناں دے
چُنے ہوئے گواہ ہو کیدا وڈا وعدہ تے اقرار کیتا ہے۔ تے تہا نوں ایہ وی چاہیدا
ہے جو تہاں ایہناں نوں سمجھایا کرو۔ پئی بڑے جتن نال ول لا کے خدا دے
پاک کلام دی صحیح تعلیم سکھن۔ تانجو اوہ خداوند یسوع مسیح دے فضل تے
پچھان وچ دودھ دے جان تے ایس جہان وچ خدا پرستی تے راستبازی
تے پرہیزگاری نال زندگی کتن ۛ

پھیر اوہناں دل جنہاں نوں اوس دیلے بپتسمہ ملیا ہے منہ کر کے ایہ آکھے

تہاڈے اُتے دی جنہاں نے ہُن بپتسمہ کیتا ہے مسیح نوں پہن لیا ہے۔ ایہ
فرض ہے پئی چونکہ مسیح اُتے ایمان لیان نال تہاں خدا تے چاہن دے فرزند بن گئے۔

ہوئیں جیسا چال چلو جو مسیح دے مطابق ہو دے تے ایسی چان دے فرزندوں
 نوں چلنی چاہیدی ہے تے سدا یاد رکھو پئی بپتسمہ ساڈے اقرار د نشان ہے -
 تے اوہ اقرار ایہ ہے پئی اسیں اپنے نجات دین والے مسیح دے نوں اُتے
 چلاں گے تے اوہ دے دُر گے بناں گے جس طرح اوہ ساڈے لئی مر گیا تے پھر
 جی اٹھیا اوہ سے طرح چاہیدی ہے پئی اسیں وی جنہاں نوں بپتسمہ ملیا ہے - گناہ
 وُتوں مر جائیے تے نیکی لئی جی اٹھیے تے اپنی سب خراب تے گندیاں خواہشاں
 نوں ہر ویلے مار دے رہیے تے روز دہاڑے ہر طرح وی صفائی تے نیک چلنی
 تے خدا پرستی ورج ترقی کر دے جائیے ۔

جے بپتسمہ دی رسم صبح یا شام دی نماز ورج ادا نہ کیتی گئی
 ہووے تاں پریسٹ جماعت نوں ایہ برکت دیکے رخصت کرے

خداوند تہا نوں برکت دے تے تہاڈی رکھوالی کرے - خداوند اپنا نورانی
 چہرہ تہاڈے اُتے چمکائے تے تہاڈے اُتے فضل کرے - خداوند تہاڈے
 دل نگاہ کرے تے تہا نوں اطمینان بخشے - ہن تے سدا لئی - آمین ۔

مناسب ہے پئی جو کوئی ایس طرح بپتسمہ پائے اوہ بپتسمہ دے بعد جندوں چنگا موقع ملے
 ہشپ صاحب دے ہتھوں مستقیم کیتا جائے تاں جو پاک شراکت ورج شامل ہو سکے ۔
 جے کوئی ایسا شخص بپتسمہ پاؤن لئی حاضر کیتا جائے جس نے بچپن ورج بپتسمہ نہ پایا ہووے
 پر ایہ ایس قابل نہ ہووے جو آپ بالغ ہووے جو ایس دے سکے تاں اوہ لئی بچیاں دے بپتسمہ
 دی ترقیب استعمال کیتی جائے پر لفظ "بچے" دے کھان لفظ "لڑکا" یا "لڑکی" بھیجا موقع ہووے
 اکھیا جائے ۔ جے ایس گل ورج شک ہووے پئی کیسے بالغ شخص دے بپتسمہ ہو یا بچیاں نہیں
 پریسٹ اوہنوں ایس طرح بپتسمہ دے ۔

فلا نیا - جے توں اچھے تیکر بپتسمہ نہیں پایا تاں میں تینوں باپے بیٹے تے رُوح القدس
 دے نال اُتے بپتسمہ دیندا ہاں - آمین ۔

دینی سوال و جواب

پنڈال دیاں جماعتاں لئی

- ۱- سوال - مسیحی یا عیسائی کون ہے ؟
 جواب - مسیحی ادھ ہے جیہڑا خداوند یسوع مسیح اُتے ایمان لیا کے
 اوہنوں پیار کردا ہے تے اوہدے حکماں نوں مندا ہے ۔
- ۲- س - کٹری ریت نال بندہ مسیحی یا عیسائی ہو جاندا ہے ؟
 ج - بپتسمہ دی ریت نال ۔
- ۳- س - کن بپتسمہ دی ریت نوں مقرر کیتا ؟
 ج - خداوند یسوع مسیح نے جدا دہنے اپنے شاگرداں نوں ایہہ حکم دتا
 ۔ پئی تئیں جاؤ تے ساریاں قوماں نوں شاگرد بناؤ تے باپ ۔ بیٹے
 تے پاک رُوح دے نال ورتج اوہناں نوں بپتسمہ دیو !
- ۴- س - کون بپتسمہ دیندا ہے ؟
 ج - پریسٹ ۔
- ۵- س - پریسٹ بپتسمہ دین دے ویلے کیہہ کردا ہے ؟
 ج - ادھ اقراری دے میرا تے پانی پاؤندا یا اوہنوں غوطہ دیندا ہے ۔
 کیونجو پانی بپتسمہ دا ظاہری نشان ہے ۔
- ۶- س - پریسٹ اوس ویلے کیہہ کہندا ہے ؟
 ج - (ادھ ایہہ کہندا ہے ۔ پئی فلانیاں میں تینوں باپ ۔ بیٹے تے رُوح

پاک دے ناں وچ بیتسمہ دیندا ہاں ۔

۷۔ س۔ ہو رکیہ کردا ہے ؟

ج۔ اوہ اقراری دے مٹھے اُتے خُداوند یسوع دی صلیب دا نشان بناؤندا ہے تے کلیسیا دی برادری وچ شامل کر کے اوہدے واسطے دُعا دی کردا ہے ۔

۸۔ س۔ ایس صلیب دے نشان دا کیہ مطلب ہے ؟

ج۔ مطلب ایہہ ہے پئی ایہہ اقراری گناہ وکوں مر گیا ہے ۔ تے ہُن مسیح دا بندہ بن گیا ہے ۔

۹۔ س۔ بیتسمہ لین دے واسطے کیہ چاہیدا ہے ؟

ج۔ (۱) سچی توبہ ۔ (۲) جیوندا ایمان ۔

۱۰۔ س۔ سچی توبہ دا کیہ مطلب ہے ؟

ج۔ گناہ تے بدی نوں چھڈ دینا ۔

۱۱۔ س۔ جیوندا ایمان دا کیہ مطلب ہے ؟

ج۔ مطلب ایہہ ہے پئی یس مسیح دے اُتے دل نال بھروسہ رکھاں ۔

پئی اوہ میرا نجات دین والا ہے ۔ نالے اوہنوں پیار کراں تے اوہدے حکماں نوں منّاں ۔

۱۲۔ س۔ پاک بیتسمہ پاؤندے ویلے اقراری نوں کیہ کرنا چاہیدا ہے ؟

ج۔ ایہہ پئی جماعت دے اگے اوہ تنّاں گلاں دا اقرار کرے ۔

۱۳۔ س۔ پہلی گل کیہ ہے ؟

ج۔ پہلی گل ایہہ ہے ۔ پئی میں شیطان تے شیطان دیاں ساریاں گلاں نوں تے ایس خراب دُنیا دی دُصوم دھام تے واہیات گلاں نوں تے جسم

دیباں ساریاں پُریاں خواہشاں نول چھٹاں *

۱۴۔ س۔ دُجی گل کیہ ہے ؟

ج۔ دُجی گل ایہ ہے جو میں مسیحی دین دیاں ساریاں گلاں مٹاں *

۱۵۔ س۔ رتجی گل کیہ ہے ؟

ج۔ رتجی گل ایہ ہے جو میں خُدا دی پاک مرضی تے اوہ دے مُکمان نول

پُریاں گراں تے ساری عمر اوہناں دے اُتے چلاں *

۱۶۔ س۔ رتجی توہ کر کے جیوندا ایمان لیا کے بپتسمہ لین دا کیہ کیہ فائدہ ہندا ہے ؟

ج۔ ۱۔ اسیں مسیح دے انگ (۲) خُدا دے فرزند تے (۳) اسمان

دی بادشاہی دے وارث ہو جان دے ہاں *

۱۷۔ س۔ کیہ مسیح نے اکوہی ریت ٹھہرائی ؟

ج۔ نہیں۔ سگول دوہ *

۱۸۔ س۔ اوہ کیٹریاں مین ؟

ج۔ بپتسمہ تے عشاءے ربانی *

۱۹۔ س۔ اوہناں دوہاں دے وچ کیہ فرق ہے ؟

ج۔ بپتسمہ دے ویلے اسیں کلیسا دے وچ داخل ہو جان دے

ہاں۔ تے عشاءے ربانی دے ویلے زور تے تائزگی پا کے دینداری

وچ ترقی کر دے ہاں *

۲۰۔ س۔ مسیح نے کس ویلے عشاءے ربانی ٹھہرائی ؟

ج۔ جس رات اوہ چھڑایا گیا *

۲۱۔ س۔ کہناں لئی مسیح نے عشاءے ربانی ٹھہرائی ؟

ج۔ نرے اپنے شاگرداں لئی *

- ۲۲۔ س۔ جے کوئی جھوٹا یا نالائق عشاءِ ربّانی وِچ شامل ہووے تاں پھیرکے؟
ج۔ اوہنوں برکت دے بدلے لعنت ملدی ہے۔
- ۲۳۔ س۔ مسیح نے کس مطلب نال عشاءِ ربّانی مقرر کیتی؟
ج۔ اپنی موت دی یادگیری واسطے۔
- ۲۴۔ س۔ کیرے عشاءِ ربّانی نرمی یادگیری ہی ہے؟
ج۔ یادگیری تاں ہے۔ پر نالے برکت پاؤندا وسیلہ وی۔
- ۲۵۔ س۔ عشاءِ ربّانی وِچ اسیں کیرے لیندے ہاں؟
ج۔ تھوڑی بہی روٹی تے مے۔
- ۲۶۔ س۔ روٹی دے کیرے معنی ہِن؟
ج۔ مسیح دے بدن دا نشان ہے۔ جیڑا صلیب دے اُتے ساجے واسطے توڑیا گیا۔
- ۲۷۔ س۔ مے دے کیرے معنی ہِن؟
ج۔ مسیح دے لہودا نشان ہے۔ جیڑا اوہنے ساڈے بدلے وایا۔
- ۲۸۔ س۔ عشاءِ ربّانی وِچ ساٹوں ہووے کیرے ملدا ہے؟
ج۔ مسیح اپنے آپ ٹول ساڈے پیرد کر دیندا ہے۔ اوہ ساڈے دل دے وِچ وسدا ہے۔
- ۲۹۔ س۔ جے مسیح ساڈے دل وِچ آؤندا ہے۔ تاں کیرے نتیجہ ہندا ہے؟
ج۔ (۱) گناہاں دی مُعافی۔ (۲) دل دی صفائی۔ (۳) رُوحانی زور تے تازگی۔ (۴) سدا دی زندگی ملدی ہے۔
- ۳۰۔ س۔ ایہہ وڈیاں برکتاں کیرے ہر اک ٹول ملدیاں ہِن؟
ج۔ نہیں صرف اوہناں ٹول جیڑے ٹھیک طور نال اپنے آپ

نوٹ تیار کر لیندے ہیں :

۳۱۔ س۔ اسیں اپنے آپ نوٹ کس طرح تیار کریئے ؟

ج۔ اپنے آپ نوٹ پر کھٹے۔ جو پچھلے گناہاں سے توبہ یعنی توبہ کر دے

ہاں یا نہیں۔ نوٹیں چال اُتے چلن دا پرکار ادا رکھ دے ہاں یا نہیں

یسوع مسیح اُتے جو نوا ایمان رکھ دے ہاں یا نہیں۔ شک

گزار ہی نال اوہدی موت نوٹ یاد کر دے ہاں یا نہیں تے ساریاں

آدمیاں نال محبت رکھ دے ہاں یا نہیں :

۳۲۔ س۔ مریکہ ہر جہاں عشاءے ربانی لے سکدا ہے ؟

ج۔ ساڈی کلیسیا دے قانون دے مطابق صرف اوہی جیہڑا بشپ

صاحب دے انکھیں مستقیم ہو گئے ہیں :

۳۳۔ س۔ اسیں یکے کے عشاءے ربانی دے وچ شامل ہو سکدے ہاں ؟

ج۔ اک خاص نماز دے وسیلے نال۔ جہداں استحکام دی عبادت

ہے جو بشپ صاحب آپ پڑھدا ہے :

۳۴۔ س۔ ایس عبادت وچ ساٹوں کیہ کرنا چاہیدا ہے ؟

ج۔ اسیں اپنے پیسہ دے وعدیاں نوٹ کلیسیا دے آگے دُجی

وار کر دے ہاں :

۳۵۔ س۔ اسڈے پیسے دے وعدے کیڑے کیڑے ہیں ؟

ج۔ تن ہیں۔ (۱) چھڑنا گناہ نوٹ۔ (۲) ایمان رکھنا مسیح دے اُتے۔

(۳) عمل کرنا خدا دے حکماں دے مطابق :

۳۶۔ س۔ ایس عبادت وچ بشپ صاحب کیہ کردا ہے ؟

ج۔ اوہ ساڈے ہر اُتے ہتھ رکھ کے ساڈے واسطے خدا کو لوں

برکت منگدا ہے ۔

۳۷- س۔ ایس عبادت ورج خدا کیہ کرنا ہے ؟
ج۔ اوہ پیچہ دل والیاں نوں اپنا پاک رُوح بخترا ہے جہدی
مدد نال اسیں اپنے پتہ دے وعدے پورے کر سکاں گے ۔

خدا والے گواہنڈی دا حق ساٹے اُتے

۳۸- س۔ خدا دا حق تیرے اُتے کیہ آؤندا ہے ؟
ج۔ خدا دا حق میرے اُتے ایہ ہے جو اوس نوں مٹاں۔ اوس
فقوں ڈراں تے اپنے سارے دل تے ساری عقل تے ساری
جان تے ساری طاقت نال اوس نوں پیار کراں۔ اوہدی بندگی
کراں۔ اوہدا شکر کراں۔ اوہدے اُتے اپنا سارا آسرا بھروسہ کھاں
اوسے داناں لوں۔ اوہدے پاک ناں تے کلام دی عزت
کراں تے ساری عمر اوہدی سچی خدمت کراں ۔
۳۹- س۔ گواہنڈی دا حق تیرے اُتے کیہ آؤندا ہے ؟

ج۔ گواہنڈی دا حق ایہ ہے جو میں اوس نوں پیار کراں جیہا اپنے
آپ نوں پیار کردا ہاں تے سب نال اوہ سلوک کراں جو میں
ہورناں کو لوں چاہندا ہاں۔ اپنے ماں پیا نوں پیار کراں اہناں
دی ٹہل سیوا کراں۔ بادشاہ تے حاکماں دی عزت تے تابعداری
کراں۔ اپنے سارے اُستاداں۔ دین دے خادماں تے مارکاں دے
حکم ورج رہاں۔ اپنیاں ساریاں بزرگاں نوں عزت دیواں۔ کسے
نوں قولوں فعلوں دکھ نہ دیواں۔ اپنیاں ساریاں کماں ورج سچیاں

وڑتاں - اپنے ذل وچ غصہ ویر نہ رکھاں - اپنے ہتھوں نوں چوری
 چکاریوں تے اپنی زبان نوں مندا بولن تھوں تے جھوٹ تے
 تھمتوں روکاں - اپنے بدن نوں پرہیزگاری تے ہوشیاری تے
 پاکیزگی وچ رکھاں - پرائے دے مال دا لچ نہ کراں - پر سکھ کے
 تے محنت کر کے حلال دی روزی کماواں - تے جس حال وچ
 مینوں خدا رکھے - او سے دے وچ اپنیاں فرضاں نوں ادا کراں

استحکام دی نماز دی ترتیب ہدایاں

- ۱ - ایہ ضروری ہے پئی نرے اوہ جیہڑے عقیدہ - دُعائے ربّانی تے
 دس حکم سنا سکے تے نالے اوہناں سوالاں دا جواب دے سکے
 جیہڑے دینی سوال تے جواب وچ لکھے ہوئے نیں - مستقیم
 ہون لئی پیش کیتے جان ۛ
- ۲ - پریسٹ نوں چاہیدا ہے - پئی ویلے کویلے اپنے حلقہ وچ اوہناں
 لوکاں نوں لکھے جنہاں بپتسمہ لیا ہووے پر مستقیم نہ ہوئے ہون -
 تے اوہناں نوں ابھارے پئی چنگی تیاری کر کے ایس رسم دی
 راہیں خدا دے فضل نوں حاصل کرن ۛ
- ۳ - خادم دین نوں بشپ صاحب کول اوہناں لوکاں دی فرست پہلا
 گھلنی چاہیدی ہے جنہاں نوں اوہ مستقیم ہون دے لائق سمجھے

۴۔ کوئی عشاءِ ربانی وچ شامل نہ کیتا جائے۔ جد تیکر اوہ مستقیم نہ
ہویا ہووے۔ یا بشپ صاحب نے اوہنوں مُستقیم ہون لئی تیار
نہ ٹھہرایا ہووے۔

مقررہ ویلے اُتے ادھ لوک جنہاں مستقیم ہوتا ہووے قاعدے تے ترتیب
نال بشپ صاحب دے سامنے کھارے جان تے اوہ آپ (یا کوئی ہووے
پریسٹ جنہوں اوہ ایس مطلب واسطے مقرر کرن) ایہہ دیباچہ پڑھن:-

خداوند وچ عزیزو۔ استحکام دی رسم نوں پوریاں کرن وچ کلیسیا مسیح
رسولاں دے نمونے دی پیروی کردی ہے۔ کیونجو رسولاں دے اعمال
دی کتاب دے اٹھویں باب وچ ایہہ پڑھنے ہاں :-
سواوہ جیڑے کھار گئے سُن۔ کلام دی خوش خبری سُناندے پھر
تے فلپس سامریہ شہر وچ جا کے لوکاں وچ مسیح دی سنادی کرن لگا۔
جداوہناں فلپس نوں سچا مَنیا جیڑا خدا دی بادشاہی تے یسوع مسیح دے
ناں دی بابت خوش خبری دیندا می تدا آدمی تے عورتاں سارے بپتسمہ
لین لگے۔ جدا رسولاں نے جیڑے یروشلم وچ سُن۔ سُنیا پئی سامریاں
نے خدا دا کلام قبولیا ہے۔ تدر بطرس تے یوحنا نوں اوہناں کول گھلایا
اوہناں اوہتے جا کے اوہناں دے لئی دُعائنگی پئی اوہناں نوں پاک
رُوح ملے۔ کیونجو اوہ اُجے توڑی اوہناں وچوں کسے اُتے نہیں سی
اُتیا۔ اوہناں نرا خداوند یسوع دے ناناں دابپتسمہ لیا سی۔ تداوہناں
اوہناں اُتے ہتھ رکھے تے اوہناں نوں پاک رُوح ملیا :-
ایتھے پاک کلام سناوُن ایہہ سکھالدا ہے۔ پئی رُوح القدس دی
خاص نعت دُعاناں ہتھ رکھن دے وسیلے بخشی جاندی ہے۔ تے ایس

نئی پٹی ایہہ نعمت صرف خدا دتوں بلدی ہے۔ سالوں جیڑے ایٹھے حاضر
 ہاں ایہہ چاہیدا ہے۔ پٹی قادرِ مطلق خدا دے حضور ایہہ دُعا کریٹے۔ جو اوہ
 ایہناں نوں جیڑے بیتسمہ دے ویلے اوہ دے فرزند بنے سن۔ استحکام
 دے ویلے اپنے روح القدس نال قوت دیوے ۛ

سو تئیں جہناں ہُن مستقیم ہونا ہے۔ ایس جماعت دے اگے
 اعلان کرو۔ پٹی تہاڈا پکارا دہ ہے جو ایس نعمت دی برکت نال تئیں اپنی
 زندگی مسیح دے ایمان وچ گزارو گے۔ تے خدا دی مرضی تے حکماں دے
 تابع رہو گے تے کھلم کھلا ایس گل دا اقرار کرو گے۔ پٹی تہاڈے اُتے اوہنا
 مسیحی فرضاں دا جہناں دا تہاڈا اپنہ بیتسمہ دے ویلے عہد کیتا سی پورا
 کرنا ضروری ہے۔

بیتسمہ دے وعدیاں نوں نویں سریوں کرنا

پھیر نشپ صاحب اکھن

کیہ تئیں ایٹھے خدا تے ایس جماعت دے اگے اوس پاک وعدے
 تے عہد نوں نویں سریوں کر دے ہو۔ جیڑا تہاڈا بیتسمہ دے ویلے کیتا
 سی تے اوہدا پھیر اقرار کر دے ہوتے اپنے وچ اوہنوں صحیح تے سیدھ
 مندرے ہوتے اپنے آپ نئی اوہ دے اُتے اعتقاد رکھنا تے اوہناں کماں
 تے عمال نوں کرنا جہناں دا تہاڈے دھرم ماں باپ نے تہاڈے بیتسمہ
 دے ویلے تہاڈے واسطے ذمہ چکیا سی ضروری سمجھدے ہو ۛ

تے ہر اک اُچی آواز نال جواب دیوے

جواب۔ میں متدالں تے اقرار وی کردا ہاں ۛ

یا بُشپ صاحب ایہہ آکھن

کیہ تئیں خُدا تے ایس جماعت دے آگے شیطان تے اوہرے
سارے کُماں نوں۔ تے ایس خراب دُنیا دی نکئی دھوم دھام۔ تے
جسم دیاں ساریاں بُریاں خواہشاں نوں چھڑ دیندے ہو۔ جو تئیں نہ
اوہناں دا پیچھا کرو گے تے نہ اوہناں دے قابو وِچ رہو گے؟

جواب۔ میں چھڑ دینداں +

بُشپ صاحب۔ کیہ تئیں مسیحی دین دیاں ساریاں مسئلیاں اُتے
جیڑے رُسولاں دے عقیدے وِچ لکھے ہوئے ہِن ایمان رکھدے ہو؟
جواب۔ میں ایمان رکھداں +

کیہ تئیں خُدا دی پاک مرضی تے حکماں اُتے عمل کرن تے اپنی زندگی
دے سارے دن اوہناں اُتے چلن دی کوشش کرو گے؟
جواب۔ میں کوشش کراں گا +

گیت

۱	تے چمکارا نور اپنے دَا دے دکھا	۱	اے رُوح پاک ساڈے دلاں مِچ آ
۲	ہنیرا توں اکھیاں دا ساڈا ہٹا	۲	تے ساڈے دلاں دے توں غم دُور کر
۳	خُدا پاس سائو توں چھیتی پُچا	۳	گناہ سارے ساڈے توں کر دے مُواف
۴	مسیح دی مَجت توں سائو چکھا	۴	کرم کر توں ساڈے تے اے پاک رُوح
۵	کرم نال ایمان اُساڈا ودھا	۵	تو وسواس کر دُور ساڈے دلوں
۶	تے رُوح نوں وی روشن کریں سدا	۶	دلاں نوں کریں پاک تو یس مہیش

نواں جنم دینداں ہیں سمجھناں توں ۷ | نویں زندگی ساڈے اندر توں پا
تیری مدد دے نال ہندی رہوے ۸ | خدا باپ بیٹے تے رُوح دی ثنا

استحکام

ایہدے پچھوں بپش استحکام شروع کرن تے نماز دے ایس جھتے
وچ نہ تے کوئی وعظ کمیا جائیگا تے نہ کوئی گیت گایا جائیگا پر جے لوڑ
ہو دے تاں ہمت رکھن دے ویلے کوئی گیت گایا جاوے ۶

بپش صاحب - ساڈی مدد خدا دے تاں تمہوں ہے ۶

جواب - چھنے آسمان تے زمین نوں پیدا کیتا ۶

بپش صاحب - خدا اناں مُبارک ہووے ۶

جواب - ہن تمہوں لے کے سدا تیکر ۶

بپش صاحب - خداوند! ساڈیاں دُعاواں سُن ۶

جواب - تے ساڈی فریاد اپنے حضور پہنچن دے ۶

بپش صاحب - آسین دُعا نیگے ۶

قادرِ مطلق تے سدا جیوندے خدا جس اپنی عنایت نال اپنے ایہناں

بندیاں نوں پانی تے رُوح القدس نال نواں جنم دتا ہے تے ایہناں دے

گناہاں دی مُعافی ایہناں نوں دتی ہے اے خداوند! ایس تیری ہمت

کردے ہاں پئی رُوح القدس نال جیڑا تسلی دین والا ہے ایہناں نوں

قوت دیہ تے دنوں دن ایہناں وچ اپنیاں فضل دیاں و تَسْوَنَیاں

نہمتاں تے حکمت تے دانائی دی رُوح - وچار تے رُوحانی قوت دی

رُوح - علم تے پُتھی خُدا پرستی دی رُوح دُدها تے اے خُداوند اہنناں نوں
اپنے پاک خوف دی رُوح نال ہُن تے سدا واسطے بھر دیہہ - آمین *

پھیر سارے ترتیب نال بَشپ صاحب دے سامنے گوڈے نوان لے
بَشپ صاحب اوہناں وچوں ہر اک دے سر اُتے ہتھ رکھ دے ہوئے ایہہ کہن

اے خُداوند - اپنے آسمانی فضل نال اپنے ایس پیچھے (یا اپنے ایس
بندے) نوں اپنی پناہ وچ رکھ۔ تاجو ایہہ ہمیشہ تیرا ہی بنیا رہے۔ تے
جَد تیکر ایہہ تیری سدا دی بادشاہی وچ نہ اُپڑے۔ تیرے رُوح القدس
نوں دونوں دن ہُت پاوندا جائے۔ آمین *

پھیر بَشپ صاحب ایہہ آ کہن -

خُداوند تھادے نال ہووے *

جواب - تے تیری رُوح دے نال دی ہووے *

اسیں دعا منگیے

اے ساڈے باپ! جو آسمان اُتے ہیں تیرا نام پاک منیا جائے۔ تیرا
راج آئے۔ تیری مرضی جس طرح آسمان اُتے پوری ہندی ہے زمین اُتے
دی ہووے۔ ساڈے روز دی روٹی آج ساوُل دیہہ - تے ساڈیاں قصورا
نوں بخش دیہہ۔ جس طرح آسیں اپنے قصور واراں نوں بخش دیندے ہاں
تے ساوُل آزمائش وچ نہ پیا۔ سگوں بُریائی حقوں بچا۔ آمین

ایدوں پچھے بَشپ صاحب ایہہ کہن: اے اہل ذی کلہن

اے قادر مطلق تے سدا جیون دے خُدا - جیہڑے کم تیری جناب
الہی دے حضور چنگے تے جھلے لگدے لے اوہناں دا ارادہ کرنا تے

عمل وِچ لے آؤنا۔ دوویں تیرے ہی دُتوں ہندے نے۔ اسیں
عاجزی نال تیرے آگے تیرے اینہاں بندیاں لئی منت کرنے ہاں۔
جہناں اُتے اساں تیرے مقدس رسولان دی پیروی وِچ اپنے ہتھ
رکھے ہین۔ پئی اسیں (ایس نشان نال) ایہہ قصد لئی کریئے جو تیرا فضل
تے کرم اینہاں دے نال ہے۔ اسیں تیری منت کر دے ہاں۔ پئی
تیرا باپ والا ہتھ سدا اینہاں اُتے رہوے۔ تیرا روح القدس سدا
اینہاں نال رہوے۔ تے اینہاں توں اپنے کلام دی پہچان تے تابعداری
وِچ راج ہدایت کر۔ پئی اوڑک توں ایہہ ساڈے خداوند یسوع مسیح دے
وسیے سدا دی زندگی پاؤن۔ جیہڑا تیرے تے روح القدس نال اکوا
خدا سدا جیوندانے راج کراہے۔ آمین :-

خاتمہ

اے قادرِ مطلق خداوند تے زلی خدا :- اسیں تیری منت کر دے
ہاں۔ پئی توں اپنی مہر نال ساڈیاں بنناں تے روحاں دی ایہی ہدایت
تقدیس تے حکومت کر جو اسیں تیرے حکماں دے راہ اُتے تے تیری
شرع دے کماں اُتے راج چلے پئی ایس جہان وِچ تے سدا تیک اسیں
جسم تے روح وِچ قائم رہے۔ ساڈے خداوند تے نجات دین والے
یسوع مسیح دے وسیے نال۔ آمین :-

پھر بپ صاحب ادھناں توں ایہہ لکھدے ہوئے برکت دین

اٹھینان دے نال دنیا وِچ جاؤ تے چنگے دلیر بنو۔ جیہڑی چیز چنگی
ہووے۔ ادھنوں کئی طرح سانجھو۔ کسے نال بدی دے بدلے بدی نہ
کریو۔ تھوڑے دل والیاں توں تگڑیاں کرو۔ کمزوراں دی امداد کرو۔ مصیبت

دے ماریاں نوں ڈھو دیو۔ سب آدمیاں دی عزت کرو۔ خداوند نوں
 پیار کرو تے اوہدی خدمت کرو تے روح القدس دی قدرت وچ خوشیاں
 کر دے رہو۔ آمین۔

تے قادر مطلق خدا باپ۔ بیٹے تے روح القدس دی برکت تہاڈے
 اُتے ہووے تے سدا تہاڈے نال رہوے۔ آمین۔

نکاح دی رسم دی ترتیب

نکاح کران والیاں دے نکاح دا اشتہار گرجے وچ اُپر تھلے تین وار صبح
 دی نمازیاں شام دی نماز وچ ایس طرح دتا جاوے۔

میں فلانے تھاں دے فلانے تے فلانے تھاں دی فلانی دے
 نکاح دی خبر دیندا ہاں۔ جے تہاڈے وچوں کوئی اجیہا سبب جاندا
 ہووے جس کے شرع موجب ایہناں دا پاک نکاح کرنا جائز نہ ہووے
 تاں اوہ بیان کرے۔ ایہہ اشتہار داپہلا یا دو جایا تیجا مرتبہ ہے۔

جنہاں نکاح ہون والا ہے۔ جے اوہ دکھو وکھرے تھاں رہندے ہوؤں
 تاں دویش کتائیں نکاح دا اشتہار دتا جائے۔ تے اک تھاں دا پریسٹ نکاح
 نہ پڑھے بھرتیکر اوہ دوجے تھاں دے پریسٹ دلوں تین وار دے اشتہار دی
 چٹھی نہ پالوے۔

نکاح پڑھن دے دن تے ویلے جنہاں نکاح ہون والا ہے۔ ویلے پیراپنے
 ہمسایاں تے دوستان نال گرجے وچ آؤں۔ تے اوہ تے لاٹا سچے تے رٹکی

اوہیے کہتے پاس کھلو جان تے پریسٹ ایوں لکھے:-

بھراؤ اسیں خُدا دے حضور تے ایس جماعت دے آگے ایس لئی
 اکٹھے ہوئے ہاں۔ پئی ایس مرد تے ایس عورت دا نکاح پڑھے۔ ایہہ
 عزت دا معاملہ ہے بہنوں خُدا نے آدمی دی بے گناہی دے ویلے مقرر
 کیتا ہے۔ تے اوس رُوحانی یگانگت دا نشان ہے۔ جیہڑی مسیح تے
 اوہدی کلیسیا وچ ہے۔ تے گیل دے قانا وچ ساڈے خُداوند مسیح نے
 پہلا معجزہ دکھا کے ویاہ توں رونق تے عزت دتی تے پاک کلام اوہدی
 ایوں وڈیائی کر داتے اکھدا ہے۔ پئی ایہہ معاملہ سارے آدمیاں وچ
 عزت دے لائق ہے۔ ایس لئی ایہہ نہیں چاہیدا پئی کوئی آدمی بغیر غور تے
 فکر کیتیاں تے بناں سوچیاں سمجھیاں ایس پاکیزہ حالت توں اختیار کرے
 سگوں چاہیدا ہے پئی ادب تے ہوشیاری نال سوچ وچار کے پرہیزگاری
 تے خُدا دے خوف نال نکاح دی حالت توں اختیار کرے تے اوہناں
 سبیاں اُتے غور کرے جنہاں دی وجہ نال ایہہ حالت مقرر ہوئی:-

نکاح دے ہون دا پہلا سبب ایہہ ہے پئی خُدا دی مرضی دے مطابق
 انسانی نسل و دھے تے اولاد دی تربیت تے پرورش خُدا دے خوف
 وچ ہووے تاں جو اوس دے پاک ناں دی وڈیائی ہووے:-
 دوجا سبب ایہہ ہے پئی ساڈی سمجھاؤ دیاں خواہشاں جو خُدا نے
 ساٹوں بخشیاں ہن پاکیزگی دی حالت وچ جائز طریقے نال پُوریاں
 ہون تے جنہاں لوکاں توں خُدا نے نکاح دی مقدس حالت وچ رہن
 لئی بلایا ہے اوہ پاکیزہ زندگی نال اُپرے درج رہن:-
 تیسرا سبب ایہہ ہے پئی دکھ سکھ دے ویلے اک توں دوجے کوں

مدد تے تسلی ہے ۔

ہیں ایہ دونوں پاک نکاح کراؤن لئی حاضر ہوئے ہیں۔ سوچیکر
ٹھاڈے وچوں کوئی ایہا سبب جاندا ہووے۔ جس کر کے اہنٹاں
دوہاں دا نکاح شرع موجب جائز نہ ہووے تاں اوہ ہن دس دیوے
نہیں تاں پھر کدی نہ آکھے ۔

پھیر جنہاں دا نکاح ہون والا ہے اہنٹاں توں پریسٹ ایوں آکھے :-

میں تہا توں عدالت دے اوس ڈراؤنے دن دی یاد کرا کے
جہدے ورج سبھناں دے دلاں دے بھید کھل جان گے۔ تہا توں
دوہاں توں تاکہ تے محکم کردا ہاں پئی جے ٹھاڈے وچوں کوئی ایہا سبب
جاندا ہووے جس کر کے ٹھاڈا نکاح بنھناں جائز نہ ہووے۔ تاں ہن
اوہدا اقرار کروے۔ کیوں یوقین جانو پئی جنہاں دا نکاح خدا دے کلام
موجب نہیں ہندا۔ اوہ خدا توں نہیں جڑ دے تے نہ اوہناں دا نکاح
جائز ہندا ہے ۔

نکاح دے دن جے کوئی شخص بیکاسبب نکاح دے جائز نہ ہون دا
بیان کرے نالے ہر جہہ دا ذمہ آوے تاں اوہدی تحقیقات ہون تیکر نکاح
نہ پڑھیا جائے۔ پیر جے کوئی ایہا سبب نہ ہووے۔ تاں پریسٹ مرد
توں ایوں آکھے :-

(۲) عہدہ

خدا نیا۔ کہیہ توں ایس عورت توں اپنی ویاہتا بیوی ہون لئی قبول
کردا ہیں۔ تاں جو خدا دے محکم موجب نکاح دی پاکیزہ حالت ورج اوہدے
نال عمر کیٹیں۔ کہیہ توں اوہدے نال محبت رکھیں گا۔ اوہنوں تسلی دیں گا۔

پھیر پریسٹ آکھے

کون ایس عورت نوں ایس مرد نال وھا ہے جان لئی
سپرد کردا ہے؟

تد اوہ اک دوجے نال ایس طرح قول قرار کرن
پئی پریسٹ اہدے کسے سکے یا کسے سجن دے
ہتھوں لے کے مرد دے سجنے ہتھ وچ عورت دا
سجا ہتھ پھڑا دیوے - تے مرد پریسٹ دے
پچھے پچھے ایوں آکھے :-

میں تینوں اپنی ویاہتا بیوی ہوون لئی قبول کردا ہاں -
میں خدا دے پاک حکم موجب اج تھوں لے کے موت تیکر
بھلیائی تے بریائی - تنگی تے خوشحالی - بیماری تے تندرستی وچ
تینوں اپنی کر کے رکھاں گا - میں تیرے نال محبت رکھاں گا
تے تیری خاطر کراں گا - ایس گل دا میں تیرے نال قول قرار
کردا ہاں -

پھیر اوہ ہتھ چھڈ دین تے عورت اپنے سجنے ہتھ
نال مرد دا سجا ہتھ پھڑا کے پریسٹ دے پچھے
پچھے ایوں آکھے :-

میں تینوں اپنا خاوند ہوون لئی قبول کر دی ہاں - میں
خدا دے پاک حکم موجب اج تھوں لے کے سردیاں توڑی
بھلیائی تے بریائی - تنگی تے خوشحالی - بیماری تے تندرستی وچ
تینوں اپنا کر کے رکھاں گی - تیرے نال محبت رکھاں گی
تے تیری خاطر کراں گی - تیرے حکم وچ رہواں گی -
تے ایس گل دا میں تیرے نال قول قرار کر دی ہاں -

پھیر اوہ ہتھ چھڈ دین تے مرد اک چھلا کتاب آتے رکھے

اوہدی عزت کریں گا۔ دُکھ سُکھ ورج اوہدی خبر لیں گا۔ تے جد تیکر تیں
دو نوں جیونڈے رہو و ساریاں نوں چھٹ کے صرف اوہدے ہی نال
واسطہ رکھیں گا؟

مرد جواب دے

ہاں میں قبول کر دیاں :-

پھر پریسٹ عورت نوں آکھے

فلائیے کہیہ توں ایس آدمی توں اپنا خاوند ہون لئی قبول کرنی ہیں۔
تاں جو خدادے محکم موجب نکاح دی پاکیزہ حالت ورج اوہدے نال
عمر کیٹیں۔ کہیہ توں اوہدی تابع رہیں گی تے اوہدی خدمت کریں گی۔ اوہدے
نال محبت رکھیں گی۔ اوہدی عزت کریں گی۔ دُکھ سُکھ ورج اوہدی خبر
لیں گی۔ تے جد تیکر تیں دو نوں جیونڈے رہو و ساریاں نوں چھٹ کے
صرف اوہدے ہی نال واسطہ رکھیں گی؟

عورت جواب دے

ہاں میں قبول کر دی ہاں :-

تے پریسٹ دے آکھن موجب مرد عورت دے کہیے ہتھ دی چوتھی
انگلی وچ چھپا دیوے تے چھٹا پھڑ کے پریسٹ دے سچے پچھے ایوں آکھے

میں ایس چھٹے نال تینوں دیا ہوندا ہاں۔ اپنے بدن نال تیری عزت کردا
ہاں۔ اپنا سارا مال متاع تینوں دیندا ہاں۔ باپ تے بیٹے تے روح القدس
دے ناں نال۔ آمین :-

پھر مرد چھٹے نوں انگلی وچ ہی چھٹ دیوے تے دو نوں گوڈا
نوا کے سجدہ کرن۔ جماعت کھلوتی رہے تے پریسٹ آکھے ایس دعا لکھی

اُسے ازلی خدا۔ ساری خلقت دے پیدا کرن تے پالن والے تے
سارے فضل دے بخش والے تے سدا دی زندگی دے مالک۔ ایس مرد
تے ایس عورت اُتے چہناں نوں اسیں تیرے ناں نال دُعائے خیر دیندے
ہاں اپنی برکت نازل کر۔ پئی جس طرح اشفاق تے ربقہ آپو وچ وفاداری
نال رہندے سن۔ او سے طرح ایہ دونوں ایس قول قرار اُتے جو ایہناں
آپو وچ کیتا ہے۔ چہدا نشان ایہ پھلا ہے۔ ایمانداری وچ رہن تے سدا
بڑی محبت تے میل ملاپ رکھن۔ تے تیرے حکماں موجب عمر گن۔ ساڈ
خداوند لیبرع مسیح دے وسیلے۔ آمین ۛ

پھیر پریسٹ دواں دے سچے ہتھ ملا کے آکھے

چہناں نوں خدا نے جوڑا کیتا ہے اوہناں نوں کوئی اڈ نہ کرے ۛ

تدپر پریسٹ جماعت نوں آکھے

ایس لئی جو فلا نے تے فلا فی نے رضامندی نال پاک نکاح کیتا ہے۔
تے خدا نے ایس جماعت دے سامنے اوہرا اقرار کیتا ہے تے آپو وچ
دی قول قرار کیتا ہے تے چھلے دے لین دین تے ہتھاں دے ملاؤن
نال ایس گل نوں ظاہر کیتا ہے۔ سو میں ایہناں دواں نوں خداوند تے بیوی
قرار دیندا ہاں۔ باپ بیٹے تے رُوح القدس دے نال نال۔ آمین ۛ

تے پریسٹ ایہ برکت دا کلمہ دی آکھے

خدا باپ۔ خدا بیٹا خدا رُوح القدس تہا نوں برکت دیوے۔ تہاڈی
حفاظت تے رکھوالی کرے نالے رحم کر کے کرم دی نظر تہاڈے اُتے رکھے
تے ہر طرح دی رُوحانی برکت نال تہا نوں بھر دیوے۔ تاں جو تہیں دونوں
اکٹھے ایس طرح گڈ ران کرو پئی اگلے جہان وچ سدا دی زندگی حاصل کرو۔ آمین ۛ

(۱۳) دُعائے خیر

مزمور - ۱۲۸

- کورس - جو خداوند تھوں ہے ڈرنا - اوہ تے ہے مبارک حال
 ادھریاں راہاں اُتے سدا چلدا ہے اوہ خوشیاں نال
 ۲ - اپنے ہتھان دی کماٹی توں آپیں کھاویں گا
 تیرے نال رہے گی خوشی توں خوش رہیں گا سدا
 ۳ - اوس انگور دے وانگر تیری دُہٹی ہووے گی خوش حال
 گھر دے آلے دوالے لگا لڑیا ہو یا میوے نال
 ۴ - ہرے بھرے تے سوہنے لگدے وانگ زیتون دے بوٹے دے
 تیری میز دے آلے دوالے تیرے نیچے ہوون گے
 ۵ - ایسے طرح اوہ منکھ دی جس وچ خوف خداوند دا
 ہووے گا اوہ برکت والا سدا مبارک رہے گا
 ۶ - صیحون وچوں کرے خداوند برکت دے نال مالا مال
 ساری عمر دیکھیں گا توں یروشلم توں خوش حال
 ۷ - اپنے بچیاں دے نیچے توں پھیر آپیں دیکھیں گا
 اسرائیل پر ادھری رحمت سدا مبارک رہے گا

یا مزمور ۶۷

- ۱ - رب اساڈا ساڈے اُتے اپنا رحم دیکھاوے

- برکت دیوے چہرہ اپنا ساڈے تے چمکاوے
- ۲۔ تیرا لہاہ ایس دھرتی اُتے یا رب جاتا جاوے
سب قومیں وچ تیری مکتی صاف پہچانی جاوے
- ۳۔ اے خدا سب لوکی تیری اُستت تے وڈیائی
تیری اُستت تیری مہماں گاوے سب لوکائی
- ۴۔ ساریاں قومیں آپس اندر خوشی منساون تیری
خوشیاں دے بیج لہراں دے نال اُستت گاون تیری
- ۵۔ کیوں جو لوکاں دی عدالت توئیں آپ جھکاویں
دھرتی اپر اُمتاں ٹول توئیں راہ دکھاویں
- ۶۔ اے خدا لوک گاون تیری اُستت تے وڈیائی
تیری اُستت تیری مہماں گاوے سب لوکائی
- ۷۔ ہووے گی ہن دھرتی اُتے پیداوار جھپری
سانوں دیوے گا رب ساڈا برکت آپ گھنیری
- ۸۔ برکت دیوے گا رب ساڈا دھرتی دے کنارے
کہن گے سب لوگ خدا تمہوں مٹن گے ڈر سارے

جدمزبور ہو چکے۔ عورت تے مرد خداوندی میز کول
گوڈے نواؤن تے پرلیٹ اوہاں دل منہ کر کے ایہہ آکھے

پرلیٹ۔ خداوند ساڈے اُتے رحم کر ۛ
جواب۔ مسیح ساڈے اُتے رحم کر ۛ
پرلیٹ۔ خداوند ساڈے اُتے رحم کر ۛ

خداوند دی دُعا

اے ساڈے باپ جو آسمان اُتے ہیں تیرا ناں پاک مَنیا جادے
 تیرا راج آوے تیری مرضی جس طرح آسمان اُتے پوری ہندی ہے۔ تین
 اُتے وی ہووے ساڈی روز دی روٹی آج سا نوں دے تے ساڈیاں
 قصوراں نوں بخش دے جس طرح آسین اپنے قصور واراں نوں بخش
 دیندے ہاں۔ تے سا نوں آزمائش وچ نہ پاء۔ سگوں بُریائی حقوں بچاؤں۔
 پریسٹ۔ اے خداوند اپنے ایس بندے تے بندی نوں سلامت رکھ۔
 جواب۔ کیوں جو اوہ تیرے اُتے بھروسہ رکھدے ہین۔
 پریسٹ۔ اے خداوند اپنی پاک درگاہوں اوہناں دی مدد کر۔
 جواب۔ تے سدا اوہناں نوں اپنی پناہ وچ رکھ۔
 پریسٹ۔ اوہناں لئی اک پکا بُرج ہو۔
 جواب۔ اوہناں دے ویری دے محلے دے ویلے۔
 پریسٹ۔ اے خداوند ساڈی دُعا سُن۔
 جواب۔ تے ساڈی فریاد اپنے حضور پہنچن دے۔
 پریسٹ۔ اے ساڈے پیو دادیاں دے خدا۔ اپنے اہناں دوہاں
 بندیاں نوں برکت دے تے اہناں دے دلاں دے ورج
 سدا دی زندگی جاری کر۔ تاں جو جو کجھ ایہہ تیرے پاک کلام
 وچوں اپنے فائدے لئی سکھن اوہدے اُتے عمل وی کرن۔ ایہہ
 تیری مرضی دے تابع ہو کے تے سدا تیری پناہ وچ سلامت رہ
 کے مردے دم توڑی تیری محبت وچ قائم رہن۔ ساڈے خداوند

یسوع مسیح دے وسیلے - آمین ۛ

جے عورت بہت بُدھھی ہو گئی ہو دے تاں ایہہ دُعا نہ پڑھی جاوے

اے رحیم خُداوند تے آسمانی باپ تیرے کرم فضل نال آدمی ددھدے
پُتن - ایس تیری مہمت کردے ہاں - پٹی اپنی برکت نال ایہناں دوہاں دی
مدد کر - پٹی ایہہ اولاد نال پھلن پھلن تے نالے آپو وچ پاکیزہ پیار تے
محبت نال آیناں چر جیوندے رہن جو اپنے پتر اں دھیاں نوں
مسیحی دین دے راہ اُتے تڑویاں دیکھ لیں - تانجو تیری وڈیاٹی تے عزت
ہو دے ساڈے خُداوند یسوع مسیح دے وسیلے - آمین ۛ

اے خُدا - توں سا نوں ایہہ سکھایا ہے پٹی جہناں نوں توں نکاح
دے رشتہ وچ اک کیتا ہے اوہناں نوں اڈ کر نا جائز نہیں - توں نکاح
دی حالت توں پاکیزہ کیتا ہے تے اوہنوں اوس رُوحانی رشتہ دانیشان
بنایا ہے جو مسیح تے اوس دی کلیسیا وچ ہے - اپنے ایہناں بندیاں اُتے
رحم دی نظر کرتا تانجو ایہہ آدمی تیرے پاک کلام موجب اپنی بیوی نال محبت
رکھے - جس طرح مسیح نے اپنی کلیسیا نال ایہی محبت رکھی جو اوس نے
اپنے آپ نوں ادھدی خاطر تار کردتا تے ایہہ وی بخش پٹی ایہہ بیوی دی
اپنے خُداوند نال محبت تے سگوک نال زندگی کٹے تے پرہیزگاری تے امن
تے صلح نال اوہناں پییاں دی پیروی کرے جو خُدا اہتوں ڈردیاں سن -
اے خُدا ایہناں دوہاں نوں برکت دے تے ایہناں نوں اپنی سدا دی
بادشاہی دے وارث بنا - ساڈے خُداوند یسوع مسیح دے وسیلے - آمین ۛ

پھیر پلٹ ایہہ برکت دیوے

قادر مطلق خُدا ساڈے خُداوند یسوع مسیح دا باپ تہاڈے اُتے اپنے

فضل دامینہ ورہائے۔ اوہ تہاؤں پاک کرے تے برکت دیوے تانجو
تیں اپنے جسم تے رُوح نال اوہنوں خوش رکھو تے ساری عمر پاک محبت
وچ اکھٹے گُذران کرو۔ آمین ۛ

ہن پر سیٹ خاوند تے بیوی دے فرضناں دی بابت نصیحت کرے یا بہرے

نصیحت

تیں سارے جہناں دا نکاح ہو گیا ہے تے نالے جیڑے نکاح
دی پاکیزہ حالت وچ آؤں دا ارادہ رکھدے ہو۔ سُنو۔ پئی پاک کتاب
خاوندان نوں اوہناں دیاں بیویاں دے حق بابت تے بیویاں نوں
اوہناں دے خاوندان دے حق بابت کیہ کہندی ہے ۛ
مقدس پوٹوس افسیاں دے خط دے پنجویں باب وچ سارے
ویا ہے بیویاں نوں ایہ حکم دیندا ہے پئی اے گھر والیو۔ اپنیاں زنانیاں نوں
پیار کرو۔ جیکراں مسیح دی کلیسیا نوں پیار کر کے اپنے آپ نوں اوس دی
خاطر موت دے حوالے کر دیتا تانجو اوہنوں کلام دی راہیں پانی نال نہا کے
تے صاف کر کے پاک بنائے تے اک اجیہی جلالی کلیسیا بنا کے اپنے اگے
حاضر کرے جس دے بدن وچ داغ یا جھری یا کوئی ہور اجیہی شے نہ
ہو دے سگوں پاک تے بے نقص ہووے۔ ایسے طرح گھر والیاں
نوں چاہیدا ہے پئی اپنیاں زنانیاں نوں اپنے بدن وانگوں پیار کرن
جیڑا اپنی زنانی نوں پیار کردا ہے سو اپنے آپ نوں پیار کردا ہے۔ کیوں جو
کدی کسے اپنے بدن نال ویر نہیں رکھیا۔ سگوں اوہدی پالنا کردا ہے۔
جیکراں مسیح کلیسیا دی۔ ایس لئی پئی اسیں اوس دے بدن دے انگ

ہاں۔ ایسے سبب آدمی اپنے ماں پیو تھوں وکھریاں ہو کے اپنی زنانی نال
 رہوے گاتے اوہ دونوں اک تن ہون گے۔
 پھیر مقدس پولوس کلیسیاں دے خط وچ خاوندان نوں ایہ حکم دیندا
 ہے۔ پئی اپنیاں بیویاں نوں پیار کرتے اوہناں نال کوڑے نہ ہوو۔
 مقدس پطرس جو مسیح دا رسول تے آپ وی دیاسیا ہو یا سی ایہ
 فرماؤندا ہے۔ اے گھر والیاں عقل نال اپنیاں زنانیاں نال در تو۔
 تے بی بی نوں نازک برتن سمجھ کے عزت دیو تے ایہ جانو پئی زندگی دی
 نعمت دے ورثہ وچ تیں دونوں حصہ دار ہو۔ تاں جو تہاڈیاں دُعا دا
 رگ نہ جان۔

ایتھوں توڑی تے آدمیاں لئی نصیحت ہے۔ مَن جو زنانیاں لئی
 ہے اوہ وی سُنو۔

مقدس پولوس او سے افسیاں دے خط وچ فرماؤندا ہے پئی زنانیاں
 اپنے گھر والیاں دی ابھی تابع رہو جیکراں خداوند دی۔ کیونجہ گھر والا زنانی
 دا سر ہے۔ جیکراں مسیح کلیسیا دا سر ہے تے اوہ آپ ہی بدن دا بچاؤن
 والا ہے۔ جیکراں کلیسیا مسیح دے تابع ہے۔ او سے طرح زنانیاں دی
 سمجھناں گلاں وچ اپنے گھر والیاں دے تابع ہون۔ تے پھیر اوہ اکھدا ہے
 پئی زنانی ایس گل دا خیال رکھے پئی اوہ اپنے گھر والے کو لوں ڈردی رہو
 تے جو خط اوس نے کلیسیاں نوں لکھیا ہے اوہ دے وچ وی اوہ
 تہا نوں ایہ چھوٹی جیہی نصیحت کردا ہے پئی زنانیاں۔ جیکراں خداوند وچ
 چنگا ہے اپنے گھر والیاں دی تابع رہو۔
 پھیر مقدس پطرس وی تہا نوں ایہ تعلیم دیندا ہے :-

زنایو۔ تئیں اپنے اپنے گھر والیاں دی تابع رہو ایس لئی پئی جے کوئی
 جہنا کلام نوں نہوی متے تد دی تہاڑے پاک چال چلن تے خدا خونی نوں
 ویکھ کے بنا کلام دے اپنی زنائی دی پاک چال دی وجہ نال کچھ جان۔
 تے سجاوٹ دکھالے دی نہ ہووے۔ پئی سرگندنا تے سیو تے دے گینے
 تے کپڑے۔ سگوں تہاڑے دل دی چھپی ہوئی انسانیت۔ نرمی تے حلیمی
 دی نہ بگڑن والی سجاوٹ نال سچی رہے۔ کیونجو خدا دے کول ایس دی
 بہتی تد رہے تے پچھلے زمانے وچ دی خدا تے امید رکھن والیاں پاک
 زنائیاں اپنے آپ نوں ایسے طرح سنوار دیاں تے اپنے گھر والیاں دے
 حکم وچ رہندیاں سن۔ جس طرح ساراہ ابراہیم دے حکم وچ رہندی تے
 اوہنوں خداوند اکھدی ہندی سی۔ تئیں وی جے نیکی کرو تاں کسڈ رافے
 تھوں نہ ڈرو تے اوہدیاں دھیاں ہووے۔

پھیر پرلیٹ ایہ اکھ کے جماعت نوں رخصت کرے

اسیں دعا منیکے۔

اے قادر مطلق خداوند تے سدا جیوندے خدا۔ اسیں عرض کر دے ہاں
 پئی توں اپنے کرم نال ساڈے دل تے بدن دویاں دی ہدایت کر۔ توں اوہناں
 اتے حکومت کرتے اوہناں نوں پاک کرنا جو اسیں تیری شریعت تے حکماں
 دے راہ اُتے چلے تے تیری کامل قدرت دی پناہ وچ ساڈے جسم تے رُوح
 ایس جہان وچ تے سدا تیکر تیری حفاظت وچ رہن۔ ساڈے خداوند
 تے نجات دین والے یسوع مسیح دے وسیلے۔ آمین۔
 خدا قادر مطلق باپ۔ بیٹے تے رُوح القدس دی برکت تہاڑے
 اُتے ہووے تے سدا تہاڑے نال رہوے۔ آمین۔

نماز جنازہ کی ترتیب

ایہ خیال رکھیا جاوے پٹی ایہ ترتیب اوہناں لوکاں دے جنازے اُتے نہ پڑھی جائے۔ جیہڑے بقیسمہ پایاں بغیر یا خود کشی کر کے مر گئے ہوں یا کلیسیا وچوں چھکے گئے ہوں یا کسی سخت جرم نوں کر دیاں مر گئے ہوں جسے ویلے ایہ پتہ نہ لگے پٹی ایہ ترتیب کسے دے جنازے اُتے پڑھی جائے یا نہ تاں جسے ایہ سوال بپ صاحب دے سامنے پیش کیتا جائے تے اوس دے فیصلے اُتے عمل کیتا جائے۔

خادمین قبرستان دے دروازے کول کھلو کے میت دے آگے آگے چلے تے ایہ آکھے :-

خداوند فرماؤندا ہے قیامت تے زندگی میں ہاں۔ جیہڑا میرے اُتے ایمان لیاؤندا ہے بھاویں اوہ مر جائے تدوی جیوے گا۔ تے جیہڑا جیوؤندا ہے تے میرے اُتے ایمان لیاؤندا ہے کدی نہ مرے گا۔ (یوحنا۔ ۱۱: ۲۵)

میں جاندا ہاں پٹی میرا ربائی دین والا زندہ ہے تے اوہ اوڑک نوں زمین اُتے کھلوے گا۔ تے بھاویں میری کھل تے بدن نوں کیڑے کھا لیں تدوی میں خداوند نوں دیکھاں گا۔ میں آپ اوس نوں دیکھاں گا۔ تے میریاں اپنیاں اکھیاں اوس نوں دیکھن گیاں نہ کیسے پرائے دیاں۔

(ایوب ۱۹ : ۲۵)

نہ اسیں دُنیا وچ کچھ لیا اُتے تے نہ ہن ایس وچوں کچھ لے جا سکدے ہاں۔ خداوند نے دتا۔ خداوند نے لے لیا۔ خداوند اناں

مبارک ہووے (۱) تمھیں ۶: ۷ - ایوب ۱: ۲۱

نیکاں دا راہ تڑکے دے چانن وانگوں ہے جس وی روشنی
دوپہر تیکر ددھدی ہی جاندی ہے (۱) مثال ۴: ۱۸

نیکاں دیاں رُوحاں خدا دے ہتھ ورج پئن تے کسے طرح دا
عذاب اوہناں دے نیڑے نہیں آئے گا۔ اے خداوند میری جوانی
دیاں برباں تے میرے گناہاں توں یاد نہ کر۔ تے اپنی نیکی وی خاطر
ہرناں مینوں یاد کر (حکمت ۱: ۳ زبور ۲۵: ۶)

آبدی خدا تیری پناہ دا تھاں ہے تے تیرے ہیٹھاں اوس دے
سدا رہنے والے بازو پئن (۱) استثنا ۳۳: ۲۷

نہ موت نہ زندگی نہ فرشتے نہ طاقتاں نہ حکومتاں۔ نہ ہن دیاں چیزاں
نہ آدن والیاں۔ نہ اچھیاں نہ ڈونگیاں۔ تے نہ ہور کوئی مخلوق سانوں
خدا دی اوس محبت تقویں جیٹری یسوع مسیح ساڈے خداوند ورج ہے۔
دکھ کر سکے گی (۱) روم ۸: ۳۸

بھاویں آسین جیویئے۔ خداوند دی خاطر جیوندے ہاں۔ تے بھاویں
اسین مریئے۔ خداوند دی خاطر مردے ہاں۔ سو بھاویں اسین جیویئے
بھاویں مریئے۔ آسین خداوند دے ہی ہاں۔ کیونجواہیں واسطے مسیح
مویاتے جیوییا۔ پئی جیوندیاں تے مویاں دا وی خداوند ہووے۔

(۱) روم ۸: ۱۲)

دھن نے اوہ جیٹرے غمگین نے کیونجواہناں توں تسلی دتی جائیگی۔

(متی ۵: ۴)

تھاڈا دل نہ گھرائے۔ تبیں خدا اُتے یقین کر دے ہو۔ میرے

اُتے دی یقین کرو۔ میرے باپ دے گھر وچ بہت سارے مکان
ہیں۔ (یوحنا ۱۴:۱۰) *

(۲) گرے وچ نماز

جدوں اوہ گرے وچ پہنچن تے ایساں زبوریں پڑھن اک یا
زیادہ زبور پڑھے یا گائے جان۔
ہر زبور دے پہلاں تے پچھوں ایہ پڑھیا یا گایا جاسکدا ہے :-
”اے دُنیا دے نجات دین والے نوں اپنی صلیب تے بے ہالہو
دے نال ساڈا فدیہ دتا ہے۔ اے خداوند اسیں عاجزی نال تیری
مُنت کر دے یاں ساڈوں بچالے تے ساڈی مدد کر۔“

زبور - ۳۹

کورس۔ اپنے راہ دی میں راکھی کرانگا
جدوں بد میں کوئی دیکھ باواں
ہویا گونگا تے میں چپ چپاتا
تازہ غم ہویا تے چھاتی پندی
تدوں کہیا میں اپنی زبان تھیں
میرا اوڑک ہے کیہ؟ عمر کتنی؟
عمر میری ہے گھٹ بھر چھوٹری
ایس آدم دا کجھ نہ بھروسا
چندڑی سب دی نری ہے خیالی
میتھوں نہ ہو قصور زبان دا
اپنے مُنہ نوں لگام میں پڑھاواں
بھلا کاہنوں کیا میں گنوا تا
میرے سوچن دے وچ آگ بلدی
اے خداوند توں ایہہ بیٹوں دسیں
تاں میں جاناں اوہ رہندی ہے جتنی
تیرے آگے نہ کجھ جان میری
بھاویں کیڈا ہی ہو زور والا
وہم وانگوں ہے اس دی بحالی

ایٹویں ادھنا ندی ہے بے تراری نہیں جان کہ دولت ایہ ساری
جیٹری آسین اکھٹی ہاں کر دے کون سا نیچے گا ایہ ساڈے پچھے

یا زبور - ۲۳

کورس۔ رب ایالی میرے کول میرے دل نوں نہیں ڈھل
۱ کدی نہ ہووے گی محط مینوں رب جو میرا ایالی ہے
ہری گھاہ تے مینوں بہالے مٹھے پانی کول
۲ میری جان نوں آپ ہی خداوند مٹ کے جواوے گا
اپنے ناں دی خاطر مینوں یسدا سچیاں کول
۳ موت دے سائے دا جو جنگل جدیں اوس وچ جاداں
خوف بکاداں دا نہ ہرگز ہووے گا میرے کول
۴ تیری سوٹی تیری لاکھی مینوں لین سنبھال
کیوں جو تہوں توں خداوند ہووین گا میرے کول
۵۔ دشمن آگے میرے واسطے رب وچھاندا میر
تیل وی میرے ہر دے آتے اوہو دیندا ڈھل
۶ رحم تے ہر ساری عمر رہن گیاں میرے ناں
میں خداوند دے گھر سدا رہاں گا اوہدے کول

یا زبور - ۹۰

کورس۔ دن ساڈی عمر دے سب توں گنتا ہن سیکھائیں
تے دل دانائی والا توں بخشیں سانوں سائیں

- ۲ یارب تُوں مُڑ اُچھیتی کد تیکر غصّے رہی؟
 تُوں اپنے بندیاں تُوں رحم اپنا ہُن وکھائیں
 ۳ کٹ جادے وچ خوشی دے تاں باقی عمر ساڈی
 نال اپنی رحمتاں دے سویرے تُوں رجاہیں
 ۴ تُوں جتنے دن ہے رکھیا دکھال دے وچ اُسا تُوں
 سو اتنے سال یارب ہُن خوشی تُوں وکھائیں
 ۵ کم اپنے ظاہر کریں تُوں اپنے لوکاں اُتے
 اپنا جلال دسیں اوہناں دے بچیاں تائیں
 ۶ خُداوند پاک خُدا دا ہے جیڑا رِب اُساڈا
 جمال ہو اُساڈے اُتے ظاہر اُساڈے تائیں
 ۷ جو کم اُساڈے ہتھ دا یارب تُوں قائم کریں
 ہاں کم اُساڈے ہتھ دا تُوں قائم کر وکھائیں

پیرا برورد جیڑا مقدس یوٹوس دے پہلے خط وچوں ہو کر تھیاں
 نوں لکھیا گیا سی پڑھیا جادے۔ (اگر تھیاں ۱۵ : ۲۰ تھوں)

پر سچ مچ مسیح تاں مُردیاں وچوں جی اُٹھیا ہے تے اوہناں وچوں
 جیڑے سوں گئے ہین پہلا پھل ہو یا کیو جو جد آدمی دے سبتوں موت
 ہے۔ تاں آدمی ہی دے سبتوں مُردیاں دا اُٹھنا وی ہے۔ تے جس
 طرح آدم دے وچ سارے مر جانڈے ہین اوسے طرح مسیح وچ
 سارے جوالے جان گے۔ پر ہر اک اپنی داری سر۔ پہلا پھل سچ۔ پیر
 مسیح دے آؤن اُتے اوس دے لوک۔ اوس دے مگروں ادرک ہے۔
 اوس ویلے اوہ ساری حکومت تے سارا اختیار تے قدرت نوں نیست

کر کے بادشاہی نوں خدا باپ دے حوالے کر دے گا۔ کیوں جو جد تیکر
اوہ ساریاں ویریاں نوں اپنے پیراں ہیٹھ نہ کر لیسے تہ تیکر اوس نوں
بادشاہی کرنی ضرور ہے۔ ساریاں نالوں پچھلا ویری ہمداناس کیتا جائیگا
سو موت ہے۔

پرہن کوئی اکھے گا۔ پئی مردے کس طرح جی اٹھدے نے۔ تے
کس طرح دے جسم وچ آؤندے نے۔ مور کھا۔ نوں آپ جو کجھ بیجا
ہیں۔ جد تیکر اوہ نہ مرے۔ جو الیا نہیں جاندا تے جو کجھ توں بیجا ہیں۔
ایہ اوہ جسم نہیں چھڑا ہونا ہے۔ سگوں نرا دانہ ہے۔ بھاویں گنگ دا
بھاویں کیسے ہو رہ چیز دا۔ پر خدا جیہا چاہندا ہے۔ اوہنوں جسم دیندا
ہے۔ تے ہر اک بنی نوں اپنا اپنا جسم۔ سارے ماس اگو جیہے
ماس نہیں۔ پر آدمیاں دا ماس ہو رہے۔ پشواں دا ماس ہو رہے۔ پچھیاں
دا ماس ہو رہے۔ چھیاں دا ماس ہو رہے۔ آسمانی جسم دی رہن تے زینی
جسم دی۔ پر آسمانیاں دا جلال ہو رہے زمینیاں دا ہو رہے۔ سورج دا
جلال ہو رہے۔ چن دا ہو رہے تاریاں دا جلال ہو رہے۔ کیونجو تارے
تارے دے جلال وچ فرق ہے۔ مردیاں دی قیامت وی ایہو جیہی ہے
جسم ناس ہون والی حالت وچ بیجیا جاندا ہے تے سدا رہن والی حالت
وچ جی اٹھدا ہے۔ بے عزتی وی حالت وچ بیجیا جاندا ہے تے جلال
دی حالت وچ جی اٹھدا ہے۔ کمزوری دی حالت وچ بیجیا جاندا ہے
تے زور دی حالت وچ جی اٹھدا ہے۔ نفسانی جسم بیجیا جاندا ہے۔ تے
روحانی جسم جی اٹھدا ہے۔ جے نفسانی جسم ہے تاں روحانی جسم وی ہے
جس طرح لکھیا وی ہے۔ پئی پہلا آدمی یعنی آدم جیو نداجی بنیا تے پچھلا

آدم زندگی دین والی روح بنیا۔ پر روحانی پہلاں نہیں سی سگوں نفسانی
سی۔ پچھوں روحانی ہو یا۔ پہلا آدمی زمین ویتوں یعنی خاکی سی دوجا آدمی
آسمانی ہے۔ تے جس طرح اوہ خاکی ہے او سے طرح ہو روی خاکی
ہین۔ تے جس طرح اوہ آسمانی ہے او سے طرح ہو روی آسمانی ہین۔ تے
جس طرح آسین اوس خاکی دی صورت اُتے ہوئے او سے طرح اوس
آسمانی دی صورت اُتے وی ہوداں گے۔

بھراؤ۔ میں ایہہ اکھنا ہاں پئی ماس تے لو خدا دی بادشاہی د
وارث نہیں ہو سکدے۔ تے نہ ناس ہون والا بقا دارث ہو سکدا
ہے۔ ویکھو۔ میں تہانوں اک بھید دی گل دسدا ہاں۔ آسین سارے
سوداں گے نہیں پر سارے بدل جاواں گے تے اک دم وچ اک
پل وچ۔ بچھلی تہی بچھکدیاں ہی ہو جائے گا۔ کیوں جو تہی بچھو کی
جاوے گی تے مردے بقا دی حالت وچ اکھٹن گے۔ تے آسین
بدل جاواں گے۔ کیونجو ضرور ہے پئی ایہہ ناس ہوں والا جسم بقا
دا جامہ پائے تے ایہہ مرن والا جسم سدا دی زندگی دا جامہ پائے
تے جدوں ایہہ ناس ہوں والا جسم سدا دی زندگی دا جامہ پالے گا تاں
اوہ گل پوری ہووے گی جیٹری لکھی ہوئی ہے۔ پئی موت فتح دی
بڑکی بن گئی۔ اے موت تیرا ڈنگ کتھے ہے؟ اے موت تیری فتح
کتھے ہے۔ موت دا ڈنگ گناہ ہے۔ تے گناہ دا زور شریعت ہے۔ پر
خدا دا شکر ہے جیٹرا ساڈے خداوند مسیح دی راہیں سانوں فتح دیندا
ہے۔ سو اے میرے پیارے بھراؤ پیراں اُتے پکے رہو تے نہ ڈولو۔
تے خداوند دے کم وچ سدا ودھدے جاؤ۔ کیونجو تیسین ایہہ جان دے

ہو۔ پیٹی تھادی محنت خداوند ورج ایویں نہیں ہے۔

پا ۲۔ کر تھیںوں ۱۶:۴ - ۱۰:۵

ایس لئی آسیں ہمت نہیں ہاروے سگوں بھاٹوں ساڈی ظاہری
انسانیت بر باد ہندی جانندی ہے۔ پھیروی ساڈی اندری انسانیت دلوں
دن نویں ہندی جاندی ہے۔ کیونجو ساڈی پلک دی ہوئی جیہی مُصیبت
ساڈے لئی بہت ہی بھاریا تے سدا و اجلاں پیدا کردی جانندی ہے جس
حال آسیں ویکھیاں ہوئیاں چیزاں اُتے نہیں سگوں اُن ویکھیاں
چیزاں اُتے نگاہ کر دے ہاں۔ کیوں جو ویکھیاں ہوئیاں چیزاں تھوڑیاں
دناں لئی نے پر اُن ویکھیاں چیزاں سدا رہن والیاں نے۔
کیونجو۔ آسیں جانندے ہاں پیٹی جد ساڈا تنبو جیہا گھر جیہڑا زمین اُتے ہے
ڈگایا جائیگا تہ ساٹوں خدا و توں آسماناں اُتے اک عمارت طیکی۔ جیہڑا
ہتھاں دا بنایا ہو یا گھر نہیں ہے سگوں سدا رہن والا ہے۔ سو آسیں ویکھ
ویج کر لاندے ہاں تے بڑی چاہ رکھ دے ہاں۔ پیٹی اپنے آسمانی گھروں
کپڑیاں و انگوں پالے۔ تانجو کپڑے پالین دے صدقہ تنگے نہ ہو ویئے
کیونجو آسیں ایس تنبو ورج رہ کے بھار دے مارے کر لاندے ہاں ایس
کر کے نہیں پیٹی ایہہ پوشاک لاہنی چاہنے ہاں سگوں اوہدے اُتے ہوو
پانا چاہندے ہاں۔ تانجو اوہ فنا ہو جان والی زندگی ورج ڈُب جائے۔
تے جس سانوں ایس گل لئی تیار کیتا ہے اوہ خدا ہے۔ تے اوکساٹوں
روح سائی ورج دتا ہے۔ سو سدا ساڈی خاطر جمع رہندی ہے تے
ایہہ جانندے ہاں پیٹی جد تیکر آسیں بدن دے وطن ورج ہاں خداوند دے

دیس تھوں دُور ہاں۔ کیونچو اسیں ایمان نال پڑنے ہاں نہ اکھی دیکھے اُتے۔
 سو ساڈی خاطر جمع ہے تے ساوُل بدن دے وطن تھوں دکھیاں ہو
 کے خُداوند دے وطن وچ رہنا ودھ منظور ہے۔ ایسے واسطے
 ساوُل ایہہ حوصلہ ہے پئی بھانویں دیس وچ ہوئے۔ بھانویں دیسوں
 باہر اسیں اُسے نوں خوش کریئے۔ کیونچو ضرور ہے۔ پئی مسیح دی عدالت و
 تخت دے آگے جا کے ساڈے ساریاں دا حال کھل جائے تاں جو ہر کسے
 نوں اوہدیاں اوہناں کماں دا بدلہ ملے۔ جو اوس بدن دی راہیں کہیتے
 ہین بھانویں اوہ بھلے ہون بھانویں اوہ بُرے ہون۔

یامکاشفہ دی کتاب ۱: ۷-۱۰

پھیریں اک نواں آسمان تے نوں زمین دیکھی کیوں جو پہلا آسمان
 تے پہلی زمین جاندے رہے سَن تے سمندر دی نہیں رہیا پھیریں پاک
 شہروں یروشلم نوں آسمانوں خُدا دے کولوں اُتر دیاں دیکھیا تے اوہ اوس دھڑی
 واکوں شنگاری ہوئی سی جہنے اپنے نوں اپنے لاڑے دے لئی سجایا ہووے
 پھیریں تخت وچوں کسے نوں اُچی آواز نال ایہہ اکھدیاں سُنیاں پئی دیکھو
 خُدا دا تنبُو اُومیاں دے وچ لگیا ہویا ہے تے اوہ آپ اوہناں دے
 نال تنبُو لائے گا۔ تے اوہ اوس دے لوک ہوون گے تے خُدا آپ
 اوہناں دے نال رہوے گا تے اوہناں دا خُدا ہووے گا تے اوہ
 اوہناں دیاں اکھیاں دے سارے اتھوڑ پونچھ دیوے گا۔ اوس دے
 مگروں موت نہیں رہوے گی تے نہ ماتم نہ سیا پاتے نہ رونا تے نہ دکھ درد
 رہوے گا۔ سگوں پہلیاں چیزاں جاننیاں رہیاں تے جیڑا تخت اُتے

بیٹھیا ہو یا سی اوس اکھیا۔ ویکھ۔ میں ساریاں چیزاں نوں نویاں بناندا
ہاں۔ پھیر اوس اکھیا۔ لکھ لے۔ کیوں جو ایہہ گلاں سچ تے برحق ہین۔ پھیر
اوس مینوں اکھیا پٹی ایہہ گلاں پوریاں ہو گئیاں ہین۔ میں الفاتے او نگہ
شروع تے آخر ہاں میں ترہائے نوں زندگی دے پانی دے چشمیاں
وچوں محنت پلاواں گا۔ جیڑا جتے اوہی ایناں چیزاں دا وارث ہووے گا۔
تے میں اوہرا خدا ہوواں گا۔ تے اوہ میرا بیٹا ہووے گا۔

پامکاشفہ ۲۱: ۲۳-۲۷

اوس شہر وچ سورج تے جتدی روشنی دی کوئی کوڑ نہیں۔ کیونجو
خدا دے جلال اوس نوں روشن کیتا ہے۔ تے لیلا اوس دی ہتی ہے۔
تے توں اوس دے چانن وچ چلن پھرن گیاں تے زمین دے بادشاہ
اپنی شان و شوکت دا سامان اوہ دے وچ لیان گے تے اوس دے
پھاٹک دن نوں کدی بند نہ ہون گے تے رات او تھتے نہ ہووے گی
تے لوک توں دی شان شوکت دا سامان اوہ دے وچ لیان گے۔
تے اوہ دے وچ کدی کوئی پلٹ چیز یا کوئی جیڑا پلٹ کم کر دیا جھوٹیا
گلاں گھڑا ہے کدی داخل نہ ہووے گا۔ پر صرف اوہ داخل ہون گے جنہاں
دے ناں لیلے دی زندگی دی کتاب وچ لکھے ہوئے ہین۔

جداوہ قبر دے کول پنج جان تے میت نوں زمین
اند رگھن دی تیاری کرن تہ جادو دین آکھے۔

آدمی جیڑا عورت حقوں جمیا ہے تھوڑے وناں تیکر جیوند تے
مصیبتاں وچ پھسار ہندا ہے۔ او پھل دانگوں کھڑا تے پھیر

گملا جاندا ہے۔ اوہ سایہ دانگیوں ڈھل جاندا ہے۔ تے کدے اگو
جیہا نہیں رہندا :-

اَسیں جیونڈے جی موت دے تیجے بوج ہاں۔ اَسیں تیرے
باجھوں اے خداوند کس دا آسرا لہجئے؟
اے قدوس خداوند خدا۔ اے قادرِ مطلق خداوند۔ اے پاک
تے رحیم نجات دین والے ساٹوں ابدی موت دی تلخی نوں چکتھن
نہ دے۔ اے خداوند توں ساڈے دلاں دے بھید جاندا ہن۔ رحم
کبر کے ساڈی دعاؤں سن تے ساٹوں بچالے۔ اے قدوس خداوند
اے قادرِ مطلق خدا۔ اے پاک تے رحیم نجات دین والے۔ اے
بزرگ مُنصف۔ ساٹوں مرن دے دیلے موت دے کسے دکھ دے
سبب اپنے تھیں جُدا نہ ہون دیلویں :-

یا اہیہ گایا جازے

۱۰۳۳

اپنے پتر اُتے جیہا ترس پتا ہے کھاندا
اپنے ڈرن والیان اُتے تیہا رحم دکھاندا
کیونکہ جاندا ہے اسادی آپ بناوٹ ساری
بنے ہاں مٹی دے اَسیں ایہ گل نہ و ساری
عمر مُنکھ دی گھاہ دے دانگر جنگلی پھل وانگ پھلدا
داجد وگے ناس ہو جاندا تھاں تے مڑ نہ لہجدا
رحمت رب دی اوہناں اُتے جیڑے خوف منادوں

نال اوہناں دے سچ سدا ہے نسلان پٹریاں آدن
 اوہناں اُتے دی جواوہدے عہد نوں یاد ہین کردے
 ہاں جواوہدے ٹھکان اُتے اپنا دل ہین دھردے

جذمتیت نوں قیودتج رکھیا جائے تدپرلیٹ آکھے۔

قادر مطلق خدا دی ایہ مرضی ہوتی ہے پئی ساڈے ایس
 بھائی دی روح نوں جو کوچ کر گیا ہے اپنی بڑی رحمت نال اپنے
 کول ٹلا کوئے۔ ایس لئی اسیں ادہدی لاش نوں زمین دے اندر رکھ
 دے ہاں تاں جو مٹی دے نال مٹی تے گھٹے دے نال گھٹا تے
 دھول دے نال دھول رُل جاوے۔ ساڈی ایہ پوری تے پئی امید
 ہے۔ پئی ساڈے خداوند یسوع مسیح دے وسیلے سدا دی زندگی لئی
 قیامت ہودے گی۔ اوہ اپنی بڑی قدرت نال ساریاں چیزاں نوں
 اپنے تابع وچ کر سکدا ہے۔ سو اوہ ساڈے ایس نکمہ بدن نوں
 بدل کے اپنے جلالی بدن وانگوں بنادے گا۔

پھیر ایہ پڑھیا جاوے

میں آسمان تھوں اک آواز سنی۔ پئی لکھ۔ ہن تھوں جیہڑے مُردے
 خداوند وچ مُردے ہن اور مبارک ہن۔ روح اکھری ہے پئی بیشک
 کیونجواوہ اپنیاں مختلف تھوں آرام پاندے تے۔

پھیر پرلیٹ ایہ دی اکھ سکدا ہے

ہن اوس اندیکھے دانا تے سدا دے بادشاہ اکھے خدا دی عزت
 تے وڈیائی سدا تیکر ہندی رہوے۔ آمین۔

پھیر پرلیٹ آکھے

خداوند ساڈے اُتے رحم کر۔

جواب - مسیح ساڈے اُتے رحم کر۔

پرلیٹ - خداوند ساڈے اُتے رحم کر۔

اے ساڈے باپ جو آسمان اُتے ہیں - تیرا ناں پاک منیا جائے
تیرا راج آوے - تیری مرضی جس طرح آسمان اُتے پوری ہندی ہے زمین
اُتے وی ہووے - ساڈی روزوی روٹی آج سانوں دے تے ساڈیاں
قصو راں نوں بخش دے - جس طرح آسین اپنے قصو رواں نوں بخش
دیندے ہاں تے سانوں ازمايش وچ نہ پا - سگوں بُریائی تھوں
بچا - آمین۔

پرلیٹ - اے خدا اپنے بندے نوں عداوت وچ نہ لیا۔

لوک - کیونچو کوئی انسان تیری نظر وچ راستباز نہیں ٹھہرا سکدا۔

پرلیٹ - سانوں یقین ہے پئی آسین خداداد احسان ویکھاں گے۔

لوک - ہاں آسین خداوند احسان اپنی زندگی وچ ویکھاں گے۔

پرلیٹ - اے خداوند ساڈی دعا سن۔

لوک - تے ساڈی فریاد اپنے حضور پہنچن دے۔

[پھر خادوم دیندک یا زیادہ دعاواں منگے۔]

اے قادرِ مطلق خدا - اوہناں لوکاں دیاں رُوحاں جہڑے خداوند

وچ ہوکے ایس دُنیا تھوں گُذر جانڈے ہیں - تیرے کول زندہ رہنڈیاں

ہین تے ایمانداراں دیاں رُوحاں جسم دے بھار تھوں چھٹ کے تیرے

کول خوشی تے آرام وچ رہنڈیاں ہین - آسین دلوں جانوں تیرا شکر

کر دے ہاں - پئی تینوں بھلا لگا - جو توں ساڈے ایس بھرانوں ایس فانی دُنیا

دے دُکھاں تھوں چھڑاویں۔ اسیں تیری مَنت کردے ہاں۔ پیٹی اپنی
 مہرناں اپنے چُنیاں ہویاں دی گنتی شتابی پوری کر۔ تے اپنی بادشاہی
 نوں چھیتی لے آتا جو اسیں اوہناں سمجھناں سمیت جہڑے تیرے
 پاک ناں دے سچے ایمان وچ گزر گئے ہن تیرے ازلی تے ابدی
 جلال وچ بدن تے رُوح دی پوری تکمیل تے مبارک حالی حاصل
 کریئے ساڈے خداوند یسوع مسیح دے وسیلے۔ آمین ۛ

اے رحیم خدا۔ ساڈے خداوند یسوع مسیح دے باپ۔ جیڑا قیامت
 تے زندگی ہے۔ اوس اُتے جیڑا ایمان لیاؤندا ہے۔ بھائیوں اوہ مر جائے
 تاں وی زندہ رہوے گا۔ تے جیڑا جیو بُدا تے اُہدے اُتے ایمان رکھدا
 ہے اوہ ابد تیک نہ مرے گا۔ اُہنے اپنے مقدس پوٹوس رسول دی راہیں
 سانوں ایہ سکھایا ہے۔ پیٹی اسیں اوہناں دے لئی جیڑے مسیح وچ
 ہو کے سوں جانڈے ہن۔ نا اُمیداں دے وانگوں ماتم تے سپا پانہ
 کریئے۔ اے باپ اسیں عاجزی نال تیری مَنت کردے ہاں پیٹی ساڈوں
 گناہ دی موت وچوں راست بازی دی زندگی وچ جلا۔ تاں جو اسیں
 جدوں ایہ زندگی وچوں کوچ کر جائیے تاں مسیح وچ آرام پائیے۔ جس
 طرح ساڈوں اُمید ہے پیٹی ساڈے ایس بھائی نے آرام پایا ہے۔ نالے
 راہ دی منگدے ہاں۔ پیٹی اوٹک دے دن نوں جد ساریاں دی قیامت
 ہوئے گی۔ اسیں تیری نظر وچ منظور ہوئیے۔ تے اوہ برکت دا کلمہ
 ساڈوں سنایا جاوے جیڑا تیرا پیارا بیٹا اوہناں ساریاں نوں جیڑے
 تیرا پیار تے ڈر رکھدے ہن اوس ویلے سنا دے گا۔ پیٹی اے میرے
 باپ دے مبارک فرزند۔ آؤ اوس بادشاہی دے وارث بنو جیڑی

دُنیا دے مڈھوں تہاڑے لئی تیار کیتی گئی ہے۔ اے رحیم باپ۔
 اسیں تیری منت کر دے ہاں۔ ساڑے وچولے تے قدیر دین والے
 یسوع مسیح دے وسیلے اہ بخش دے۔ آمین *

اے قادر مطلق خدا۔ سب رحمتاں دے باپ۔ تُوں ہر طرح دی
 تسلی دیندایس۔ اسیں تیری منت کر دے ہاں پئی تُوں اوہناں سبھناں
 اُتے اپنا فضل کر جیہڑے رنج تے غم وچ گھرے ہوئے یمن تانجوادہ
 اپنا سارا فکر تیرے اُتے سٹ کے تیری محبت دی تسلی تُوں جان سکے۔
 ساڑے خداوند یسوع مسیح دے وسیلے۔ آمین *

اے آسمانی باپ تُوں اپنے بیٹے ساڑے خداوند یسوع وچ
 سچا ایمان تے پکّی امید سانوں بخشی ہے۔ اپنے کرم ناں ساڑی مدد کر پئی
 اسیں مقدّساں دی ست سنگت گناہاں دی معافی تے سدا دی زندگی
 لئی قیامت اُتے ایمان رکھریاں ہوئیاں اپنے ون کٹے تے ساڑے
 وچ ایس ایمان تے امید تُوں ساڑی عمر بھر پکیاں کر داجا۔ اپنے بیٹے
 ساڑے نجات دین والے یسوع مسیح دی محبت دی خاطر۔ آمین *

[پھیر پر لیسٹ آکھے]

ساڑے خداوند یسوع مسیح دا فضل تے خدا دی محبت تے رُوح
 القدس دی ست سنگت آساں سبھناں دے نال سدا رہوے۔
 آمین *

بچیاں دے دفن دی ترتیب

خادم دین گرجے یا قبرستان دے دروازے کول کھلو کے جنازے
نال رلے تے میت دے اگے اگے چلے تے ایہہ آکھے -

خداوند فرماؤندا ہے۔ قیامت تے زندگی یس ہاں۔ جیہڑا میرے
اُتے ایمان لیاؤندا ہے۔ بھانویں اوہ مر جائے تے دیوی جیوے گا۔ تے
ہر کوئی جیہڑا جیوؤندا ہے۔ تے میرے اُتے ایمان لیاؤندا ہے کدی وی
نہ مرے گا۔ یوحنا ۱۱: ۲۵-۲۶ *

دھن نے اوہ جیہڑے دل دے صاف نے کیوں جو اوہ خدا
نوں دیکھن گے۔ متی ۵: ۸ *

یسوع نے بچیاں نوں اپنے کول سد کے آکھیا پئی بچیاں نوں
میرے کول آؤن دیو تے اوہناں نوں نہ رو کو کیونجو خدا دی بادشاہی
ایہو جہاں دی ہے۔ لوقا ۱۸: ۱۶ *

نبرد ار ایہناں نکیاں وچوں کسے نوں مارا نہ جانو کیوں جو یس
تہا نوں آکھنا ہاں پئی اوہناں دے فرشتے آسمان وچ سد میرے
باپ دامنه جیہڑا آسمان وچ ہے دیکھدے نے۔ متی ۱۸: ۱۰ *

اوہ ایابی دانگوں اپنے اچھڑ چکے گاتے اوہ لیلیاں نوں اپنے
بازواں نال جمع کریگا تے اپنے کچھڑ چک کے لے چلیگا۔ یسعیاہ ۴۰: ۱۱
خداوند نے وٹا تے خداوند نے لے لیا خداوند داناں مبارک

ہو دے۔ ایوب ۱: ۲۱ *

جدادہ گرجے یا قبرستان ورج پہنچ جان تاں زبور ۲۳ گایا جاوے۔

رَب اِیّالی میرے کول میرے دل ٹوں ناہیں ڈول
 کدی نہ ہووے گی محط مینوں رَب جو میرا ایالی ہے
 میری جان ٹوں آپ ہی خداوند مٹ کے پھیر جاوے گا
 اپنے ناں دی خاطر مینوں لیندا سچیاں کول
 موت دے سائے دا جو جنگل جارتیں اوس وچ جاوے
 خوف بکاواں دا نہ ہرگز ہووے گا میرے کول
 تیری سوٹی تیری لاٹھی مینوں لین سنبھال
 کیونچو تروں ٹوں خداوند ہووے گا میرے کول
 رحم تے ہر ساری عمر رہن گیاں میرے کول
 میں خداوند دے گھر سدا رہاں گا اوہ دے کول

پھیر انجیل شریف دے وچوں ایہ پڑھیا جاوے

انجیل شریف دیاں آیتاں منو جو مقدس مرقس دی انجیل دے
 دسویں باب دی تیرھویں آیت مرقس شروع ہوندا ہن چ
 لوک نیکے بچیاں ٹوں یسوع دے کول لیاے پئی اوہ اوہناں
 ٹوں چھوئے۔ پرستار گواں اوہناں ٹوں جھڑکیا۔ یسوع ایہ دیکھ کے
 بہت ناراض ہوئیا۔ تے اوہناں ٹوں اکھیاں نیکے بچیاں ٹوں میرے
 کول آؤن دیو اوہناں ٹوں نہ روکو۔ کیونچو خدا دی بادشاہی ایہناں
 جہیاں دی ہے۔ میں تہاں سچ اکھنا ہاں پئی جو کوئی خدا دی بادشاہی
 ٹوں نیکے بچے دانگوں قبول نہ کرے۔ اوہ اوہ دے وچ کدی اندر نہ
 جائے گا تے اوس اوہناں ٹوں کچھڑ چکیا تے اوہناں اُتے ہتھ رکھ

کے اوہناں نوں برکت دیتی ۛ

جداوہ قبر دے کول پہنچ جان تے میت نوں زمین
وچ رکھن دی تیاری کر لین تہ خادیم دین آکھے

آدمی جیہڑا عورت تھوں جمیا ہے مقوڑے ہی دتاں تیکر جیوندا
تے دکھاں وچ پھسیا رہندا ہے۔ اوہ پھل وانگوں کھڑا تے پھیر
کھلا جاندا ہے۔ اوہ پرچھاویں وانگوں ڈھل جاندا ہے تے کدی اکو
جمیا نہیں رہندا ہے ۛ

جدا میت نوں قبر وچ رکھیا جائے
تہ خادیم دین آکھے۔

خدا قادر مطلق دی ایہ مرضی ہوئی ہے پئی ساڈے ایس بچے دی
روح نوں جو کوچ کر گیا ہے۔ اپنی بڑی مہرناں اپنے کول بناوے ایس
لئی اسیں اوہدی لاش نوں زمین دے اندر رکھدے ہاں تانجو مٹی دے
نال مٹی۔ گھٹے دے نال گھٹا تے دھول دے نال دھول رل جائے
ساڈی ایہ پکی تے پوری اُمید ہے۔ پئی ساڈے خداوند یسوع مسیح
دے وسیلے سدا دی زندگی دے لئی قیامت ہووے گی۔ اوہ اپنی
بڑی قدرت نال ساریاں چیزاں تابع وچ کر سکدا ہے۔ سو اوہ ساڈے
ایس نکھر بدن نوں بدل کے اپنے جلالی بدن وانگوں بناوے گا ۛ

پھیر ایہ پڑھیا جاوے

اوہناں نوں نہ کدی بھکھ لگے گی تے نہ تریہ۔ اوہناں نوں نہ کدی
دھپ ستائے گی تے نہ گرمی کیونجو جیہڑا برہ تخت اُتے ہے اوہ آپ
اوہناں دا ایالی ہوویگا تے اوہناں نوں زندگی دے پانی دے چشمیاں

کول لے جاوے گاتے خُدا اوہناں دیاں اکھیاں دے سارے اُتھو
پونجھیکا ۔

پھیر خادمِ دین آکھے

خادمِ دین - خُداوند ساڈے اُتے رحم کر +
جماعت - مسیح ساڈے اُتے رحم کر +
خادمِ دین - خُداوند ساڈے اُتے رحم کر +
اے ساڈے باپ جو آسمان اُتے ہیں تیرا ناں پاک مَنیا جائے
تیرا راج آوے - تیری مرضی جس طرح آسمان اُتے پوری ہندی ہے
زمین اُتے وی ہووے - ساڈے روز دی روٹی آج سانوں دیہہ -
تے ساڈیاں قصوراں نوں بخش دیہہ - جس طرح اسیں اپنے قصور داراں
نوں بخش دیندے ہاں تے سانوں آزمائش وِچ نہ پا - سگوں بُریائی
تھوں بچا - آمین ۔

خادمِ دین - اے خُداوند ساڈی دُعا سُن ۔
جماعت - تے ساڈی فریاد اپنے حضور پہنچ دے ۔
خادمِ دین - اسیں دُعا مَنگے

اے خُداوند یسوع مسیح تُوں نلے بچیاں نوں اپنی گود دے وِچ
لیا سی تے اوہناں نوں برکت دیتی سی - اسیں تیری مہمت کر دے ہاں
پئی تُوں ساڈیاں اکھیاں کھول تانجو ساٹوں ایس گل دا پتہ لگ جائے
پئی تُوں اپنے رحم دی وجہ نال ایس اپنے بچے نوں اپنی ابدی گود
وِچ لے لیا ہے - کیونجھو تُوں باپ تے رُوح القدس دے نال
اک خُدا سدا جیو تدا تے راج کر دایں - آمین ۔

اے خدا تیرا راہ پوشیدہ تے تیرے کم بڑے عجیب ہیں توں
 کسے چیز توں اینویں نہیں بنایا تے اپنی ساری خلقت نال محبت
 رکھدا ہیں۔ توں اپنیاں بندیاں توں جو غمگین ہیں تسلی بخش تانجواہ
 ایس زندگی وچ تیرے نال پیار کرن تے تیری خدمت کرن تے ایس
 کر کے اوہ سب تے تیرا ایہہ بچہ اگلے جہان وچ تیرے وعدیاں توں
 پوری طرح حاصل کرن۔ ساڈے خداوند یسوع مسیح دے وسیلے
 نال۔ آمین +

ساڈے خداوند یسوع مسیح دا فضل تے خدا دی محبت تے
 روح القدس دی سنگت آساں سمجھناں نال سدا رہوے۔ آمین +

زچہ دا شکرانہ

عورت جن دے بچھوں اپنے خاوند نال جے اوہ چاہے مقررہ دیلے
 گر جے اندر آدے تے دستور موجب پاک میزدے کول گوڑے
 نوائے تے پریسٹ ادھنوں ایہہ آکھے۔

خدا دی بڑی مہربانی ہوئی جو سلامتی نال آدھنے تینوں بچہ بخشیا
 تے جن دے بڑے خطرے تھوں تینوں بچا لیا۔ ایس لئی
 چاہیدا ہے پئی توں دل نال خدا دا شکر کریں تے ایہہ آکھیں۔

تد پریسٹ زبور پڑھے

زبور - ۱۱۶

۱۔ میں ایس کر کے خداوند دے نال محبت کر دی ہاں پئی اوس
نے میری آواز تے میریاں مینتاں سُنیاں ۔

۲۔ ایس کر کے جو اوس نے کن میرے ول لائے سو جرتیکر
میرا دم ہے میں اوسنوں پکاراں گی ۔

۳۔ موت دی پھاری نے مینوں گھیریا تے قبر دے شکنجے نے
مینوں اکھٹیا۔

۴۔ میں دکھاں تے غماں وچ قابو آگئی تہیں خداوند دے
نال توں پکاریا۔ پئی خداوند میں تیری منت کر دی ہاں میری جان
توں بچالے ۔

۵۔ خداوند مہربان تے صادق ہے۔ ہاں ساڈا خدا رحیم ہے ۔

۶۔ خداوند بھولیاں بھالیاں دارا کھا ہے۔ میں نمانی ساں
تے اوس نے مینوں بچایا ۔

۷۔ اے میری جان توں اپنے آرام دی تھاں ول مڑکیونجو
خداوند توں تینوں بڑا اجر ملیا ہے ۔

۸۔ کیونجو توں میری جان توں موت تھوں تے میری اکھیاں
توں ہنجو آں تھوں تے میرے پیراں توں تلکن تھوں بچایا ہے ۔

۹۔ میں خداوند دے حضور جیون دیاں دی زمین اُتے چلانگی ۔
تعریف باپ تے بیٹے تے روح القدس دی ہووے ۔

جیہی مڈھوں سی ہن دی ہے تے سدا رہیگی ۔ آمین

بیانِ پور - ۱۲۷

۱۔ جے خداوندی گھر نوں نہ بناوے تاں اوہدے بناؤں والیاں دی نخت بیفائدہ
ہے۔ خداوند جے شہدار اکھا نہ ہووے تاں پیرے والا بے فائدہ جاگدا ہے۔
۲۔ تھاداسویر دا اٹھنا تے دیر داسوناوی تے تھاداسی مڑھکے
دی روٹی کھانی بے فائدہ ہے۔ کیونجواوہ اپنے پیاریاں نوں رنج
نیںدر بخشدا ہے۔

۳۔ دیکھو اولاد خدا دلوں ورتہ ہے تے پیٹ دا پھل اوہدے
دلوں اجر ہے۔

۴۔ جس طرح بہادر دے ہتھ رچ تیراں دا مٹھا ہوندا ہے۔
اوسے طرح جوانی دی اولاد ہے۔

۵۔ دھن پین اوہ آدمی جہناں دا ترکش اوہناں نال بھریا ہو گیا
ہے۔ اوہ تاں شرمندہ نہ ہون گے۔ جدا پنیاں ویریاں نال پھاٹک
بیچ بھنگے۔

تعریف باپ تے بیٹے تے روح القدس دی ہووے۔
جیسی مڈھوں سی مہن وی ہے تے سدا رہیگی۔ آمین

پریٹ آکھے۔ ہمیں دُعا منگئے

پریٹ۔ خداوند ساڈے اُتے رحم کر۔

جواب۔ مسیح ساڈے اُتے رحم کر۔

پریٹ۔ خداوند ساڈے اُتے رحم کر۔

اے ساڈے باپ جو آسمان اُتے ہیں تیرا ناں پاک مَنیا جائے
تیرا راج آوے۔ تیری مرضی جس طرح آسمان اُتے پوری ہندی ہے

زمین اُتے دی ہووے۔ ساڈے روز دی روٹی اُج ساوُل دیہے
 تے ساوِیاں قصوراں نوں بخش دیہے۔ جس طرح اسیں اپنے قصوردارا
 نوں بخش دیندے ہاں تے ساوُل آزمائش وچ نہ پا۔ سگوں بُریائی
 تھوں بچا۔ کیونجو راج تے قدرت تے وڈیائی سدا تیری ہی ہے۔ آمین۔
 پریسٹ۔ اے خدا اپنی ایس بندی نوں سلامت رکھ۔
 جواب۔ کیونجو ادہ تیرے اُتے بھروسہ رکھدی ہے۔
 پریسٹ۔ اوہرے لئی اک پکا بُرج ہو۔
 جواب۔ اوہرے دیری دے حملے دے ویلے۔
 پریسٹ۔ خداوند! ساوِی دُعا سُن۔
 جواب۔ تے ساوِی فریاد نوں اپنے حضور پہنچ دے۔
 پریسٹ۔ اسیں دُعا منگئے۔

اے قادرِ مطلق خدا۔ اسیں عاجزی نال تیرا شکر کردے ہاں پئی
 توں اپنے بڑے کرم نال اپنی ایس بندی نوں جمن دے بڑے دکھ
 تے خطرے تھوں بچایا ہے۔ اے کمال رحیم باپ اسیں تیری مہمت
 کردے ہاں پئی ایہ تیری مدد نال ایس جہان وچ اپنی عمر ایماندار
 نال گزارے۔ تے تیری مرضی موجب چلے تے آؤن والے جہان وچ
 سدا دے جلال وچ شریک ہو جائے ساڈے خداوند یسوع مسیح
 دے وسیلے۔ آمین۔

اے خدا ساڈے آسمانی باپ اسیں تیرا شکر کرنے تے تیرے
 ناں دی وڈیائی کرنے ہاں۔ پئی توں اپنی ایس بندی نوں برکت دتی
 تے اوہنوں بچہ بخشیا۔ اے رحیم باپ اسیں تیری مہمت کرنے ہاں ایہ

بخش پئی ایہر تیری بندی اپنے خاوند دے نال اپنے بچے نوں نیکی
 دے راہ اُتے کوشش نال چلا دے۔ تانجو ایس طرح ادہ آپ دی
 بڑی برکت حاصل کرے۔ تے تیرے پاک ناں دی وڈیائی ہووے
 ساڈے خُداوند یسوع مسیح دے وسیلے نال۔ آمین ۛ

خُداوند کریم دے فضل والے رحم تے حفاظت و رُچ ایس تینوں
 سوچنے ہاں۔ خُداوند تینوں برکت دے تے تیری رکھوالی کرے خُداوند
 اپنا چہرہ تیرے اُتے چمکائے تے تیرے اُتے فضل کرے۔ خُداوند
 تیرے وَل نگاہ کرے تے تینوں اطمینان بخشے۔ ہن تے سدائے آمین ۛ

اقراری بناؤن دی ترتیب

پریسٹ - فلاں مسیحی ہونا چاہندا ہے۔ ایس لئی میں تہا تھوں
 عرض کردا ہاں پئی اوہدے لئی دُعا منگو تے بھراوانگر مُجھت
 نال اوہنوں قبولو۔ ادہ ارج ایہتھے حاضر ہے تے تہاڈے اُگے
 میں اوہدا امتحان کراں گا۔

پریسٹ گرجے دے کچھی بوہے دے کول
 نوَمرید نوں مل کے ایسہ آکھے۔

بیٹا۔ توں کیہ چاہندا ہیں ؟
 جواب۔ میں تیتھوں مسیحی سکھیا تے پاک بیتسمہ منگدا ہاں ۛ

اوہناں سبھناں دے لئی جیڑے مسیحی دین وچ رلنا چاہندے
 نے ضروری ہے۔ پئی اوہ تن اتانیم اک خُدا دی پرستش باپ۔ بیٹے
 تے پاک رُوح وچ کرن تے ساریاں مہتاں بد رُوحاں تے جھوٹھیاں
 دیوتیاں نوں چھڈ دین۔ ایمان۔ نیکی تے پرہیزگاری نال اپنی زندگی
 کٹن تے ساریاں لوکاں نال سلوک تے پیار نال رہن۔ لوڈوڈاں تے
 وکھسار اں دی مدد کرن نالے شخصی دُعا تے خُدا دی کلیسیا دی جماعتی
 عبادت وچ وی لگے رہن۔ ایس لئی میں سچھدا ہاں۔ کہیہ توں ساریاں
 مہتاں بد رُوحاں تے جھوٹے دیوتیاں نوں چھڈ کے اگونی خُدا دی
 بندگی کرن دا وعدہ کردا ہوں؟

جواب۔ میں وعدہ کردا ہاں۔

پرلیسٹ۔ کہیہ توں شیطان تے اوہرے ساریاں کماں نوں چھڈنا ہوں؟

جواب۔ میں اہناں نوں چھڈنا ہاں۔

پرلیسٹ۔ کہیہ توں ساری غلط سکھیا چھڈ کے خُداوند یسوع مسیح
 نوں خُدا دا بیٹا تے اکلا نجات دین والا مندہا ہوں؟

جواب۔ ہاں میں مندہا ہاں۔

برکت دا کلمہ

خُدا ساڈے خُداوند یسوع مسیح دا باپ جیڑا راہ سچیاں تے
 زندگی ہے۔ جس تیرے دل وچ ایہہ پاک خواہشاں پائیاں نے جو
 توں بیتسمہ دی راہیں اوہرے فضل توں لبھیں۔ اپنی بڑی رحمت
 نال ایہہ بخشے پئی توں اہناں وچ قائم رہویں تے اپنی مرضی دے چنگے

ارادے لوں تیرے وچ پُوریاں کرے۔ آمین +

اَسیں دُعا منگے

خداوند رحم کر۔

جواب - میج رحم کر۔

پرلیسٹ - خداوند رحم کر۔

اے ساڈے باپ جو آسمان اُتے ہیں تیرا ناں پاک مَنیا جائے
تیرا راج آئے۔ تیری مرضی جس طرح آسمان اُتے پوری ہندی ہے زمین
اُتے وی ہووے۔ ساڈی روز وی روٹی آج ساڈوں دیہہ تے ساڈیاں
قصووراں لوں بخش دیہہ۔ جس طرح اَسیں اپنے قصووراں لوں بخش
دیندے ہاں۔ تے ساڈوں آزمائش وچ نہ پا۔ سگوں بُریائی تھوں بچا
آمین +

پرلیسٹ - اے خدا مینوں میری بدی تھوں چنگی طرح دھو دیہہ +

جواب - تے مینوں میرے گناہ تھوں پاک کر +

پرلیسٹ - مینوں صاف کرتے میں پاک ہوواں گا +

جواب - مینوں دھوتے میں برف تھوں وی چٹا ہوواں گا +

پرلیسٹ - میرے گناہاں تھوں اپنا مٹھ پھیر +

جواب - تے میریاں ساریاں بدکاریاں مٹا دے +

پرلیسٹ - اے خداوند میری دُعا سن۔

جواب - تے میری فریاد اپنے حضور پہنچ دے +

آسین دُعا منگے

اے خداوند قادر مطلق خدا۔ ساڈی عرض ہے پٹی توں اپنے
ایس بندے تے نظر کر جیڑا ہنیرے وچوں چانن وچ تے اپنے
گناہاں دی علامی وچوں خدا دے فرزند اں دی جلالی آزادی وچ
آؤنا چاہندا ہے۔ تانجوا گے نوں غلام نہیں سگوں بیٹا ہو کے اور
تیری حضوری وچ پوری خوشی پائے۔ ساڈے خداوند یسوع مسیح دے
وسیلے۔ آمین ۛ

اے خداوند یسوع مسیح۔ وڈے ایالی جس اپنیاں بھید اں لئی
اپنی جان وٹی رحم کر کے ایس گمراہ نوں
اپنے اجڑ وچ لواتے سدا دی زندگی دیاں چنگیاں جوہاں وچ
ایس نوں لے چل اپنی رحمت دی خاطر۔ آمین ۛ
اے خدا روح القدس محبت دے خداوند تے زندگی بخش والے
اپنے ایس بندے نوں جہالت دے جنگل وچوں زندگی دے پانی دے
سوتیاں ول لے چل۔ تاں جو ایہ ساری بدی تھوں پاک ہو کے
تیرے وچ اک نوں مخلوق بنے۔ جیڑا باپ تے بیٹے نال اک خدا
سدا جیوندا تے راج کردا ہیں۔ آمین ۛ

پھیر پریٹ اقراری نوں ایہ آکھ کے برکت دیوے

خدا دے بیٹے دی صلیب جیڑا شیطان دیاں ساریاں فوجاں
نالوں زور والا ہے تے آسمان دے سارے فرشتیاں نالوں جلالی ہے
تیرے باہر جانیاں تے اندر آؤندیاں دیلے تیرے نال رہوے ابدین

رات - صبح شام - ہر ویلے تے ہر تھاں ادھ تیری حفاظت تے راکھی کرے
 بھڑے آدمیاں دے غصے تھوں - بد روحاں دیاں حملیاں تھوں -
 ویکھیاں تے اتو یکھیاں ویریاں تھوں - شیطان دیاں ساریاں پھاہیاں
 تھوں - سبھتاں ماڑیاں خواہشاں تھوں جیڑیاں روح تے جسم نوں
 ورگلاؤندیاں نے ادھ تیری راکھی تے حفاظت کرے تے تیںوں بائی بخنھے -
 آمین +

استقلال پریس لاہور میں باہتمام پادری آرگرن سکریٹری پنجاب ریجنس ٹیک سوسائٹی
انارکلی لاہور چھپکر شائع ہوئی

Printed in Istiklal Printing Press, Lahore
and Published by Rev. R. Green,
Secretary, P. R. B. S., Lahore.

256